

Namminersorlutik Oqartussat, 24 april 2026

# Missingersuusiormut malittarisassat 2026-meersut Aningaasaqarnermut Naalakkersuisoq

## Siulequt

Missingersuusiornermut malittarisassat maannamut atuuttut missingersuutit pillugit siusinnerusukkut inatsit naapertorlugu 2008-mi atuutilersinneqarput.

Taamanili ineriartortoqarnerata, minnerunngitsumik Missingersuutit naatsorsuutillu pillugit inatsisip nutaarluinnaap akuersissutigineqarsimanera, missingersuusiornermut malittarisassat nutaat atortussanngortinnissaannut pisariaqartitsinermik malitseqarsimavoq.

Taamaalilluni Missingersuusiortarnermut inatsimmi pingaarnertut tunngavigineqartut ilaneqarnissaannut missingersuusiornermut malittarisassat matumani pineqartut aqqutigalugit nalunaarummik suliaqarnissaq missingersuutit naatsorsuutillugu pillugit Inatsimmi nutaami pisariaqartinneqalermoq. Nalunaarut taanna taamaasilluni missingersuusiornermut malittarisassaq manna aqqutigalugu pigineqalermoq, nalunaarullu tassunga peqatigitillugu Namminersorlutik Oqartussanut nalinginnaasumik missingersuusiortarnermut ilitsersuutaavoq.

Missingersuusiornermut malittarisassat nalunaarutitut allaqqammata malittarisassani maleruagassat erseqqissaatigineqartut suleriaatsillu pituttuisuupput malinneqartariaqartussaallutillu.

Sulisunngorlaat aningaasaqarnikkut aqutsinermik ingerlatsinermillu suliaqartut atorfinitsitaanermi missingersuusiornermut malittarisassat assilineqarnerannit tunineqassapput, imaluunniit elektroniskimik qanoq ingerlanneqartarnerinit ilisimatitsissutigineqarlutik. Malittarisassat suliffeqarfimmi sulisunut allanut aamma pissarsiarineqarsinnaassapput. Malittarisassat aamma Nanuaqqami digitaliusumik nassaarineqarsinnaassapput.

Matumani missingersuusiornermut malittarisassat atuutilersinneqarneranni missingersuusiornermut malittarisassat 17. juni 2008-meersut atuukkunnaarsinneqarput.

Matumani missingersuusiornermut malittarisassat nutaamik malittarisassaliortoqarnissaata tungaanut atuutiinnassapput. Taamaalillunimi missingersuusiortarnermut malittarisassat 2026-mi taamaallaat atuuttussaanatik ukiuni aggersuni aamma atuuttussaassapput.

Nuuk, 24. april 2026

Aqqaluaq B. Egede

/

Nikolai Sten Christensen

## Imai

Siulequt.....	2
1. Aallaqqaasiut .....	8
1.1. Aningaasaliissutitut inatsisit .....	8
1.2. Aningaasaqarnermut Naalakkersuisoqarfiup ataqatigiissarisutut atuuffia.....	8
1.3. Missingersuutit naatsorsuutillu pillugit inatsimmi tunngaviit tunngaviulluinnartut.....	9
1.4. Sinaakkutinik aqutsineq aqutsinermit tunngavittut.....	10
1.5. Naalakkersuisuni ilaasortat akisussaaffii.....	10
2. Aningaasaliissutit qaffasissusii kontomullu pilersaarut.....	11
2.1. Kontonut pilersaarutip sananeqarnera .....	11
2.1.1. Nalunaarsuisarnermut assersuut .....	11
2.1.1.1. Assersuut: Aningaasanut Inatsit .....	12
2.1.1.2. Assersuut: Immikkoortortaqaarfik.....	12
2.1.1.3. Assersuut: Siunertaq.....	13
2.1.1.4. Assersuut: Suussusaa.....	13
2.1.1.5. Assersuut: Sumiiffik.....	13
2.1.1.6. Kontomut pilersaarummi immikkoortut allat .....	14
2.2. Aningaasaliissutit suussusii .....	14
2.2.1. Ingerlatsinermit aningaasaliissutit .....	14
2.2.2. Aningaasaliissutit inatsisitigut pisussaaffiusut .....	15
2.2.3. Tapiissutitut aningaasaliissutit.....	15
2.2.3.1. Kiffartuussinissamik isumaqatigiissutit.....	15
2.2.4. Sanaartornermut aningaasaliissutit .....	16
2.2.5. Iseritassatut aningaasaliissutit.....	16
2.3. Aningaasaliissutit qaffasissusii.....	17
2.4. Aningaasanut Inatsimmi kontot nutaat .....	17
3. Aningaasaliissutit missingersuusiortarnerat .....	17
3.1. Iseritassatut aningaasaliissutit .....	17
3.2. Aningaasaliissutit inatsisitigut pisussaaffiusut .....	18
3.3. Ingerlatsinermit tapiissutitullu aningaasaliissutit.....	18
3.4. Sanaartornermut aningaasaliissutit .....	19
4. Ilassutitut aningaasaliissutit.....	19
4.1. Aningaasaqarnermut Akileraartarnermullu Ataatsimiititaliap aningaasaliisarnissanut piginnaatinneqarnera .....	19
4.2. Atuinerit ilassutitut aningaasaliissutinik piunasaqarfiusut .....	19

4.2.1.	Aningaasaliissutit inatsisitigut pisussaaffiusut .....	19
4.2.2.	Isertitassatut aningaasaliissutit.....	20
4.2.3.	Ingerlatsinermut tapiissutitullu aningaasaliissutit.....	20
4.2.4.	Sanaartorneq .....	21
4.2.5.	Oqaasertaliussat allanngortinneqartut.....	21
4.2.6.	Ukiumi aningaasanut inatsiseqarfiusumi ataatsimiititaliap piginnaatitaanera .....	22
4.3.	Ilassutitut aningaasaliissutit pillugit Naalakkersuisut isummernissaannut tunngavissiaanni taaneqartut .....	22
4.4.	Ilassutitut aningaasaliissutit pillugit Naalakkersuisut isummernissamut tunngavissiaanun tunngatillugu suleriaaserineqartoq.....	24
5.	Sammiviit kiisalu missingersuusiornermut piumasaqaatit .....	26
5.1.	Sammiviit suuppat? .....	26
5.2.	Aningaasanut inatsisip sammivia .....	26
5.3.	Siunertap sammivia .....	26
5.4.	Suussutsit sammiviat .....	27
5.5.	Suliniutip sammivia.....	30
5.6.	Sammiviit allat.....	31
6.	Oqaasertaliussat.....	31
6.1.	Oqaasertaliussani siunertaq .....	31
6.2.	Oqaasertaliussani oqaasertaliorneq.....	32
6.3.	Oqaasertaliussanut nassuiaatit .....	32
6.4.	Oqaasertaliussat atorneqarneri.....	33
6.4.1.	Ukiuni arlalinni atugassiissutit .....	33
6.4.2.	Qularnaveeqqusiinerit.....	33
6.4.3.	Aningaasaliissutinik atorneqanngitsunik immikkoortitsineq.....	34
6.4.4.	Naalakkersuisut nikisiterinissamut piginnaatinneqarput (suliassaqarfiit allanngortinneqarnerat).....	35
6.4.5.	Pingaartumik oqaasertaliussani atortunik tunniussinermi inatsisinik saneqqussinerni. ....	35
7.	Akit qaffasissusaat aamma aningaasarsiat qaffasissusaat.....	36
7.1.	Akinut akissarsianullu akigititap nassuiarneqarnera .....	37
7.2.	Peqqinnissaqarfimmi aningaasaliissutit innuttaasut katitigaanerat naapertorlugu naleqqussarnissaat 38	
8.	Missingersuutit inissisimanerat pillugu naatsorsuinerit.....	39
9.	Aningaasanut inatsimmi inernerit.....	42
9.1.	IST .....	42
9.2.	IS .....	42

10.	Aningaasaliissutitut inatsisini missingersuutitut ilanngussat suliarineqartarnerat.....	43
10.1.	Missingersuutit immikkoortiterneri.....	44
10.2	Suliniutit immikkoortiterneri.....	45
10.2.	Sulisunut kisitsisinik naatsorsuineq.....	46
10.3.	Missingersuutitut ilanngussani paasissutissat allat.....	46
10.4.	Aningaasanut Inatsimmi ilusiliineq naqinnerillu qanoq ittuuneri.....	47
11.	Aningaasanut Inatsisissatut siunnersuut Aningaasanullu inatsit .....	47
11.1.	Aningaasaqarnermut Nalunaarut aamma -Aningaasanut Inatsit .....	47
11.2.	Aningaasanut inatsisip suliarineranut piffissamut pilersaarut .....	48
11.3.	Tunngaviusumik missingersuutit.....	49
11.4.	Pingaarnersiineq pillugu isummernissamut tunngavissiaq.....	49
11.5.	Aningaasanut inatsisissatut siunnersuutip aamma Aningaasanut inatsisip imarisaat .....	50
11.5.1.	Suliassaqarfinni assigiinngitsuni angusanut takussutissiaq .....	50
11.5.2.	Aningaasaliissutitut takussutissiaq; Ilanngussaq 1 .....	50
11.5.3.	Oqaasertaliussat; Ilanngussaq 2.....	50
11.5.4.	Nassuiaatit nalinginnaasut (taamaallaat aningaasanut inatsisissatut siunnersuummi).....	50
11.5.5.	Missingersuutit inissisimaffiannik naatsorsuineq.....	51
11.5.6.	Sammissassanut suliassaqarfinnut naatsorsuineq.....	51
11.5.7.	Suussutsinut kontot naatsorsorneri .....	51
11.5.8.	Kontonut pingaarnernut takussutissiaq (Aningaasanut inatsimmi kontomut takussutissiaq)..	51
11.5.9.	Sulisunut takussutissiaq.....	51
11.5.10.	Sanaartornermut paasissutissanut tabeli .....	51
11.5.11.	Missingersuutitut ilanngussat .....	52
12.	Aningaasanut inatsisissatut siunnersuutip Inatsisartuni suliarineqarnera .....	52
12.1.	Siullermeerinninneq pillugu .....	52
12.2.	Aappassaaneerinninneq pillugu.....	53
12.3.	Pingajussaaneerinninneq pillugu .....	54
12.4.	Aningaasanut inatsisip katersornera .....	54
13.	Aningaasaliissutissanut inatsisit saniatigut inatsisissatut siunnersuutit allat.....	55
14.	Siunnersuisooqatigiinnut, aalajangiisartunut peqatigiiffinnullu il. il. tapiissuteqartarneq .....	56
15.	Aningaasaqarnermut inatsimmi aningaasaliissutit .....	56
15.1.	Konto pingaarneq, 20.11.50 Ingerlatsinermut sillimmatit.....	56
15.2.	Kantomut pingaarnermut, 20.11.51 Nutarterinerit sunniutaat.....	57
15.3.	Konto pingaarneq 20.11.56 Missingersuutitut iluarsineq, allaffissorneq pillugu .....	57
15.4.	Kantomut pingaarnermut, 20.11.70 Suliniutitut nutaanut sillimmatit.....	57

15.5.	Konto pingaarneq 80.00.01 Nuussinissanut sillimmatit pillugu.....	57
16.	Nunatta karsiani aningaasaateqarfiit.....	58
16.1.	Piffissamut ungasinnerusumut aningaasaliinissanut aningaasaateqarfik.....	58
16.2.	Aatsitassarsiornermi Aningaasaateqarfik .....	59
16.3.	Avatangiisinut aningaasaateqarfik.....	60
16.4.	Sanaartugassanut Iluarsagassanullu Aningaasaateqarfik.....	60
16.4.1.	Aningaasaliissuteqarnissamut tunngavik marlunnut avitaq.....	61
16.4.2.	Sanaartugassanut Iluarsagassanullu Aningaasaateqarfimmut aningaasaliissutinik nuussisarneq 62	
17.	Aningaasaateqarfinit avataaneersuniit aningaasalersuineq.....	63
17.1.	Suliniutit avataanit aningaasalersorneqartut ingerlannerat .....	63
18.	Aningasaqarnikkut politikikkut ingerlatsineq pillugu nassuiaat (AIN).....	64
18.1.	AIN-imi siunertaq.....	65
18.2.	AIN-ip imarisaa .....	65
18.3.	Suliarinera ingerlanneralu.....	65
19.	Namminersorlutik Oqartussani aktiaatitigut pigisat .....	66
19.1.	Aningaasaliissutitigut tunngavigisat.....	66
19.2.	Aktiaatinik pisinerit tunisinerillu .....	66
19.3.	Iluanaarutit, aningaasaatit appartinneri aningaasaliinerillu .....	66
19.4.	Nalilinnik aningaasaliineq .....	67
19.5.	Piginneqataasut isumaqatigiissutaat .....	67
19.6.	Aktiaateqarluni ingerlatseqatigiiffiup siunertaanik allannguneq.....	67
19.7.	Aningaasaqarnikkut inatsisilerinikkullu naliliinerit .....	67
20.	Pigisat tigussaasut.....	68
20.1.	Pigisanik nalunaarsuineq .....	68
20.2.	Illuutininik pisineq.....	68
20.3.	Atuisinnaatitaanerup atorunnaarnera .....	68
20.4.	Pigisat nalillit 100.000 kr.-nit qaangerlugit nalillit tunisarnissaat .....	69
20.5.	Pigisat nalillit 100.000 kr.-nit ataallugit nalileqartut tunisarnerat .....	70
20.6.	Sillimmasiinerit .....	71
21.	Namminersorlutik Oqartussat aningaasaqarnikkut ingerlatsinerat .....	71
21.1.	Aningaasaqarnikkut pigisanut akiitsunullu akisussaaneq.....	71
21.2.	Taarsigassarsineq attartornerlu .....	71
21.3.	Namminersorlutik Oqartussat akiliisinnaassuseqarnerat .....	72
22.	Namminersorlutik Oqartussat illuutai inissiaataalu.....	73

22.1.	Attartornermut isumaqatigiissutit akuersissutiginerat .....	73
23.	Suliffeqarfiit namminersortitat .....	73
23.1.	Suliffeqarfiit namminersortitat killileneri .....	73
24.	Pisussaaffiusinnaasut, eqqartuussivinni suliat nalunaarutillu.....	74
24.1.	Eqqartuussivinni suliat, suliaassanut aningaasaliissutit akiliisitsinerillu akilerneqartarnerisa suliarisarnerat .....	75
24.2.	Qanoq pilersaaruteqarnermik nalunaaruteqarnerit pituttuinningsut .....	76
25.	Namminersorlutik Oqartussat missingersuutaanik malitseqartitsisarneq .....	77
26.	Aningaasaqarnikkut pitsaasumik aqutsinermut malittarisassat tunngaviillu .....	78
26.1.	Aningaasaliissutit atornerinut malittarisassat .....	78
26.2.	Pissaanermik killormut saatitsineq piviusorsiornerlu .....	79
26.3.	Ukiumi qaammatini kingullerni naleqqutinngitsumik atuinerup pitsaaliornissaa .....	79
26.4.	Akisussaaneq nakkutiginninnerlu.....	79
27.	Immikkoortunut pilersaarutit.....	80
28.	EU-mik suleqateqarneq aamma PFM pillugu iliuussissatut pilersaarut .....	81
29.	Atorfinitsitsinermut suliaasaqarfik .....	83
29.1.	Ataasiartumik akissarsisitsisarneq.....	84
30.	Immikkoortorisanik kiisalu kommuninik inatsisitigut aalajangersarneqanngitsumik nakkutilliineq..	84
31.	Missingersuusiornermut malittarisassanut inatsisit tunngaviusut taakkunanngaanniillu immikkut akuersissuteqartarneq .....	87
32.	Malittarisassanut ilitersuutinullu innersuinerit.....	87

# 1. Aallaqqaasiut

## 1.1. Aningaasaliissutitut inatsisit

Namminersorlutik Oqartussat Inatsisartut aningaasaliissutitut inatsisit arlaanni akuersissuteqarfigisaanni siusissukkut tunngaveqaaqaarnani aningaasartuteqarsinnaannginnerat tunngaviulluinnarluni tunngaviuvoq.

Aningaasaliissutitut inatsit pingaarneq tassaavoq aningaasanut inatsit, taanna ukiup aningaasanut inatsiseqarfiusup aallartinnginnerani akuerineqartarpoq, Nunattalu Karsiata missingersuutaanik imaqartarluni. Aappaa ilassutitut aningaasaliissutitut inatsisaavoq, taannalu aningaasanut inatsisip naammassereernerata kingorna aningaasaliissutitut allannguutitik aningaasaliinermullu piumasqaatinik imaqarpoq.

Aningaasanut inatsit ukiumi aningaasanut inatsiseqarfiusumi Namminersorlutik Oqartussat suliaannut tunngaviusarpoq. Aningaasanut inatsit ukunannga akuersissutigineqarpoq: Inatsisartut, taakkummi aningaasaliinissamut oqartussaapput, aningaasaliissutillu atorineqarnerannik nakkutilliisuullutik.

Aningaasanut inatsisissatut siunnersuut ukiumut aningaasanut inatsiseqarfiusussamut missingersuutissatut siunnersuutitik imaqartarpoq. Tamatuma saniatigut ukiunut aningaasanut inatsiseqarfiusunut tullernut pingasunut (ukiut missingersuusiorfiusut) missingersuutitut siunnersuutissanik imaqarpoq. Kiisalu siunnersuut oqaasertaliussanik imaqarpoq. Taakku inatsisitigut aalajangersagaapput, pingaarnertullu aningaasaliissutitigut aqutsinermut tapertatut atorineqartarlutik. Aningaasanut inatsit akuerisaq ilassutissatut aningaasaliissutitut inatsit aqutigalugu allanngortinneqarsinnaavoq.

Aningaasanut inatsimmut allannguutit tassungalu aningaasaliissutit oqaasertaliussallu ukiumi aningaasanut inatsiseqarfiusumi ilaasut Inatsisartut Aningaasaqarnermut Ataatsimiititaliaannit akuerineqartussaapput. Ukiup aningaasanut inatsiseqarfiusup naanerata kingorna ilassutitut aningaasaliissuteqarnissamik qinnuteqaatit akuerisat tamarmik ilassutissatut aningaasaliissutitut inatsit aqutigalugu Inatsisartunut akuerisassanngorlugit nassiunneqassapput.

## 1.2. Aningaasaqarnermut Naalackersuisoqarfiup ataqatigiissaarisutut atuuffia

Aningaasaqarnermut Naalackersuisoq Namminersorlutik Oqartussat missingersuusiornerannik ataqatigiissaarisuuvoq. Aningaasaqarnermut Naalackersuisoq Naalackersuisut aningaasaliissutitut inatsisissatut siunnersuutaannik Inatsisartunut saqqummiissaaq. Tamatuma saniatigut Aningaasaqarnermut Naalackersuisup ilassutitut aningaasaliissuteqarnissamik qinnuteqaatit Inatsisartut Aningaasaqarnermut Ataatsimiititaliaannut nassiuttarpai. Aningaasaqarnermut Naalackersuisoqarfiup ataqatigiissarluni sulinermini Naalackersuisoqarfiit allat inatsisinik, peqqussutisunik assigisaanillu Namminersorlutik Oqartussanut kommuninulluunniit aningaasaqarnikkut kinguneqartitsisussanik suliaqarnermini Aningaasaqarnermut Naalackersuisoqarfik sapinngisamik siusinaartumik ataqatigiissartuuvoq.

Aningaasaqarnermut Naalackersuisoqarfiup inatsisissatut siunnersuutitut missingiutitut il.il. suliaqarnermini naalackersuisoqarfinnit akisussaasunit aningaasaqarnikkut allaffissornikkullu kingunerisassaannik kingunerisassanik nalilersuisassaaq. Aningaasaqarnermut

Naalakkersuisoqarfiup aamma inatsisissatut siunnersuutip siunertamut naapertuunna nalilersussavaa aningaasaqarnermut naalakkersuineq kiisalu aaqqissuussamik naalakkersuinikkut anguniakkat pingaernerit isiginiarlugit. Naalakkersuisut Suleriaasiat pillugu nalunaarut qaqugukkulluunniit atuuttoq, maanna Naalakkersuisut suleriaasiat pillugu Namminersorlutik Oqartussat nalunaarutaanni nr. 28, 13. juli 2022-meersoq aamma innersuusutigineqarpoq.

Inatsisip nutaap aningaasaqarnikkut kingunerisassaasa nassuiaaffiginerat inatsit naapertorlugu nalunaarutit kingunerisassaasa nassuiarnerannik aamma imaqaassaaq. Aningaasaqarnermut Naalakkersuisoqarfik inatsisit aamma Naalakkersuisut isummernissamut tunngavissiaasa aningaasaqarnikkut kingunerisassaata pillugit atortussat tamakkerlugit tunniunneqarnissaannut pisinnaatitaaffeqarpoq.

Inatsisissatut siunnersuutit nutaat aningaasaqarnikkut kinguneqartussat tamarmik Naalakkersuisut aningaasanut inatsimmut siunnersuummi pingaarnersiunerannut ilaatinneqassapput. Inatsisissatut siunnersuutit annerit tamarmik atuutilernissaat ikinnerpaamik qaammatit arfinillit sioqqullugit sapinngisamik akuersissutigineqareersimassapput Naalakkersuisut inatsisinut pilersaarutaat qaqugukkulluunniit atuuttoq naapertorlugu. Taamaaliortoqassaaq kommunit allaffissornikkut sullissineranni atortoqalersimanissaat qulakkeerniarlugu kiisalu Namminersorlutik Oqartussat inatsimmut nutaamut pineqartumut piffissaqarluarluni naleqqussarnissaat qularnaarniarlugu. Suleriaatsilli ilaat eqqarsaatigalugit tamanna tamatigut pisinnaasassanngilaq.

### 1.3. Missingersuutit naatsorsuutillu pillugit inatsimmi tunngaviit tunngaviulluinnartut

Namminersorlutik Oqartussat aningaasaqarnermik aqutsineranni periaatsit pingaartutut isigineqartoq tassaavoq Inatsisartut aningaasaqarnikkut pingaarnersiugaat aningaasanut inatsimmik akuersissuteqarnerat ukiumut ataasiarluni pisarnissaa. Ukiumut ataatsimut pingaarnersiunerit kingornagut ilassutitut aningaasaliissuteqarnikkut pingaaruteqarlutik allanngorteqqusaanngillat.

Aningaasanut inatsiseqarfiusup ingerlanerani aningaasaliissutit nutaat allannguinerillu ikinnerpaaffianiitinniarneqassapput siullertullu aningaasartuutitut naatsorsuutigineqanngitsunut immikkoortitanillu atuinerit tunnganerussallutik. Nutaanik aningaasaliissuteqarnissamik imaluunniit aningaasaliissutinik allanngortitsinissamik qinnuteqaatit iliuutsinut pingaarutilinnut aamma aningaasanut inatsisip suliarineqarnerani siumut naatsorsuutigineqarsinnaasimannngitsunut taamaallaat tunngassasut tunngavissaatinneqarpoq.

Nutaanik aningaasaliissuteqartoqarnissaanik aningaasaliissutinilluunniit allanngortitsisoqarnissaanik qinnuteqaatit ukiumi aningaasaliiffiusumi taamaallaat aningaasartuutitut immikkoortitanik imaqaqusaapput, allatut inatsimmi allami erseqqissumik allamik allassimasoqartinnagu, matumani oqaasertaliussat ilanngullugit. Inatsisartut Aningaasaqarnermut ataatsimiititaliaata taamaalilluni aningaasanut inatsiseqarfimmut ukiumut kingunerisassat kisiisa isummerfigissavai, ukiullu tullianut kingunerisinnaajunnartussat aningaasanut inatsimmut tullermut ilanngunneqassallutik.

Ukiup tulliani aningaasatigut kingunerisinnaajunnartut tapiissutitut aningaasaliissutinut qinnuteqaatini tamani allaqqassapput.

#### 1.4. Sinaakkutinik aqutsineq aqutsinermi tunngavittut

Namminersorlutik Oqartussat aningaasaqarnermik aqutsinerani tunngavigineqartoq qitiulluinnartoq tassaavoq killiliussanut aqutsineq, tassani aningaasaliissutigineqartut kontot pingaernerit atorlugit (aamma aningaasanut inatsimmi kontonut qaffasissutsit taaneqartoq) tunniunneqartarlutik. Kontomut pingaarnermut aningaasaliissutit tamarmiusut aningaasaqarnikkut killiliussanut ilaasut sammisassat immikkoortitsinerillu sugaluartut iluanni akilerneqartarnissaannik tamanna isumaqarpoq.

Killiusanik aqutsinermi Naalakkersuisunut ilaasortat akisussaasuusut kiisalu oqartussaaffii aningaasaliissutit tunniunneqartut iluini pingaarnersiuinissamut eqaatsumik suliassanillu nalimmassaasinnaallutik pisinnaasarpur, atuneq aningaasaliissutinut piumasagaatinut siunertanullu naapertuuppat. Killiliussanik aqutsinermi siunertaavoq najukkani nalimmassaasinnaaneq pisariillisaanerlu, kiisalu pingaarnertut pilersaarummik aningaasaqarnikkut sukannersumik aqutsinerup attatiinnarnissaa aamma siunertaalluni.

Atugassiissutit tamarmik aningaasaliissutinut killiliussat iluini aamma oqaasertaliussanut immikkoortitanullu aningaasanut inatsimmi aamma takuneqarsinnaasunut ataqqinnilluni pisarnissaat pingaarluinnartuuvoq. Aningaasaliissutinik sippuniarneq ilassutitut aningaasaliissutinik siumut qinnuteqaqqaarluni pissaaq, taakkulu pingaarnertut Inatsisartunit imaluunniit Aningaasaqarnermut ataatsimiititaliaannit akuerineqassapput<sup>1</sup>.

Killiliussanik aqutsineq aningaasaqarnikkut akisussaassuseqarnerup takunnissinnaanerullu qulakkeernissaannut tapeeqataavoq, Naalakkersuisullu sipaarniartoqarnissaanut aamma pisortat aningaasaataannik sunniuteqarluartumik atuinissamut aningaasaqarnikkut anguniagaannut pingaarnernut tapersersuisuulluni.

#### 1.5. Naalakkersuisuni ilaasortat akisussaaffii

Aningaasaliissuteqarneq Naalakkersuisunut ilaasortap malittarisassat sukumiinerusumik aalajangersakkat malillugit iliuuseqartarnissaanut piginnaatitsissutaavoq.

Aningaasaliissutit atortarnerannut malitseqartitsisarnissap qulakkeernissaa aningaasaliissutillu aningaasaliissutinut piumasagaatit atorlugit sapinngisamik atortarnissaasa qulakkeernissaat Naalakkersuisunut ilaasortat ataasiakkaat pisussaaffigaat. Aningaasaliissutit pitsaanerpaamik atorneqartarnissaat aamma ingerlatsiviup naammaginartumik aaqqissuussaannissaa, tassunga ilanngullugu Naalakkersuisoqarfik pitsaasumik sunniuteqarluartumillu aningaasaqarnermik aqutsinissaq Naalakkersuisunut ilaasortat qulakkiigassaraat.

Naalakkersuisunut suliassaqarfimmi missingersuutinut malitseqartitsineq atuinernerunissamut aarlerinaammik takutitsissagaluarpat Naalakkersuisunut ilaasortaq aningaasaliissutit malinneqarnissaannut imaluunniit ilassutissatut aningaasaliissutinik qinnuteqartoqarnissaanut qulakkeerinninnissamut suliniutissanik pisariaqartinneqartunik aallartitsissaaq.

---

<sup>1</sup> Taamaattoq inatsisinit piumasagaataasunut aningaasaliissutinut immikkut atugassarititat atuupput, soorluttaaq oqaasertaliussani aningaasaliissutini aalajangersimasuni qaangiinernut tunngasunik atugassarititaqartoqarsinnaasoq. Taakku tamarmik malittarisassani kingusinnerusukkut nassuiarneqassapput. Oqaasertaliussat aalajangiisinnassutsimik Naalakkersuisumut akisussaasumut tunniussinerneq atorneqarsinnaapput.


## 2. Aningaasaliissutit qaffasissusii kontomullu pilersaarut

### 2.1. Kontonut pilersaarutip sananeqarnera

Kontomut pilersaarut nalunaarsuisarnermut pingaarnertut sinaakktutissanut ilaavoq, tamannalu missingersuusiortarnermi kiisalu Namminersorlutik Oqartussat naatsorsuutaanni aningaasaqarnikkut ingerlaartunut nalunaarsuisarnermi atornerqartartoq.

Kontonut pilersaarut aningaasaqarnikkut immikkoortunik assigiinngitsunik sammivilinnik immikkoortoqarpoq. Aningaasaliissutit aningaasaqarnikkut immikkoortunik assigiinngitsunik sammivillit nalunaarsorneqartut attuumassutillit takussutissiami tullinnguuttumi takutinneqarput. Nalunaarsuinerit immikkoorlutik aningaasaqarnikkut takussutissani tullinnguuttuni minnerpaamik tallimanik siullernik imaqaassapput, tassalu: *Immikkoortortaq*, *Aningaasanut inatsit*, *Siunertaq*, *Suussusaa* aamma *Sumiiffik*.

Sanaartugassanut aningaasaliissutini aamma *Suliniut* -pillugu sammivik pinngitsoornani ilaasussaavoq. *Suliassartaa*-pillugu sammivik nammineq aalajangerneqassaaq.



Takussutissiaq 1: Missingersuutitigut immikkoortitat nalunaarsornerinut assersuut

Qulaani takussutissiami takuneqarsinnaasutut *Immikkoortortaq* aaqqissuussaaniq qullersaqarfimmu sorlermut nalunaarsugaq tunnganersoq takuneqarsinnaavoq. Aningaasanut Inatsit Aningaasanut Inatsit aamma Ilassutissatut aningaasaliissutit pillugit Inatsit naapertorlugu aningaasaliissutinik takutitsiffiuvoq.


*Siunertaq* inuiaqatigiit aningaasarsiornikkut siunertaannut takutitsiffiuvoq. *Suussusaa* aningaasartuutit, isertitat aningaasaliissutillu oqimaaqatigiinnerisa suunerannik takutitsiffiuvoq, Sumiiffillu nunami sumiinnermut takutitsiffiulluni.

Nalunaarsuinerit (immikkoortoq 3-mi missingersuutitut aningaasaliissutit taaneqartoq) aningaasaqarnikkut immikkoortiterinerit siulianiittumi immikkut kisitsisit nalinganik erseqqissaasoqassaaq - tassalu kontomi. Kontot tigussaasut kontomut pilersaarummi takuneqarsinnaapput. Kontot tamarmik aningaasaqarnikkut immikkut sammivillit takeqatigiipput. Aningaasaqarnikkut immikkut sammiviit tamarmik imaasa nassuiarnerit immikkoortoq 3-mi nassaassaapput, tullinnguuttuniittullu nalunaarsuisarnermut/missingersuutitut aningaasaliissutinut assersuutissanut malinnittuullutik.

#### 2.1.1. Nalunaarsuisarnermut assersuut

Aningaasaliissutip nalunaarsortarneranut assersuut tullinnguuttuni takuneqarsinnaavoq. Maluginiaruk, immikkoortoq 2.1-imi aaqqissuussaaniq misissuineq allaanerulaarmat matumani

(ataani “karsi” 2) aningaasanut inatsimmi aningaasaliissutit qaffasissusii aallaavigineqarmata, taannalu amerlanertigut aallaavigineqarpoq.



Takussutissiaq 2: Missingersuutitigut immikkoortitat nalunaarsornerinut assersuut

### 2.1.1.1. Assersuut: Aningaasanut Inatsit

Qulaani assersuummi 2026-mut Aningaasanut inatsimmit aningaasaliissutit aningaasanut inatsimmi kontomi (kontomi pingaarnermi) 31.07.07-imi nalunaarsorneqarpoq, taaguuteqarluni Ilinniartunut tapiissutit – Majoriaq. Kisitsisit arfinillit takussutissiami qulaani ataatsimut taaneqartumi *Aningaasanut inatsit*, tassani taaneqarput 'aningaasanut inatsimmi konto' - uanilu tassa konto 31.07.07 Ilinniartunut tapiissutit - Majoriaq. *Aningaasanut inatsit* arfinilinnik kisitsisitaqartuaannarpoq.

Aningaasanut inatsimmi konto pingasunut avinneqarsinnaavoq. Kisitsisit siulliit marluk suliassaqaarfittut taaguuteqarput – qulaani allaqqasoq aningaasanut inatsimmi konto 31.07.07 pineqartillugu 31 suliassaqaarfiuvoq. Suliassaqaarfiit tamarmik Naalackersuisoqaarfimmut attuumassuteqarput imaluunnit suliassaqaarfik 01 pineqartillugu taanna Inatsisartunut attuumassuteqarpoq – 31 pineqartillugu Isumaginninnermut, Suliffeqarnermut, Ilaqutariinnut Nunamullu Namminermut Naalackersuisoqaarfimmut attuumassuteqarpoq.

Kisitsisit siulliit sisamat taaneqartarput siunertamut konto, aningaasanullu inatsimmi kontoni arlalinni eqimattaniilluni - qulaani assersuusiarineqartumi tassaatinneqarpoq siunertamut konto 31,07 Suliffeqarneq. *Maluginiaruk*, taaguutaa eqimattakkaanut aningaasanut inatsimmi kontonut kiisalu aningaasatigut immikkut sammivia 'siunertamut konto'-mut assigiikkaluartut *Siunertaq*, taaguutit assigiinngitsunik marlunnik isumaqartinneqarput. Taamaammat taaguusersuut "siunertanut konto" aningaasanut inatsimmi kontonut pingaarnernut tunngatillugu pisariaqartinneqaraangat taamaallaat atorneqartarpoq.

31	Isumaginninnermut, Suliffeqarnermut, Ilaqutariinnut Nunamullu Namminermut Naalackersuisoqaarfik	Qaffasissuseq 1, Suliassaqaarfik
<b>3107</b>	<b>Suliffeqarneq</b>	Qaffasissuseq 2, Siunertamut konto
310707	Ilinniartunut tapiissuteqarneq - Majoriaq	Qaffasissuseq 3, Konto pingaarneq

### 2.1.1.2. Assersuut: Immikkoortortaqaarfik

Aningaasaliissutit immikkoortortaqaarfimmut “Suliffeqarneq”-mut nalunaarsorneqarput, taanna tassaavoq immikkoortortaqaarfimmut konto 100453. *Immikkoortortaqaarfik* arfinilinnik kisitsisitaqartuaannarpoq. 'Suliffeqarneq' pineqartillugu tassaavoq Suliffeqarnermut Immikkoortortaqaarfik, taannalu Isumaginninnermut, Suliffeqarnermut, Ilaqutariinnut Nunamullu Namminermut Naalackersuisoqaarfiup ataaniippoq. Immikkoortortanut kontot tulleriinnik kisitsisitaqarpoq immikkoortinneqanngitsunik, taamaammat normu Namminersorlutik Oqartussani

aaqqissuussaaniqut qullersaqarfiani sorlermi immikkoortoq inissisimanersoq paasissutissiissutaanani.

### 2.1.1.3. Assersuut: Siunertaq

Aningaasaliissutit siunertaraat 050502000, Majoriaq qulequtsiullugu. *Siunertaq* qulinik kisitsiseqartuaannarpoq. Siunertaq qaffasissutsinut sisamanngorlugu agguarneqarsinnaavoq: Kisitsisit siulliit marluk takutippaat pingaarnertut inuiaqatigiinnut aningaasaqarnikkut siunertanut suliasaqarfik. Uani tassaavoq 05 *Isumaginninnermi siunertat*. Kisitsisini siullermi sisamani siunertat arlalikkaat takutinneqarput. Uani tassaatinneqarpoq 0505 *Suliffeqarneq*. *Suliffeqarneq* taamaasilluni 05 Isumaginninnermi siunertat ataaniilluni arlalinnik siunertaqarfiuvoq. Kisitsisit siulliit arfinillit nalunaarsuiffigineqartut siunertamik immi ersersitsipput. Uani tassaatinneqarpoq 050502 *Majoriaq*. Najukkani allatut avitsisarnissaq atussallugu periarfissaavoq, taamaalinerani kontomi 10-nik kisitsisitalimmi kisitsisit kingulliit sisamat immikkut aqutsisoqarnissaanut atorqeartarlutik. Unili mininneqarsimavoq kisitsisit kingulliit sisamat sooq 0000-iunersut.

05	Isumaginninnermi siunertat	Qaffasissuseq 1
<b>0505</b>	<b>Suliffeqarneq</b>	Qaffasissuseq 2
050502	Majoriaq	Qaffasissuseq 3
0505020000	Majoriaq	

### 2.1.1.4. Assersuut: Suussusaa

Suussutsikkut kontomi 113020500-mi aningaasaliissutigineqartut oqaasertaliussaq Ilinniagaqarnersiutinik utertitsivigineqarneq atorlugu nalunaarsorneqassapput. *Suussusaa* qulingiluanik kisitsisitaqartuaannarpoq.

Kisitsisit siulliit takutippaat ingerlatsinermut kontoonersoq, tassa aningaasartuutaanersoq isertitaanersorluunniit, imaluunniit naligiissitsinermut tunngasuunersoq. Kisitsit 1 atorqeartat tassaassaaq ingerlatsinermut konto, kisitsillu 2 tassaassalluni naligiissitsinermi konto. Uani kisitsit siulleq 1-iuvoq, tassaallunilu ingerlatsinermut konto.

Kisitsisit siullit arfineq-marluk (1130205) tassaapput ataatsimut pisortat kontomut pilersaarutaat, kisitsisillu qulingiluat (113020500) tassaallutik Namminersorlutik Oqartussat kontomut pilersaarummut suussusaa. Suussutsinut konto qaffasissutsinik arfilinnik imaqqarpoq.

1	Ingerlatsineq	Qaffasissuseq 1
<b>11</b>	<b>Nuussinerit il.il.</b>	Qaffasissuseq 2
113	Nuussinermi aningaasartuutit	Qaffasissuseq 3
<b>11302</b>	<b>Kommuninut nuussinerni aningaasartuutit</b>	<b>Qaffasissuseq 4</b>
1130205	Ilinniagaqarnersiutinut utertoortit	Qaffasissuseq 5
<b>113020500</b>	<b>Ilinniagaqarnersiutinut utertoortit</b>	<b>Qaffasissuseq 6</b>

### 2.1.1.5. Assersuut: Sumiiffik

Sumiiffinnut tunngatillugu sumiiffinnut kontomi 010000-mi aningaasaliissutigineqartut nalunaarsorneqassapput, taakkualu Nunatsinnut tunngapput. *Sumiiffik* arfinilinnik kisitsisitaqartuaannarpoq.

Sumiiffimmut ilisarnaat qaffasissutsinut pingasunut avinneqarsinnaavoq. Qaffasissuseq siulleq marlunnik kisitsisitaqarpoq nuna sorleq takutinneqarluni - uanilu tassa 01 Kalaallit Nunaat. Qaffasissutsip tullia marlunnik kisitsisitaqarpoq tasanilu takutinneqarlutik kommunit – uani pisumi kommunimik taasisoqanngilaq, assersuutaasinnaavorli 0104 Kommuneqarfik Sermersooq. Kisitsisit arfinillit sumiiffimmut aalajangersimasumik takutitsipput – qulaani assersuummi 010000 Kalaallit Nunaat; assersuut allat tassaasinnaavoq 010460 Nuuk.

01	Kalaallit Nunaat	Qaffasissuseq 1, Nuna
<b>0104</b>	<b>Kommuneqarfik Sermersooq</b>	Qaffasissuseq 2, Kommune
010460	Nuuk	Qaffasissuseq 3, Inoqarfik

#### 2.1.1.6. Kontomut pilersaarummi immikkoortut allat

Qulaani aningaasaqarnikkut sammiviit tallimat nassuiarneqartut saniatigut aningaasaliissutit aalajangersimasunut atorneqartussatut sammivillit naatsorsuutininut allanneqarlutillu nalunaarsorneqarsinnaapput. Namminersorlutik Oqartussani tamarmi aningaasaqarnermut sammivik *Suliaq* atorneqarsinnaavoq. *Suliaq* pillugu atuneq amerlanertigut tassaasarpoq aningaasanut inatsimmi sulianut allattorsimaffiit malillugit nalunaarusiornermi suliniutinik aqutsinermut nammineq atugassaq aningaasaqarnermik aqutsissummut atunerunngitsoq, imaluunniit suliat allat allanut sammivinnut aalajangersimasumik killilingaanngitsut.

Aningaasaqarnikkut sammivik *Suliniut* atorneqartarpoq aningaasaliineq pillugu inatsisit malillugit sanaartugassanut atorneqartussanngorlugit aningaasaliissutinik aqutsinermut. Taakku saniatigut suliniutit sinnerinut aningaasaqarnermik aqutsissut pilersaarusiornermi atorneqarsinnaavoq aningaasaliissutinut inatsimmi erseqqissumik allassimanngitsunut.

## 2.2. Aningaasaliissutit suussusii

Aningasaliissutit qulaani allaqqasutut tunniunneqartut aningaasanut inatsisip sammiviata qaffasissussaani allerpaanut allanneqarput, taakkulu *konto pingaarnertut qaffasissusilittut* imaluunniit *aningaasaqarnermut inatsimmi kontoatut qaffasissuseqartutut* taaneqarsinnaapput. Aningaasaliissutit aningaasaliissutinut assigiinngitsunut tallimanut immikkoortinneqartarput. Aningaasaliissutit suussusaannik toqqaaneq aningaasanut inatsimmi kontop suunera apeqqutaasarpoq Aningaasanullu Naalackersuisoqarfimmit aalajangersarneqartarluni. Aningaasanut inatsimmi aningaasanut inatsimmi kontot immikkoortillugit aningaasaliissutit suuneri taaneqassapput. Aningaasaliissutit suunerinut agguataarineq Aningaasanut inatsisip sannaat allaffissornikullu aningaasanut inatsisip ingerlanneqartarnera pillugu Namminersorlutik Oqartussat nalunaarutaanni aalajangersarneqarput.

### 2.2.1. Ingerlatsinermut aningaasaliissutit

Ingerlatsinermut aningaasaliissutit sullissivinnut imaluunniit allaffissornikkut immikkoortortanut aningaasaliissutini pineqartunut, ukiumi aningaasaliiffiusumi ilanngaaseereerluni aningaasartuutinik akiliinissamut, aningaasaliissutinut killissaliussaapput.

- Aningaasaliissutini Naalakkersuisunut ilaasortaq akisussaasuusoq, missingersuutini tunngavigisat naapertorlugit ingerlatsinermut aningaasartuutini akiliinissamut aamma ingerlatsinermut isertitaqarnissamut piginnaatinneqarpoq.
- Akissarsianut aningaasartuutit ingerlatsinermut aningaasartuutinit taamaallaat akilerneqassapput.
- Ingerlatsinermut aningaasaliissutini, sullissivimmut imaluunniit sullissivinnut imaluunniit allaffissornikkut immikkoortortanut ingerlatsinermut aningaasaliissuteqarnermi pineqartunut atasumik aserfallatsaaliuineranut aamma iluarsaassinernut ikinnerusunik aningaasartuutit, akilerneqarsinnaapput.

### 2.2.2. Aningaasaliissutit inatsisitigut pisussaaffiusut

Tiguisussat aalajangersimasut pisassanut aalajangersimasunut pisinnaatitaaffeqartut inatsisitigut immikkut aalajangersarneqarsimatillugit aamma tunniussassat amerlassusaat imaluunniit naatsorsorneqarnerinut tunngavissat immikkut inatsisitigut aalajangersaaffigineqarsimatillugit, inatsisitigut pisussaaffigalugit aningaasaliissutit atorneqassapput.

Aningaasaliissutit Naalakkersuisoq ilaasortaq pisinnaatinneqarpoq Inatsisartut inatsisaat aqcutigalugit aalajangersarneqartut aningaasartuutini akiliuteqarnissaminut. Aningaasanut inatsimmi aningaasaliissutini inatsisitigut pisussaaffigisani aningaasartuutissat missiliugaapput, taamaattumik ilassutitut aningaasaliissuteqartoqartinnagu aningaasartuutaanerusut akilerneqarsinnaallutik imaluunniit aningaasartuutikinnerusoqarsinnaalluni. Aningaasaliissutinit nikingassutaasut naatsorsuutini ilanngunneqassapput. Aningaasartuuteqarneruneq imaluunniit aningaasartuutikinneruneq, aningaasaliissutininut inatsimmi tunngaviusut allanngorsimanerannik pissuteqartoq, ilassutitut aningaasaliissutininut inatsimmi ilanngunneqassaaq, kiisalu aningaasanut inatsimmi siullertut tullinnguuttumi ilanngunneqassallutik.

### 2.2.3. Tapiissutit aningaasaliissutit

Tapiissutit aningaasaliissutit, Naalakkersuisunut ilaasortaq inatsimmi pisussaaffiunngitsunut aningaasartuutini akiliinissamut piginnaatinneqarpat, atorneqassapput. Aningaasaliissutini Naalakkersuisunut ilaasortaq pineqartoq, aningaasaliissutit siunertaasa iluini imaluunniit suliffeqarfinni aningaasaatinut akiliutinut aningaasartuutinut, ernianut aningaasartuutinut, inuussutissarsiortunut tapersiissutinut, sillimatinut, isumakkeerinninnernut, taarsigassarsititsinernut assigisaannulluunniit tapiissutit ilusilinnik aningaasartuutini akiliinissamut piginnaatitaavoq. Taakku immikkoortunut suliffeqarfinnullu allanut pingaarnertut tapiissutaapput, aammali aningaasartuutaasinnaallutik allat. Akissarsianut aningaasartuutit aningaasaliissutini taama ittuni akilerneqartassanngillat.

#### 2.2.3.1. Kiffartuussinissamik isumaqatigiissutit

Namminersorlutik Oqartussat suliassaqarfinni arlalinni, soorlu angallassinermi, kiffartuussinissamik isumaqatigiissusiortarpoq. Ukiunut arlalinnut kiffartuussinissamik isumaqatigiissutit nalinginnaasumik Namminersorlutik Oqartussat tapiissutini aningaasaliissutaatigut akilerneqartarput aningaasanut inatsimmi oqaasertaliussat tunngavigalugit. Kiffartuussinermut isumaqatigiissutininut aningaasartuutit aningaasanut inatsiseqarnermi ukiumi piffissamik killilikkat ingerlatsinissamut aningaasaliissutit aqcutigalugit ilaannik akiliisoqarsinnaavoq, tamanna aningaasaliissutininut pingaarnernut siunertamut naapertuuttutut isigineqarpat.

Kiffartuussinissamik isumaqatigiissutinik nutaanik isumaqatiginninniarnermi Aningaasaqarnermut Naalackersuisoqarfik peqataatinneqartassaaq, kiffartuussinissamut isumaqatigiissut nutaaq ukiumi tassani aningaasanut inatsimmi pineqartumi illikartinneqareersunit 10 procentit sinnerlugit nikingappata, taamaattoq ikinnerpaamik 5 mio. kr.-ussapput. Tamanna aamma ukiuni missingersuusiordfusuni nikingassutinut atuuppoq.

#### 2.2.4. Sanaartornermut aningaasaliissutit

Sanaartornermut aningaasaliissutit, sanaartugassanik pilersaarusiornermut, pigisanik aalaakkaasunik sanaartornermut aningaasaliinermullu, sanaartukkanut, IT atorlugu periaatsinut allanullu pigisanut nalilinnut aningaasaliissuteqarnerni kiisalu Namminersorlutik Oqartussat taarsigassarsititsinissamut neriorsuuteqarpata imaluunniit kommuninut allanullu sanaartornermut iluarsaassinermullu suliassanut tapiissuteqarpat, atorneqassapput.

- Sanaartornissamut aningaasaliissutikkut Naalackersuisunut ilaasortaq pineqartooq pisinnaatinneqartarpoq sanaartukkanik pilersaarutaasunik suliaqarnissamut aningaasaliissuteqarnissamullu aningaasartuutitik akiliinissaanut, taamaalillutik taakku aningaasaliinermut inatsimmi imaluunniit ilassutitut aningaasaliissutinik Aningaasaqarnermut Ataatsimiititaliamit pilersaarutini immikkut nassuiakkanik akuerineqassallutik.
- Sanaartornissamut pilersaarutinut aningaasaliissutit illikartinneqartarput aningaasaliissutit marlunnut avitat pillugit periaaseq atorlugu, taassuma kingorna Naalackersuisoqarfik pineqartooq ima iliorsinnaavoq:
  - 1) Suliassamut neqeroortitsinerup imaluunniit suliariumannittussarsiuussinerup qaangiutereernissaata tungaanut sanaartugassamut pilersaarusiornermik suliaqarnermut aningaasartuutitik akiliilluni. Suliassaq suliariumannittussarsiuunneqartooq aningaasaliissutini allassimasut iluaniissaaq.
  - 2) Inatsisartut Aningaasaqarnermut Akileraartarnermullu Ataatsimiititaliaanit akuersissuteqarnikkut aningaasaliissutit tunniunneqassapput imaluunniit ukiumi aningaasanut inatsiseqarfiusumi pilersaarummik suliaqarnissamut illikartinneqarsinnaallutik. Ukiuni missingersuusiordfusuni aningaasaliissutit kingunerisassai aningaasanut inatsimmut tullermut ilanngunneqassapput. Suliassat aalajangersimasut Aningaasaqarnermut Akileraartarnermullu Ataatsimiititaliaq piginnaatitsissuteqartinnagu aallartinneqarsinnaasut, oqaasertaliussatigut maleruagassanik aalajangersaasoqarsimasinnaavoq.

#### 2.2.5. Isertitassatut aningaasaliissutit

Isertitanut aningaasaliissutit, inatsisitigut pisussaaffigineqartunik taamatullu inatsisitigut pisussaaffigineqanngitsunik isertitaqarnernut, atorneqarsinnaapput. Naalagaaffiup Namminersorlutik Oqartussanut tapiissutai aamma akileraarutitigut akitsuutitigullu isertitat, pissarsianit isertitat, pigisanik nalilinnik tunisinerit, sanaartukkat il.il. isertitatut aningaasaliissutitut allanneqassapput. Isertitat missingersuusiungaannngitsut tassaasinnaapput kingorngussassatut tunissutit, nammineq kajumissutsimik akiliutit allallu aningaasanik tunniussat, illuutit kiisalu pigisat nalillit il.il. missingersuusiorneqassapput aningaasanut inatsimmi konto immikkoortoq tunngavigalugu, 20.10.22 Isertitat allat. Aningaasanut inatsimmi aningaasaliissutigineqartut ilaatinneqassappata, matumani kontomi pingaarnermi aamma aallaaviatigut aningaasaateqarfinniit tunniussat ilanngunneqassapput. Aningaasaateqarfinnit avataaneersunit aningaasalersuisarneq pillugu immikkoortoq 17 aamma takuuk.

### 2.3. Aningaasaliissutit qaffasissusii

Aningaasaliissutit aallaaviatigut aningaasaqarnermut inatsimmi kontot aqutigalugit tunniunneqartarput. Aningaasanut inatsimmi kontomik pilersitsisoqassaaq siunertaq aningaasaliissuteqarnermi nammineerluni immikkoortutut isigineqarpat.

Sanaartornermut kontonut aningaasaliissutit qaffasissusaat sanaartornermut pilersaarutini ataasiakkaaniittarpoq. Aningaasaliissutit qaffasissusaat Naalakkersuisut Inatsisartut Aningaasaqarnermut Akileraartarnermullu Ataatsimiititaliaannut missingersuutit allannguutaannik tunngaviinilluunniit qaqugukkut qinnuteqarnissaannut apeqqutaasarput, takuuk immikkoortoq 4 tullinnguuttuniittoq. Missingersuutit qaffasissusaat aalajangiisuusarpoq suliami sorlermi qanoq atuisoqartigisoqarsinnaanerani, taamaattoq takuuk immikkoortumi 8-mi itisiliineq.

### 2.4. Aningaasanut Inatsimmi kontot nutaat

Aningaasaqarnermut Naalakkersuisoqarfik kontomut pilersaarutip aalajangersaaffiginissaanut akisussaavoq. Aningaasaqarnermut Naalakkersuisoqarfik / DcR kiseqqinnaami kontonik pilersitsillutillu atorunnaarsitsisinnaapput. Ineqarnermut Naalakkersuisoqarfik Aningaasaqarnermut Naalakkersuisoqarfimmik isumaqatigiissuteqareerpat sanaartugassanut aningaasaliissutit atorlugit suliniutissanut normunik aalajangersaassaaq.

Aningaasanut inatsimmut kontomik nutaamik pilersitsisoqarnissaa imaluunniit kontomut oqaasertaliussat allanngortinnissaat Naalakkersuisoqarfimmit kissaatigineqarpat Aningaasaqarnermut Naalakkersuisoqarfimmut saaffiginnittoqassaaq. Tassunga atatillugu ilisimatitsissutigineqassaaq sooq aningaasanut inatsimmi kontomik nutaamik kissaateqartoqarnersoq. Aningaasaqarnermut inatsimmi kontop aqqa sapinngisamik naatsuutinneqassaaq aningaasanut inatsisip aaqqissugaanera paasiuminartuunissaalu anguniarlugit. Suliassaq nutaajunersoq, imaluunniit siunertaq siornatigut aningaasanut inatsimmi kontomi allami missingersuutigineqarnersoq aamma ilisimatitsissutigineqassaaq. Inatsisartut aningaasaqarnermik pingaarnersiugaasa ineriartornerat ukiuni arlalinni malinnaavigineqarsinnaasariaqarput. Taamaammat kontonut pilersaarummik allannguutit sapinngisamik killilersimaarniarneqassapput.

Naalakkersuisoqarfiup kissaatigippagu sanaartornissamut aningaasaliissutit ataanni pilersaarummut normumik pilersitsisoqassasoq, Ineqarnermut Naalakkersuisoqarfimmut tamanna pillugu saaffiginnittoqassaaq. Tassunga atatillugu ilisimatitsissutigineqassaaq pilersaarummut normumik nutaamik sooq kissaateqartoqarnersoq kiisalu pilersaarutip suliarinissaanut aningaasalersornerata katitigaanera nassuiarneqassalluni.

## 3. Aningaasaliissutit missingersuusiortarnerat

### 3.1. Isertitassatut aningaasaliissutit

Aallaaviatigut aningaasanut inatsisissatut siunnersuummi aningaasaliissutinut isertitassatut missingiussat siumut paasiniarlugit naatsorsuutinut kisitsisit atorneqartarput. Nalinginnaasumik aningaasanut inatsisissamut ukiumut siullianut naatsorsuutinut kisitsisit ukiunik marlunnik pisoqassusillit atorneqartarput. Assersuutigalugu 2024-mut aningaasanut inatsisissatut siunnersuummi ukiumut naatsorsuusiortifiusumut kisitsisit ilisimaneqartut kingulliit 2022-minngaanniissapput. Naatsorsuutinut kisitsisit Kalaallit Nunaanni qaffakkiartornermut kisitsisit aalajangersimasut atorlugit ukiunut marlunnut siumut naatsorsuiffigineqartarput, tamatumalu kingorna immikkut pisut isertitassanut missingineri arlaatigut sunniuteqarsimanersut immikkut

naliliiffigineqartarlutik. Nalinginnaasumik ukiumut qaffakkiartornerup aalajangersimasup procentialunnguanik annertussuseqarnissaa naatsorsuutigineqartarpoq.

Qaffakkiartorneq aalajangersimasooq aallaaviatigut tassaasarpooq akit ineriartornerata aammalu tunisassiat ataatsimut nalingisa (TAN) piviusumik ineriartornerisa katinneqarneri. Allami taaneqareersutut aningaasaliissutit ukiumi aningaasanut inatsiseqarfiusumi akit atorlugit suliarineqartarput. Taamaammat aningaasanut inatsimmi aningaasaliissutinut tunngatillugu ukiuni tulliuuttuni akinik allangortitsisoqassanngilaq. Taamaalilluni missingersuusiordermi naatsorsuutigineqartarpoq aningaasaliissutit tamarmik aningaasatigut ineriartorneq malissagaat. Tamanna aningaasaliissutinut amerlanerpaanut tunngatillugu isumaqarpoq, ukiut aningaasaliiffiusussat sisamat assigiissasut.

Aaqqissuussinermi allannguutit ukiuni missingersuusiorderfiusuni ukiumut aningaasanut inatsiseqarfiusumut taamaallaat nikingalersitsisinnaapput. Inatsisitigut allannguinerit imaluunniit pissutsit allat missingersuusiordermut aamma sunniuteqarsinnaapput.

### 3.2. Aningaasaliissutit inatsisitigut pisussaaffiusut

Naatsorsuutini kisitsisaatigineqartut aningaasanut inatsisissatut siunnersuummi aningaasaliissutit assinganik siumut missingiiffiginissaanni aallaaviatigut atorneqartarput, soorlu tamanna siuliani nassuiarneqartoq. Naatsorsuutit kisitsisit procenti aaqqiissutissaq kingulleq atorlugu ukiunut marlunnut siumut naatsorsorneqassapput, tamatumalu kingorna pissutsit immikkuullarissut tunngavigalugit naliliinermi ammut qummulluunniit sunniuteqarsinnaasunik naliliisoqassalluni.

Akigitat naleqqussarnissaannut procenti ukiut tamaasa Naatsorsueqqissaartarfiup tamanut saqqummiuttarpaa. Taamatuttaaq ukiumi aningaasanut inatsiseqarfiusumi akit atorlugit aningaasaliissutit suliarineqartassapput. Taamaammat aningaasanut inatsimmi aningaasaliissutinut tunngatillugu ukiuni tulliuuttuni akinik allangortitsisoqassanngilaq. Missingersuusiordermi ilimagineqarpoq, aningaasaliissutit tamarmik assigiimmik akitigut qaffakkiartorumaartut. Tamanna aningaasaliissutinut amerlanerpaanut tunngatillugu isumaqarpoq, ukiut aningaasaliiffiusussat sisamat assigiissasut.

Aaqqissuussinermi allannguutit ukiuni missingersuusiorderfiusuni ukiumut aningaasanut inatsiseqarfiusumut taamaallaat nikingalersitsisinnaapput. Assigiinngitsut pineqarsinnaapput, assersuutigalugu Naatsorsueqqissaartarfiup innuttaasut pillugit siumut naatsorsuineri naapertorlugit utoqqalinersiallit amerlinissaat naatsorsuutigineqalerpat imaluunniit ilinniarnermut tunngatillugu allangortoqassagaluarpat tamatumalu kingunerisaanik ilinniartut amerlillutik imaluunniit ikilillutik.

### 3.3. Ingerlatsinermit tapiissutitullu aningaasaliissutit

Ingerlatsinermit tapiissutitullu aningaasaliissutit akinut akissarsianullu iluarsiinermut nalimmassarneqassapput, taakku immikkoortoq 5-imi nassuiarneqarlutillu oqaaseqaateqarfineqarput.

Aningaasaliissutit ataasiakkaat akinut akissarsianullu nalimmassagassanngitsut. Assersuutigalugu kiffartuussinissamik isumaqatigiissutit akinik akissarsianillu iluarsaassinermi allatut naleqqersugaasut. Peqqinnissaqarfiup aningaasaliissutai inuiaqatigiit allangorneri malillugit

aamma nalimmassarneqartarput, takuuk immikkoortoq 5.2. Ilinniartitaanermut tunngatillugu immikkut taxameterit taaneqartunik aningaasaliisoqartarpoq, takuuk tamanna pillugu inatsiseqartitsineq.

### 3.4. Sanaartornermut aningaasaliissutit

Sanaartornermut aningaasaliissutit aallaaviatigut akitigut iluarsineqarneq ajorput. Tamatumunnga sanaartornermut aningaasaliissutit suliniutinik aallaaveqartarnerat pissutaavoq, tassa isumaqatigiissutillioqareertarpoq imaluunniit tunngaviusumik aningaasaliissutit marlunnut aggulunneqartut naapertorlugit aningaasartuutitut missingersuutitalimmik suliniummik pilersaarusiorqarluni. Suliniutinut ataasiakkaanut atugassanngortitsisoqarnissaanut sioqqullugu nalinginnaasumik sanaartornermut atugassat aningaasatut agguagassatut immikkoortinneqartarput, taakkulu nalinginnaasumik aamma akinut aaqqiivigineqartanngillat, takuuk assersuutigalugu konto pingaarneq 80.00.01 Nuussinissanut sillimmatit.

## 4. Ilassutitut aningaasaliissutit

### 4.1. Aningaasaqarnermut Akileraartarnermullu Ataatsimiititaliap aningaasaliisarnissanut piginnaatinneqarnera

Ukiup aningaasanut inatsiseqarfiusup ingerlanerani Inatsisartut Aningaasaqarnermut Akileraartarnermullu Ataatsimiititaliaat Inatsisartut sinnerlugit aningaasaliissutinik nutaanik imaluunniit oqaasertaliussanik akuersissuteqarsinnaavoq. Aningaasanut inatsit aningaasaqarnikkut isumalluutinik inatsisartut tamakkiisumik tulleriiaarinerannut oqariartuutaavoq. Taamaammat pingaarnersuisoqarnera ilassutitut aningaasaliissutinut qinnuteqaatit pingaaruteqarlutik allannngorteqqusaanngillat.

Ukiup aningaasaqarfiusup ingerlanerani ingerlatsinermut tapiissutitullu aningaasaliissutit nutarsaavigineqarneri allannguinerillu tunngaviusumik minnerpaatinneqassapput. Sanaartornermut aningaasaliissutinut tunngatillugu pissutsit immikkut ittut atuupput, sanaartornermi atugassanut assigisaanullu ingerlaavartumik atuinissaq pisariaqarsinnaammat. Ilassutitut aningaasaliissutit sapinngisamik aningaasartuutitut ilimaginngisanut aamma sillimmatit atugassanngortinnerinut tunngassuteqassapput, imaluunniit tunngaviusumik aningaasaliissutit marlunnut aggulunneqartut naapertorlugit sanaartornermut aningaasaliissutinut aningaasanik atugassanngortitsinermut/nuussinermut tunngassallutik.

### 4.2. Atuinerit ilassutitut aningaasaliissutinik piunasaqarfiusut

Atugassanut sorlernut malittarisassat Aningaasaqarnermut Akileraartarnermullu Ataatsimiititaliamut saqqummiunniissaanni aningaasaliissutit suuneri apeqqutaasussaapput.

#### 4.2.1. Aningaasaliissutit inatsisitigut pisussaaffiusut

Siunertamut aningaasaliissutinik immikkoortitsisoqarsimagaluarpalluunniit, Inatsisartut inatsisaanni allassimasut arlallit, innuttaasut ikiorsiissutinik tigusaqarnissaannik pinsinnaatitaaffiliipput. Taakkununnga aningaasartuutit aningaasaliissutit inatsisitigut pisussaaffiusunut immikkoortinneqassapput. Aningaasanut inatsimmi aningaasaliissutit inatsisitigut pisussaaffigisat tassaapput ukiumi aningaasaqarfiusumi aningaasartuutissatut sapinngisaq naapertorlugu

naatsorsuutigisat, kisianni aningaasaliissutit nungussimaneri tunuliaqutaralugit, suliniummut inatsisitigut pisussaaffiusumut aningaasartuutigineqartut unitsikkallarneqarsinnaanngillat. Peqatigisaanik aningaasaliissutinut naleqqiullugu aningaasaliissutit aningaasartuuteqarneruffiusut aningaasartuutikinneruffiusullu ilassutit aningaasaliissutinut inatsisini ilanngunneqassanngitsut tamatuma kinguneraa. Aningaasaliissutini inatsisitigut pisussaaffigisani annertunerusumik annikinnerusumilluunniit aningaasartuuteqarneq taamaallaat tunngaviusumik ilassutit aningaasaliissutinut inatsisissatut siunnersuummut ilaatinneqassapput inatsimmik nutaamik allannguinermilluunniit kingunerisaanik annertunerusumik annikinnerusumilluunniit aningaasartuuteqartoqarpat.

Aningaasaliissutini inatsisitigut pisussaaffigisani atuinerup missingersuutiniit nikinganissaa naatsorsuutigineqarpat tamanna missingersuutit ingerlaavartumik malitseqartinneranni *nalunaarutigineqassaaq*. Aningaasaliissutit inatsisitigut pisussaaffiusut aningaasartuuteqarneruffiusut aningaasartuutikinneruffiusullu Nunatta Karsiata naatsorsuutaannut allanneqartassapput.

#### 4.2.2. Isertitassatut aningaasaliissutit

Isertitassatut aningaasaliissutini allanngornernut pingaarnertigut ilassutit aningaasaliissutinut qinnuteqartoqarsinnaanngilaq. Kisiannili inatsisiliornermi, isertitanut tunngaviusuni akinik allannguisoqarpat, imaluunniit nutaanik isertitaqalerpat, assersuutigalugu ingerlatanik tunisisoqarpat isertitassatut aningaasaliissutinik qinnuteqartoqassaaq. Ukiup aningaasanut inatsiseqarfiusup ingerlanerani missingersuummit allaanerusumik isertitaqassasoq naatsorsuutigineqarpat, tamanna missingersuutit ingerlaavartumik malitseqartinneranni *nalunaarutigineqassaaq*.

#### 4.2.3. Ingerlatsinermut tapiissutitullu aningaasaliissutit

Ingerlatsinermut tapiissutitullu aningaasaliissutini aningaasaliissutit annertussusaat siunertarlunniit allanngorpat ilassutit aningaasaliissuteqarnissaq pisariaqarpoq.

Kontomi pingaarnermi missingersuutitigut qaangiisoqarnissaa ilimagineqarpat atuinermik annikillisisisumik ingerlaannartumik *suliniuteqartoqassaaq*, imaluunniit ilassutit aningaasaliissuteqarnissaq qinnutigineqarluni. Siumoortumik aningaasaliissuteqartoqarsimatinnagu aningaasartuutit suugaluartut akileqqusaanngillat. Taamaammallu iliuusissap ingerlanneqarnissaanut aningaasanut inatsimmi imaluunniit inatsimmi tunngavissaqanngippat iliuusissap ingerlanneqarnissaa sioqqullugu aningaasaliissuteqarnissamut tunngavissaq pissarsiariniarneqassaaq.

Missingersuutitigut tunngaviit, assersuutigalugu sulisutigut atuneq pillugu missiliuineq imaluunniit isertitanik matussuserneqartumik ingerlataqarnermiit isertitat allanngorpata ilassutit aningaasaliissuteqarnissamik assersuutigalugu qinnuteqartoqassanngilaq. Aningaasaliissutissanik pingaarnertut siunertamilluunniit allanngortoqarpat ilassutit aningaasaliissuteqarnissamik qinnuteqartoqassaaq.

Ukiup aningaasanut inatsiseqarfiusup naajartulernerani ilassutit aningaasaliissutinik qinnuteqarneq nalinginnaasumik tunuarsimaarfigineqassaaq. Ilassutit aningaasaliissutit taamaattut pisariaqavissinnaapput, kisianni ukiup naalernerani ilassutit aningaasaliissutinik qinnuteqarneq aningaasartuutit aqutsilluannginnermik aallaaveqarpat, ilassutit aningaasaliinermut akuersineq

Nunatta Karsiata naatsorsuutaani suliassaqaarfimmi aningaasaqarnikkut aqutsineq eqqarsaatigalugu naapertuutinnngitsumik takutitsisinnaavoq. Taamatut pisoqartillugu aningaasaliissutinik tunniussisumut aammalu suliassaqaarfimmi suliart pillugit tamanut malinnaatitsiniartitsilluni naatsorsuutitut nassuiaasoqartariaqarpoq.

#### 4.2.4. Sanaartorneq

Sanaartornermut aningaasaliissutit sanaartugassanut suliniuteqaarnermi atorineqartarput aammalu illuutitut aningaasaliinernut, sanaartornermut, IT-systeminut, pigisanut allanut, aammalu Namminersorlutik Oqartussat kommunitut taarsigassarsinissamut neriorsuigaangat imaluunniit sanaartornermut suliassanut tapiissuteqaraangat aamma atorineqartarlutik. Sanaartortitsinissanut pilersaarutinut sanaartornissamut aningaasaliissutit aningaasaliissutitut marlunnut avitatut immikkoortinneqassapput, kingornagullu Naalakkersuisoq pineqartoq imaaliorsinnaavoq:

- 1) Suliassamut neqeroortitsinerup imaluunniit suliariumannittussarsiuussinerup qaangiutereernissaata tungaanut sanaartugassamut pilersaarusiormik suliqaarnermut aningaasartuutinik akiliilluni. Suliassaq suliariumannittussarsiuunneqartoq aningaasaliissutini allasimasut iluaniissaaq.
- 2) Inatsisartut Aningaasaqarnermut Akileraartarnermullu Ataatsimiititaliaanit akuersissuteqarnikkut aningaasaliissutit tunniunneqassapput imaluunniit ukiumi aningaasanut inatsiseqarfiusumi pilersaarummik suliqaarnissamut illikartinneqarsinnaallutik. Ukiuni missingersuusiormiusuni aningaasaliissutit kingunerisassai aningaasanut inatsimmut tullermut ilanngunneqassapput. Suliassat aalajangersimasut Aningaasaqarnermut Akileraartarnermullu Ataatsimiititaliaq piginnaatitsissuteqartinnagu aallartinneqarsinnaasut, oqaasertaliussatigut maleruagassanik aalajangersaasoqarsimasinnaavoq.

Uani pingaaruteqarpoq eqqumaffiginissaa, sanaartornermi aningaasaliissutit qaffasissusaat kontomi pingaarnermiinngimmat, kisiannili sanaartornermi suliniutini ataasiakkaani inissisimammat.

Sanaartornermi pilersaarummi aningaasartuutinut akuersisaasunut aningaasaliissutit qaffanneqassappata Inatsisartut Aningaasaqarnermut Akileraartarnermullu Ataatsimiititaliaata akuersissaanik ilassutitut aningaasaliinissaq pisariaqassaaq. Ukiunut immikkoortitanut naleqqiullugu atuinermi nikingasoqarpat tunngaviusumik ilassutitut aningaasaliisoqarnissaanut tamanna tunngavissiinnngilaq.

Sanaartornermi pilersaarutinut ilassutitut aningaasaliissutit tamatigut ukiumi missingersuusiormiusumi ingerlatsiffiusumi Nunatta Karsiani aningaasartuutitut nalunaarsorneqartassapput.

Sanaartornermut suliassaqaarfimmi aningaasaliissutinik aqutsinermut nalinginnaasumik itisiliinissami malittarisassaqaartitsinermi matumani immikkoortoq 2.2.4 innersuussutigineqarpoq.

#### 4.2.5. Oqaasertaliussat allanngortinneqartut

Ukiup aningaasanut inatsiseqarfiusup ingerlanerani Inatsisartut sinnerlugit Inatsisartut Aningaasaqarnermut Ataatsimiititaliaat aningaasaliissutinik nutaanik akuersissuteqarsinnaavoq imaluunniit oqaasertaliussanik allanngortitsisinnaavoq. Oqaasertaliussat atorineqarnerinut

ilusilersorneqarnerisalu allaatigineqarnerat malittarisassani matumani immikkoortoq 4 innersuussutigineqarpoq.

Oqaasertaliussat inatsisini oqaasertatut pissuseqarput, taamaattumillu ataatsimiititaliap oqaasertat akuersissutiginerisigut inatsimmi aamma allannguutit aningaasaliissutinut aalajangersimasunut toqqaannartumik attuumassuteqanngitsut akuersissutigisinnaavai. Taamatut inatsimmik allanngueq piffissamit ataatsimiititaliap aalajangernerata tamanut saqqummiunneqarneranit atuutilissaaq taamaallaallu ukiumi aningaasanut inatsiseqarfiusumi atuutissalluni, ukiumi aningaasanut inatsiseqarfiusussami oqaasertaliussaq uteqqinneqarsimangippat. Oqaasertaliussat taamaattut, sulinermi inatsisit allanngorneranik kinguneqartut aningaasaliinermut tunngasunut aalajangersimasumik attuumassuteqanngitsut, saqqumisumik pissuteqartut sapinngisamik killilersimaarniarneqassapput.

Aningaasaqarnermut Akileraartarnermullu Ataatsimiititaliamut ilassutitut aningaasaliissutinik qinnuteqarnermi oqaasertaliussat salliutitassaangitsutut pissusillit aallaaviatigut akuersissutigineqarsinnaassanngillat.

#### 4.2.6. Ukiumi aningaasanut inatsiseqarfiusumi ataatsimiititaliap piginnaatitaanera

Qulaani takuneqarsinnaasutut Aningaasaqarnermut Akileraartarnermullu Ataatsimiititaliap piginnaatitaaffia aallaaviatigut ukiumut aningaasanut inatsiseqarfiusumut killeqarpoq, aatsaat tunngaviusumik, assersuutigalugu ukiumi missingersuusiorfusuni matumunngalu atugassiissutit akuersissutigineqarnissaannut oqaasertaliunneqarsimasuni inatsisitigut aalajangersimasumik akuersinissamut tunngavissaqarnerat eqqaassanngikkaanni. Kingulleq eqqaaneqartoq sanaartornermi tunngasuni takuneqarsinnaavoq.

Aningaasaliissutit nutaat allanngortinneqartulluunniit aamma suleriaatsimi ukiup aningaasaliiffiup naanerata kingorna (piffissap naajartorneranik taaneqartartoq) januarimi piffissaq sivikitsoq ilaavoq, akuersissutigineqarnissaannut ataatsimiititaliap pisinnaatitaaffia siusinnerusukkut nalinginnaasumik akuerisaavoq. Kisianni ukiumi kingullerni periarfissap taassuma killilerneqarnissaa ataatsimiititaliap kissaatigisimavaa, kingornatigut aningaasaliissutinut suliasat tamaasa ukiumi aningaasanut inatsiseqarfiusumik 31. december naammassineqartarnissaat ataatsimiititaliamut kissaatigineqarsimavoq, nassiunneqarnissaannut piffissaliunneqartoq qaquguugaluarpalluunniit.

#### 4.3. Ilassutitut aningaasaliissutit pillugit Naalakkersuisut isummernissaannut tunngavissiaanni taaneqartut

Ilassutitut aningaasaliissuteqarnissamut suliat, Naalakkersuisuni aamma Aningaasaqarnermut Ataatsimiititaliami suliarineqartussanngorlugit nassiunneqartut, Naalakkersuisut isummernissaannut tunngavissiap saniatigut aningaasaliissutini allannguinernut qinnutigineqartunut tamanut missingersuutinut ilanngussanik (immikkoortoq 10 takuuk) imaluunniit oqaasertaliussanik imaqaassapput.

Naalakkersuisut isummernissaannut tunngavissiaq missingersuutinullu ilanngussaq immikkut allagaatitut atuarneqarsinnaasariaqarput. Atortussat kalaallisut danskisullu oqaasertaliorneqassapput, naatsorsuutigineqarporlu, oqaasertaliunneqartut marluusut oqaasertai suliamullu tunngasut peqqissaartumik pitsaasussai qulakkeerneqassasut.

Aningaasaliissutitut nutaanut allannguutitulluunniit qinnuteqaatit paasissutissanik attuumassuteqartunik tamanik imaqaassapput, tassunga ilanngullugu Namminersorlutik Oqartussanut kommunitullu tamatum kingunerisaanik aningaasatigut sunniutaasut pillugit paasissutissat, ukiumi aningaasanut inatsiseqarfiusumi aamma ukiumi tulluuttuni. Saniatigut aningaasartuutissanngortut assersuutigalugu kommunini allaffissornermut aningaasartuutaasinnaapput.

Naalackersuisuni ilaasortat immikkut aningaasaliissutissanut qinnuteqartut, tamanna peqatigitillugu namminneq Naalackersuisoqarfimminni taartaasussanik sipaarniuteqarnissamut periarfissanik *nalilersuisimassapput*. Tamanna isummernissamut tunngavissiami *allaaserineqassaaq*.

Ilassutitut aningaasaliissutit missingersuutit inissisimanerini ilaassapput, aallaaviatigut ilassutitut aningaasaliissutitigut ajornerulersoqassanngilaq, pisut arlaqartut sukumiinerusut missingersuutit naatsorsuutillu pillugit inatsimmi aalajangersakkani takuneqarsinnaasut pinnagit. Taamaattumik ilassutitut aningaasaliissutit aningaasalersorneqarnissaat tamatigut qinnutigineqassapput. Naalackersuisoqarfiup ilassutitut aningaasaliissutinik qinnuteqartup, aallaqqaasiutigalugu nammineq aningaasaliissutimi iluanni aningaasaliinissaq ujaasiffigissavaa. Kingornatigut naalackersuisoqarfiup Aningaasaqarnermut Naalackersuisoqarfimmut ilisimatitsinerminut ilutigitillugu immikkoortut allat attavigisinnaavai, aningaasanik atugassiisoqarsinnaanerani ujaasineq siunertaralugu. Aatsaat tamanna pereerpat, konto pingarneq 20.11.50 Ingerlatsinermut sillimmatit atorneqarnissaat qinnutigineqarsinnaavoq. Konto pingarneq taanna killilimmik aningaasartaqarpoq, taamaammallu isumatasaarluni atorneqassaaq. Kontop taassuma aqunneqarneranut Aningaasaqarnermut Naalackersuisoqarfik akisussaasuvoq. Ingerlatseriuseq qulaani allassimasoq suliassatigut aningaasatigulluunniit eqqarsaatigalugit aalajangersimasumik ataasiakkaanillu nalilersuereernerup kingorna, assortorneqarsinnaanngitsutut imaluunniit pinngitsoorneqarsinnaanngitsutut nalilerneqarpat, Aningaasaqarnermut Naalackersuisoqarfiup naanninngortissinnaavaa.

Naalackersuisut isummernissaannut tunngavissiami *allanneqassaaq*, isummernissamut tunngavissiaq Aningaasaqarnermut Naalackersuisoqarfimmut naalackersuisoqarfinnuunniit allanut tusarniaassutigineqarsimasoq *aamma* isummernissamut tunngavissiami oqaaseqaatit ilanngunneqarnissaat piviusorsiorlumik ilanngunniarneqarsimassapput. Taamaattorli pisut iluanni tusarniaanermut akissut ilanngutiinnaraanni akunnaannerussaaq, soorlu piffissamik peqquteqarluni Naalackersuisunut atortussanut tamanna tamakkiisumik ilanngussinnaasimannikkaanni.

Ilassutitut aningaasaliissutissanut qinnuteqaatinut missingiutip suliassamut tunngasutigut imarisaasa naliliiffiginissaanut Aningaasaqarnermut Naalackersuisoqarfik naleqquttumik piffissalerneqassaaq. Taamaattumik aningaasaliissutissanut nutaanut allannguutinulluunniit isummernissamut tunngavissiat *aallaaviatigut minnerpaamik tusarniaanermut sapaatip akunneranik killilerlugit Aningaasaqarnermut Naalackersuisoqarfimmut nassiunneqassapput*. Taamaattumik sakkortuumik innersuussutigineqareersinnaavoq, suliamik ingerlatsinermi tassani sapinngisamik piffissami siusissukkut Aningaasaqarnermut Naalackersuisoqarfik attavigineqassasoq, nalunannngitsumik tusarniaanermut akissuteqaatip naammassinissaanut piffissamik pisariaqartitsineq minnerulersissammagu.

Aningaasaliissutitut nutaanut allannguutitulluunniit qinnuteqaatit Ukiumi aningaasanut aningaasaqarfiusumi aningaasartuutigut sunniutaasunik atuinerit *taamaallaat*

allamik immikkut ittumik tunngavissaqanngippat ilaassapput. Inatsisartut Aningaasaqarnermut Akileraartarnermullu Ataatsimiititaliaat taamaalilluni ukiumi aningaasanut inatsiseqarfiusumi sunniutaasut pillugit isummersinnaavoq, ukiunilu tulliuuttuni kingunerisinnaasai aningaasanut inatsisissami tulliuuttumi naleqqussarlugit ilanngunneqarsinnaallutik. Taamaattorli ukiumi tullinnguuttumi aningaasaqarnikkut kingunerisinnaasat Naalackersuisut isummernissamut tunngavissiaanni takuneqarsinnaassapput. Ilassutitut aningaasaliissutip isertuussaanissaq kissaatigineqarpat imaluunniit Aningaasaqarnermut ataatsimiititaliami nukinginnartumik suliarineqarnissaa qinnutigineqarpat, Naalackersuisut isummernissaannut tunngavissiaanni inassuteqaatini tamanna *takuneqarsinnaassaaq*, aamma isummernissamut tunngavissiami tunngavilersorneqassaaq sooq tamanna kissaatigineqarnersoq.

Tamanna soorlu 'Attaveqatigiinnermi' immikkoortumi pisinnaavoq.

Ilassutitut aningaasaliissutinut qinnuteqaatini inassutigineqartut ima aallartinneqassapput: Naalackersuisoqarfiup xxxxxxxxxxx-mut **inassutigaa**,

**Inassuteqaatigineqartut** makku Inatsisartut Aningaasaqarnermut Akileraartarnermullu Ataatsimiititaliaannut akuerisassanngorlugit ingerlateqqinneqarnissaat Naalackersuisut akuerissagaat:.

”**Naalackersuisut inassutigaat**,

kontomi pingaarnermi xx.xx.xx **aningaasaliissutit kontomut oqaasertat** xxx.000 kr.-nik amerlineqassasut, aamma

kontomi pingaarnermi yy.yy.yy **aningaasaliissutit kontomut oqaasertat** taamaaqataanik xxx.000 kr.-nik ikilineqassasut.”

kontomi pingaarnermi **oqaasertaliussat** yy.yy.yy *kontomut oqaasertat* 202x-mut Ilassutitut aningaasaliissuteqarneq pillugu inatsimmut ilanngunneqassapput”.

Malugiuk, aningaasaliissutinut allannguutit 1000 kr.-rpiarnut *allanneqassammata*.

#### 4.4. Ilassutitut aningaasaliissutit pillugit Naalackersuisut isummernissamut tunngavissiaanut tunngatillugu suleriaaserineqartoq

Ilassutitut aningaasaliissuteqarnissamut qinnuteqaatip imai tassaapput:

- Naalackersuisut isummernissaannut tunngavissiaq imaattunik imalik:
  - Aningaasaliissutit sorliit aamma/imaluunniit oqaasertaliussat ilanngutsinniarneqartut pillugit Aningaasaqarnermut Akileraartarnermullu Ataatsimiititaliaannut inassuteqaatit
  - Ilassutitut aningaasaliissutip tunuliaqutaa aamma suna pillugu naatsorsuutiginnisamik aningaasartuutaaneranut allaatiginninneq
  - Aningaasaqarnikkut allaffissornikkullu kingunerisassat nassuiaaffiginerat. Ukiumut pineqartumut aningaasanut inatsimmi ukiut missingersuusiorfiusut aamma tassani ilanngunneqarput.
  - Isummernissamut tunngavissiamut ilusiliinissamut piumasaqaat Naalackersuisut suleriaasiat pillugu nalunaarummi aamma nassuiarneqarpoq.
- Kontomut pingaarnermut missingersuutinut ilanngussat allanngortinneqarnissaanut qinnutigineqartut. Matumani allannguutit ilassutitut aningaasaliissutinut qinnuteqaammi

pineqartut kisimik nassuiarneqartussaapput. Taakkua Word-itut ilusilerlugit suliarineqassapput immikkoortoq 10.4 Missingersuutitut ilanngussani paasissutissat allat naapertorlugu.

- Naggasiullugu maluginiaqquneqarpoq, aningaasaliissutit sorliit nutaat allannguutilluunniit aningaasaqarnermik aqutsissummut ilanngunneqarnissaannut kissaatigineqarnersut, naalackersuisoqarfiup akisussaasup iluaqutissatut ilisimatitsissutigisinnaavai. Matumani malittarisassami immikkoortoq 2-mi itisilerneqarnerattut missingersuusiernermi pinngitsoorani minnerpaamik tallimanik sammiveqarnissaa piunasaqaatigineqarpoq

Ilassutitut aningaasaliissuteqarnermi suliap killiffii imaattut suliarineqassapput:


1. Naalackersuisunut isummernissamut tunngavissiaq ilassutitut aningaasaliissutitut qinnuteqaatitalik Naalackersuisunut ingerlateqqitsinnagu Aningaasaqarnermut Naalackersuisoqarfimmumut naalackersuisoqarfimnullu allanut attuumassutilinnut tusarniaassutigalugu saqqummiunneqassaaq. Tusarniaanermut tassunga minnerpaamik sapaatip akunnera ilivitoq *immikkoortinneqassaaq*, piffissarlu sivisunerussaaq, atortussat imartorujussuuppata imaluunniit piffissani immikkut ulapiffiusuni nassiunneqarpata.
2. Tusarniaanermut akissuteqaatit ilanngunneqareerpata, Naalackersuisut isummernissaannut tunngavissiaq Naalackersuisuni suliarineqarnissaannut Naalackersuisunut ilaasortamit akisussaasumit nassiunneqassaaq.
3. Naalackersuisut isummernissaannut tunngavissiaq Naalackersuisunit akuersissutigineqarpat, Naalackersuisut isummernissaannut tunngavissiaq missingersuutitut ilanngussamik ilalik qallunaatut kalaallisullu, aammattaaq akuersissutigineqarnerani ulloq kiisalu oqaluuserisassani immikkoortua ilanngullugu Naalackersuisoqarfiup qinnuteqartup nammineq uunga e-mail adressimut nassiutissavaa: [oedfu@nanoq.gl](mailto:oedfu@nanoq.gl). Tassunga atortussat word-titut ilusilerlugit *aamma* nassiunneqassapput.
4. Matuma kingorna Aningaasaqarnermut Naalackersuisup isummernissamut tunngavissiaq Aningaasaqarnermut Akileraartarnermullu Ataatsimiititaliami suliarineqartussanngorlugu nassiutissavaa.
5. Aningaasaqarnermut Akileraartarnermullu Ataatsimiititaliap aalajangiinera Aningaasaqarnermut Naalackersuisoqarfimmumut nassiunneqassaaq, taassuma naalackersuisoqarfimmut attuumassuteqartunut aalajangiineq ingerlateqqissavaa.
6. Ilassutitut aningaasaliissutitut qinnuteqaatit akuerisat Namminersorlutik Oqartussat Aningaasaqarnermik ataqatigiissumik aqqqissuussinerannut nalunaarsorneqarnissaa Aningaasaqarnermut Naalackersuisoqarfiup qulakkiissavaa taamaalillunilu kingornatigut ukiumi ilassutitut aningaasaliissutitut inatsimmut ilanngunneqassaaq. Eqqortumik ingerlanneqarnissaa anguniarlugu, naalackersuisoqarfiup akisussaasup sammiviit nalinginut tunngasut paasissutissat nassiussinnaavai, matumani ilassutitut aningaasaliissutitut aningaasaqarnermik aqutsissummi sumut missingersuusiariqassanersut erseqqissumik nassuiassavai. Aningaasaqarnermut Naalackersuisoqarfiup allakkanut nakkartitsisarfanut paasissutissat nassiunneqassapput uunga: [oedfu@nanoq.gl](mailto:oedfu@nanoq.gl).
7. Pisuni, Naalackersuisut oqaasertaliussat aqqutigalugit nammineq nuussinissaminut akuersisinnaanermut piginnaatitaaffiini, suliaq Aningaasaqarnermut Akileraartarnermullu Ataatsimiititaliamut nassiunneqassanngilaq. Naalackersuisoqarfiup suliaasaqarfimmumut akisussaasuusumit missingersuutitut ilanngussaaq e-mail-adressimut uunga: [oedfu@nanoq.gl](mailto:oedfu@nanoq.gl) nassiunneqarpat, Naalackersuisut akuersissuteqareernerisigut Namminersorlutik Oqartussat Aningaasaqarnermik ataqatigiissumik aqqqissuussineranni nuussinermik akuersissut

Aningaasaqarnermut Naalackersuisoqarfiup nalunaarsussavaa. Ulloq akuersissuteqarfiusoq il.il. pillugit paasissutissat, takuuk imm. 6 siulaniittoq, maili ilanngunneqarpoq.

## 5. Sammiviit kiisalu missingersuusiornermut piumasaqaatit

### 5.1. Sammiviit suuppat?

Immikkoortoq 2.1 malillugu missingersuutitigut immikkoortitat naatsorsuutitut nalunaarsorneqassapput minnerpaamik tallimanik sammivinnut: *Immikkoortortaq*, *Aningaasanut inatsit*, *Siunertaq*, *Suussusaa* aamma *Sumiiffik*. Taakku saniatigut *Pilersaarut* sanaartukkanut pilersaarutitut pinngitsoorani ilaassaaq, kiisalu *Suliaq* sammivinni nammineq toqqarneqarsinnaalluni.



Takussutissiaq 3: Missingersuutitigut immikkoortitat nalunaarsorneritut assersuut

Sammivinnut tamanut kontolersuinermit missingersuutitini suut ilaanersut nassuiaaffigineqarput. Qulaani takutinneqartutut *Immikkoortoq*-mi takutinneqarpoq aaqqissuussami sumut qullersaqarneranik takutitsivoq missingersuutit sunut tunnganerannik. Aningaasanut Inatsit Aningaasanut Inatsit aamma Ilassutissatut aningaasaliissutit pillugit Inatsit naapertorlugu aningaasaliissutinik takutitsiffiuvoq. *Siunertaq* inuiaqatigiit aningaasarsiornikkut siunertaannut takutitsiffiuvoq. *Suussusaa* aningaasartuutit, isertit aningaasaliissutillu oqimaaqatigiinnerisa suunerannik takutitsiffiuvoq, Sumiiffillu nunami sumiinnermut takutitsiffiulluni. Missingersuutit nalunaarsornerannut assersuut tigussaasoq immikkoortoq 2.1-imi takuneqarsinnaavoq.

Matumanilu sammiviit ataasiakkaat nassuiarnerat kiisalu taakku ataasiakkaarlugit missingersuusiornerrannut piumasaqaatit aamma ilanngullugit eqqarsaatigalugit.

### 5.2. Aningaasanut inatsisip sammivia

Aningaasanut inatsimmi sammivik tassaavoq aningaasaliissutit sammiviat, ilanngussaq 1-imi aningaasanut inatsimmiittumi takutinneqartutut. Tassunga ilassutitut aningaasaliissutinik qinnuteqartoqarsinnaavoq, taannaallunilu aningaasaliissuteqartarnermut inatsisit malillugit malinneqartussaq.

### 5.3. Siunertap sammivia

Siunertamut sammivimmi nassuiarneqarpoq inuiaqatigiinni aningaasaqarnermut aningaasaliissutit pillugit siunertaq, amerlanertigullu aningaasaliissutit naalackersuinikkut siunertanut assingulluni. Taanna pissutigalugu aningaasaliissutit ataasiakkaat tamarmik pingaarnertut *Siunertaq*-mi nalunaarsorneqartariaqarlutik. Siunertat pingaarnertit tabelimi tullinnguuttumi takuneqarsinnaapput.

Siunertarineqartuni Naalackersuisoq aningaasaliissutinut ataasiakkaanut kina akisussaasuunersoq apequtaanngilaq, tassa akisussaaffinnik agguataarinnermut attuumassuteqarani.

DcR-ip *Siunertap* aamma *Aningaasanut inatsisip* akornanni akuleriitsitsinernut allattuffik nutartertarpaa. Taanna ASA-p nittartagaaniittumi naatsorsuuserinermi najoqqutassiami nassaarineqarsinnaavoq.

Missingersuuserinermi immikkut pingaaruteqarluinnarpoq kontomut pilersaarummut siunertami kisitsisit siulliit marluk isummerfigineqarnissaat, taakkulu 01-imit 16-imut ingerlaarput. Taamaalilluni naatsorsuutinit patajaallisakkanit aningaasanut inatsimmi siunertanut agguarneqarsimasut aallaavigalugit nalunaarusiortoqartassaaq.

Tabelimi tullinnguuttumi takuneqarsinnaapput anguniakkat pingarnerit 16-it kiisalu anguniakkat imai nalinginnaasut assersuutigineqarneri:

<b>Siunertaq</b>	<b>Imarisassanut assersuutit</b>
01 Akileraarutit, akitsuutit nuussinerillu	Nunatsinni akileraarut, naalagaaffiup ataatsimoortumik tapiissutai
02 Naalakkersuisoqarneq tamallu oqartussaaqataanerat	Naalakkersuisut Inatsisartullu akissarsiaat
03 Ineriartortitsineq ilinniartitaanerlu	Inuussutissarsiornermut atuarfiit, ilinniarnertuunngorniarfiit
04 Inuussutissarsiuutit ineriartortitsineq	Puisip amiinik tunisineq, nunalinerneq
05 Isumaginninnermi siunertat	Isumaginninnermi tunniuttakkat, Isumaginninnermut Aqutsisoqarfik
06 Peqqinnissaq	Dronning Ingridip Napparsimavissua, Nunatta Nakorsaaneqarfia
07 Teknik, avatangiisit pilersaarullu	Avatangiisinut aningaasaateqarfik, Nuussinissanut sillimmatit
08 Sunngiffik, kulturi upperisarlu	Ilagiit, kulturikkut tapiissutit
09 Attaveqaasersuutit	Umiarsualiviit, mittarfiit
10 Pilersuineq	Nukissiorfiit, KNI-mik Kiffartuussinissamik isumaqatigiissut
11 Upalungaarsimaneq pinerluttunullu isumaginnittoqarfik	Qaqqat sisoorsinnaanerat pillugu misissuinerit upalungaarsimanerlu
12 Nunanut allanut sullissiveqarfik/Nunani tamalaani ingerlatat	Sinniisuutitaqarfii, Kalaallit Illui
16 Allaffissornerneq	Naalakkersuisoqarfii, ASA

#### 5.4. Suussutsit sammiviat

Suussutsini aningaasartuutit, isertitat missingersuutinilu oqimaqatigiissaarinerit nassuiarneqarput. Aningaasartuutit aamma isertitat ataatsimut taagorneqarputtaaq 'ingerlatsineq'. Suussutsit tunuliaqutaralugit naammassisanut nalunaarusiortoqassaaq, tassanilu ingerlatsinermi ukiumut nikerartut, kiisalu oqimaqatigiissitsinerit aningaasaatinik pigisanik nassuiaasut nassuiarneqassallutik. Suussutsini ilaatigut paasineqassapput assersuutigalugu akissarsiat, akileraartutit, ingerlatsinermut aningaasartuutit ingerlatsinermilu utertinneqartut, missingersuutinilu oqimaqatigiissitsinermi assersuutigalugu tassaallutik aningaaserivinni nikerarnerit, pilersuisut nikerarneri, pisassat kiisalu nammineq aningaasaatigisat.

Immikkoortoq 2 malillugu suussutsinut kontoni tamanut atuuttumik missingersuusiortoqartartussaavoq. Missingersuusiornermi minnerpaamik suut ilaatinneqassanersut kisitsisit allattorsimaffianni ataani takuneqarsinnaapput. Missingersuutitut nalunaarsuinerit uani allaqqasut '*Kontomi pilersaarummi suussutsit*' nalunaarsorneqassapput. Nalunaarusiornermi missingersuutitut kontot qaffasissutsimi nassuiarneqartut ataaniittut tamarmik patajaallisarneqartarput. Tassa imaappoq, kontot tamarmik 12201-inik aallartittunik kisitsisitallit 12201xxxx Sulisunut toqqaannartumik aningaasartuutit-nut inissinneqassapput. Taamaalilluni piunasaqaataavoq suussutsimut kontomi kisitsisinik 12201-inik aallartittuni minnerpaamik ataatsimik kontoqarluni missingersuusiortoqassasoq, aalajangiisuunanili suussutsimut kontomi sorlermi kisitsisit aallarniutaasut pineqartut atorineqarnersut.

Maluginiaruk aningaasaliiffissat pisariaqartinneqartut ataatsimoortinneqalertussaammata qaffasissutsini pingaarnerni immikkut missingersuusiortoqartariaqanngimmat. Taamaalilluni missingersuusiortoqarsimaguni kontot uku atorlugit 11xxxxxx Akileraartutit akitsuutillu, 112xxxxxx Nuussinernit isertitat aamma 113xxxxxx Nuussinerni aningaasartuutit, 11xxxxxx Nuussinerit il.il.-nut immikkut kontoliortoqartariaqanngilaq.

Allanneqartup "Suussutsit pillugit aningaasanut inatsimmi kisitsisit allattorsimaffiat pillugu nalunaaruteqarneq" ataani missingersuutit suunerinut aningaasanut inatsimmi missingersuutitut ilassutiniittunut assinguvoq.

Allanneqartup '*Kontomi pilersaarummi suussutsit*' ataani takutinneqarput kontonut pilersaarummi suussutsit aningaasanut inatsimmi nalunaarusiornermi ilaatinneqartut. Nalunaarusiorneq pisarpoq kontot suussutsinut patajaallisaatinut kontonut pilersaarummi 2-miit 5-imut kisitsisitallit ataanni, soorlu tabelimi takutinneqartoq.

Allanneqartumi "Missingersuutitut ilanngussat missingersuutit immikkoortiterneqarnera"-nni suussutsit missingersuutit immikkoortiterneranni aningaasanut inatsimmi ingerlatsinermut aningaasaliissutiniinersut takutinneqarput.

Aningaasanut inatsimmi suussutsinut nalunaarusiorneq EU-p PEFA-mik nalilersuinissamik piunasaqataat ilaatigut tunngavigineqarput. Suleqatigiinnissamut isumaqatigiissummit aningaasat ilaatigut PETA-mik nalilersuinermit tunngaveqartinneqarput, tassani ilaatigut Namminersorlutik Oqartussat missingersuusiortarnerannut aningaasaqarnermullu nalunaarusiortarnermut piunasaqataateqarluni.

Immikkoortortaqaqfinni missingersuusioriaaseq suussutsinut kontot qaffasissusaat aningaasaqarnermik aqutsissutaanni missingersuusiornissamut periusissaat pillugit, Aningaasaqarnermut Naalakkersuisoqarfimmi DCR-imit piunasaqaatitassaat aalajangiunneqarsinnaapput.

<b>Suussutsinut aningaasanut inatsimmi tabelimi nalunaarusiortarneq</b>	<b>Kontomut pilersaarummi suussutsit</b>	<b>Missingersuutininut ilanngussassani missingersuutininut nassuiaatit</b>
<b>Nuussinerit il.il.</b>	11xxxxxxx Nuussat il.il.	
Akileraarutit akitsuutillu	111xxxxxx Akileraarutit akitsuutillu	Isertitat
Nuussinernit isertitat	112xxxxxx Nuussinernit isertitat	Isertitat
Nuussinermi aningaasartuutit	113xxxxxx Nuussinermi aningaasartuutit	Aningaasartuutit allat
<b>Nalinginnaasumik ingerlatsineq</b>	12xxxxxxx Nalinginnaasumik ingerlatsineq	
1 Ingerlatsinermi isertitat nalinginnaasut	121xxxxxx Ingerlatsinermi isertitat nalinginnaasut	Isertitat
2 – Ingerlatsinermut aningaasartuutit nalinginnaasut	122xxxxxx Ingerlatsinermut aningaasartuutit nalinginnaasut	
Akissarsianut aningaasartuutit	12201xxxx Sulisunut aningaasartuutit toqqaannartut	Akissarsianut aningaasartuutit
Akissarsianut aningaasartuutit	12202xxxx Akissarsiat	Akissarsianut aningaasartuutit
Akissarsianut aningaasartuutit	12203xxxx Akissarsianit utertoortit	Akissarsianut aningaasartuutit
Akissarsianut aningaasartuutit	12204xxxx Akissarsiat nammineq suliarineqartut	Akissarsianut aningaasartuutit
Ingerlatsinermut aningaasartuutit allat	12205xxxx Sulisussarsiorneq soraarnerlu	Aningaasartuutit allat
Ingerlatsinermut aningaasartuutit allat	12206xxxx Piginnaasanik ineriartortitsinerit, sulisut	Aningaasartuutit allat
Ingerlatsinermut aningaasartuutit allat	12207xxxx Sulisunut aningaasartuutit allat	Aningaasartuutit allat
Ingerlatsinermut aningaasartuutit allat	12208xxxx Nioqutissanik pisisarneq	Aningaasartuutit allat
Ingerlatsinermut aningaasartuutit allat	12209xxxx Sullissinernik pisineq	Aningaasartuutit allat
Ingerlatsinermut aningaasartuutit allat	12210xxxx Ineqarnermut akiliut	Aningaasartuutit allat
Ingerlatsinermut aningaasartuutit allat	12211xxxx Sillimmasiinerit	Aningaasartuutit allat
Ingerlatsinermut aningaasartuutit allat	12212xxxx IT attaveqatigiinnerlu	Aningaasartuutit allat
Ingerlatsinermut aningaasartuutit allat	12213xxxx Sinniisoqarfik	Aningaasartuutit allat
Ingerlatsinermut aningaasartuutit allat	12214xxxx Avataaniit ikiorteqarneq	Aningaasartuutit allat
Ingerlatsinermut aningaasartuutit allat	12215xxxx Inissanik pisiortornerit	Aningaasartuutit allat
Ingerlatsinermut aningaasartuutit allat	12216xxxx Angalanerit uninngasarnerillu innuttaasunut tunngasut	Aningaasartuutit allat
Ingerlatsinermut aningaasartuutit allat	12217xxxx Iluarsaassinerit aserfallatsaaliinerillu	Aningaasartuutit allat

Ingerlatsinernut aningaasartuutit allat	12218xxxx Atuineranut aningaasartuutit, illuutit	Aningaasartuutit allat
Ingerlatsinernut aningaasartuutit allat	12219xxxx Akileraarutit akitsuutillu	Aningaasartuutit allat
<b>Ingerlatsinerit allat</b>	13xxxxxxx Ingerlatsinerit allat	
Ingerlatsinermit isertitat allat	131xxxxxx Ingerlatsinermit isertitat allat	Isertitat
100.000 kr.-nit qaangerlugit pissarsiat	132xxxxxx 100.000 kr.-nit qaangerlugit pissarsiat	Aningaasartuutit allat
Aningaasanut tunngasuni isertitat	133xxxxxx Aningaasaliinikkut isertitat	Isertitat
Aningaasanut tunngasuni aningaasartuutit	134xxxxxx Aningaasatigut aningaasartuutit	Aningaasartuutit allat
Nalikilliliinerit	135xxxxxx Nalikilliliinerit	Aningaasartuutit allat
Taarsigassarsititsinermit nikinganerit	136xxxxxx Taarsigassarsititsinermit nikinganerit	Aningaasartuutit allat
Ukiut akornanni nuussinerit	139xxxxxx Ukiut akornanni nuussinerit	Aningaasartuutit allat
<b>Sammissassat</b>	24xxxxxxx Sammissassat	
Sanaartornermit sammisat	241xxxxxx Sanaartornermit sammisat	Aningaasartuutit allat
Sanaartornermit sammisat	24102xxxx Sanaartornermit atortutigut sammisat	Aningaasartuutit allat
Sanaartornermit sammisat	2410203xx Aningaasaliinikkut sanaartormi sammissassat	Aningaasartuutit allat

### 5.5. Suliniutip sammivia

*Suliniutip* sammivia sanaartornissamat pilersarusiornermut pinngitsoorani sammivimmi ilannguttussaavoq. Sanaartornissamat pilersaarutimut imaluunniit aningaasaliinernut aningaasaliinermi naalakkersuinikkut anguniagaasut suliniutit sammivianni nassuiarneqartarput. Suliniutini sammiviit kontot tallimanik kisitsiseqarput, taakkulu tassaallutik siunertamut ilisarnaatit kisitsisit marluk aammalu innersuussinermi normut pingasut. Isumaqatigiissutit naapertorlugit Ineqarnermut Naalakkersuisoqarfiup siunertanut ilisarnaatit aammalu innersuussinermi normut atuuttut isumagisarpai.

*Suliniut*-pillugu sammivimmi ilisarnaatit marlunnik kisitsisitallit Naalakkersuisumut aningaasaliinissamat akisussaassuseqartumut, tassa suliaasarfiit agguataarnerannut, attuumassuteqanngillat.

Siunertanut ilisarnaatit	Sumiiffik	Siunertanut ilisarnaatit	Sumiiffik
10	Sanaartorneq	43	Inuusuttunut paaqqinnittarfiit
15	Illuutiniq pisineq	44	Utoqqaat angerlarsimaffii
16	Innaallagissamik pilersuineq	47	Napparsimmavii/ peqqissaaveqarfiit
17	Sanaartornermut taarsigassarsiat - Pilersuineq	48	Kigutileriffiit
18	Kiassarnermik pilersuineq	51	Inuusutissarsiutinut ilinniarnertit
20	Sanaartornermut tunngatillugu immikkut misissuinissat	52	Ilinniartut ineqarfiinik sanaartorneq
21	Imermik pilersuineq	53	Ilinniarnertuunngorniarfinni sanaartorneq

23	Misissueqqaarnerit - Attaveqaasersuutit	54	Timersortarfiit
24	Imarsiorneq umiarsualiviillu	55	Kultureqarnermut sanaartukkat
25	Timmisartumik angallanq mittarfeqarfiillu	58	Oqaluffiit
29	Pisortat aqquserngiornerat	60	Inuussutissarsiorfiusussanik sanaartorneq (Aalisarneq - nunalerineq - suliffissuit)
30	Namminersorlutik Oqartussat inissiaataat	72	Takornariartitsinermit sanaartorneq
31	Isaterineq	73	Ukiut tallimakkaarlugit misissuisarneq
32	Inissialiortiterneq	74	Avatangiisinut tunngatillugu sanaartorneq
38	Ineriartorneq nutaaliernerlu	90	IT-qarnermi atortorineqartut
40	Nuna tamakkerlugu paaqqinnittarfiit		

Sanaartortitsinerlut aningaasaliinissanullu pilersaarutit saniatigut aningaasaliissutit allat aningaasaqarnermut aqutsissummi pilersaarutitut moduli aqutugalugu suliarineqarsimappata Pilersaarutitut suussutisimi missingersuusiornissamut aamma periarfissaqarpoq. Tamannali pisussaaffiunngilaq.-

## 5.6. Sammiviit allat

Siuliinitulli immikkoortunut marlunnut ilanngunneqartussaasunut missingersuusiornissamut piunasaqaatinik aalajangersimasunik peqanngilaq, tassa *Immikkoortortaqaarfik* aamma *Sumiiffik* imaluunnit immikkoortumut killilersungaangitsumut *Suliassat* pineqarput. Taamaattoq sammiviit pineqartut aqutsinissamut nalunaarusiortarnissamullu periarfissanik arlalinnik periarfissiipput. Immikkoortortaqaarfik aningaasat missingersuutiniittut aaqquissuussanikkullu immikkoortut akornanni agguataariffiginissaannut periarfissiivoq, Sumiiffillu aningaasat missingersuutiniittut nunamilu sumiiffiit akornanni aningaasanik missingersuutiniittunik agguataarinissamut periarfissiilluni. Sammisassat aqutsisoqarnissaanut pisariaqartitsineq naapertorlugu missingersuusiornissamut periarfissiipput, tamakkulu aningaasaqarnikkut sammiviit allat atornerisigut naammassineqarsinnaanngillat, assersuutigalugu suliniutinut pilersaarummut modulimi suliarineqarsinnaanngitsut imaluunniit aningaasanut inatsimmi sammisassanut tabelimi atorneqartarnissaat siunertaralugu.

Immikkoortortaqaarfik Sumiiffillu aqutsisoqarnissaanut nalunaarusiortoqarnissaanullu siunertanut atorneqarneq ajorsimappata inassutigineqassaaq Immikkoortortaqaarfimmi Sumiiffimmi aningaasaliissutinik atuisussatut naatsorsuutaasunut missingersuusiortoqassasoq.

## 6. Oqaasertaliussat

### 6.1. Oqaasertaliussani siunertaq

Aningaasaliissutinut inatsisini aningaasaliissutit saniatigut arlalinnik oqaasertaliussaqaarpoq.

Aningaasanut inatsimmi oqaasertaliussat takuneqarsinnaapput ilanngussaq 2-mi.

Oqaasertaliussat tassaapput inatsisitigut aalajangersakkat aningaasaliissutitigut aqutsinermut tapertatut atorneqakkajuttut. Tamanna aamma aningaasanut inatsisini kiisalu ilassutitut

aningaasaliissutitut inatsisini oqaasertaliussani, Aningaasaqarnermut Akileraartarnermullu Ataatsimiititaliamit akuerineqarsimanerat tunuliaqutsiullugu atuutsinneqarput.

Oqaasertaliussat annertussusaat tunngaviatigut sapinngisamik killilersimaarniartariaqarput, tassami oqaasertaliussanut tunngatillugu atortussanngortitsisarnikkut inatsisinilu teknikip tungaatigut isummersuutinik nalinginnaasunik attuumassuteqartoqarsinnaavoq. Tamanna isumaqarpoq tamakku aatsaat pisariaqarluinnartillugu atorneqartartussaasut. Tassunga atatillugu aalajangersakkat innuttaasunut toqqaannartumik sammitinneqarsimappata atortutigut oqaasertaliussat immikkut killilersimaartariaqarput.

Inatsisit pioreersut allanngortinneqarsinnaapput taamaallaat piffissamik allannguisoqarpat imaluunniit inatsisit atorneqartut utaqqineqarsinnaanngippata. Taamaalilluni oqaasertaliinikkut ataavartumik nalinginnaasumilluunniit inatsimmik allannguisoqarsinnaanngilaq.

## 6.2. Oqaasertaliussani oqaasertaliorneq

Oqaasertaliussat oqaasertalerneranni inatsisit matumani pineqarnerat immikkut maluginiarneqartassaaq. Taamaammat oqaasertaliussat inatsimmi allassimasut allat assigalugit peqqissaartumik *suliarineqartassapput*.

Taamaammat oqaasertaliussat aallaavimmikkut anguniagassat assigiissut malillugit oqaasertalertariaqarput, tamakkulu inatsisinut nalinginnaasunut atuutsinneqarput, tassalu sivikitsumik, ersarissumik eqqoqqissaartumillu.

Oqaasertaliussanut piginnaatitsineq tamatigut Naalakkersuisunut tunniunneqartarpoq. Naalakkersuisut ataasiakkaat oqaasertaliussat naapertorlugit iliuuseqartarnissaannut piginnaatinneqarnerat oqartussaaffiit agguataariffiqineqarnerat qaqukkulluunniit atuuttoq naapertorlugu paasiniaqassaaq.

Oqaasertaliussat nutaat suliarineqarnerat sioqqullugu pitsaassusaat, atorsinnaassusaat ilusissaanullu piumasqaatit pillugit Aningaasaqarnermut Naalakkersuisoqarfimmit nalilersorneqassapput.

## 6.3. Oqaasertaliussanut nassuiaatit

Oqaasertaliussanut tamanut nassuiaatinik ilanngussisoqassaaq.

Nassuiaatit oqaasertaliussat sunniutaannik allaaserisanik imaqassapput. Kiisalu oqaasertaliussat oqaasertaliussamik pisariaqartitsisoqarneranut tunngavilersuummik imaqassapput.

Oqaasertaliussaq nutaajunersoq, ukiumit aningaasanut inatsiseqarfiusumit uteqqinerunersoq imaluunniit siusinnerusukkut oqaasertaliussat allatut oqaasertalersimanerat pineqarneraq immikkut erseqqissarneqassaaq. Oqaasertaliussassamut siunnersuut ilassutitut aningaasaliinissami siusinnerusukkut Aningaasaqarnermut Akileraartarnermullu Ataatsimiititaliamut saqqummiunneqarsimappat ataatsimiititaliami suliap normuanut ullorlu aalajangiiffiusoq ilisimatitsissutigineqassapput.

#### 6.4. Oqaasertaliussat atornerqarneri

Oqaasertaliussat ilaatigut atugassatut killiliussanngorlugit atornerqarsinnaapput, tassa ukiuni aningaasanut inatsiseqarfiusussani kingusinnerusuni pisussaaffeqalersitsinissamut piginnaatitsillutik. Oqaasertaliussat atortussatut oqaasertaliussaasinnaapput, taakkulu inatsisini atuutereersuni ilassutitut nikingassutitulluunniit atornerqartussaapput.

Ukiunit siuliinit oqaasertaliussamik uteqqiineruppat nalilernerqartariaqarpoq oqaasertaliusseq suli pisariaqarnerseq, aammalu oqaasertaliussat immikkoortunut inatsisinut atuuttunut naleqquttunut nuunneqassanersaq.

Oqaasertaliussat makkununga tunngatillugu immikkut pisoqartillugu atornerqartarput:

##### 6.4.1. Ukiuni arlalinni atugassiissutit

Oqaasertaliussat pisussaaffinnut ilaalernissamut atugassiissutinut killiliussat aqqutigalugit piginnaatitsisoqarsimatillugu atornerqassapput, pisussaaffiillu aningaasanut inatsiseqarfiusumi kingusinnerusumi aningaasartuutit malitseqartussaassapput (ukiuni arlalinni atugassiissutit).

Oqaasertaliussat ukiunut arlalinnut isumaqatigiissuteqarnissamut piginnaatitsisut ukiuni aningasaqarfiusuni tulliuttuni, Inatsisartut allatut tulleriiaarinissaannut annertuumik killiliisumik pisussaaffinnut killeqartinneqassapput.

Ukiunut arlalinnut iliuusissanut piginnaatitsissummik qinnuteqartoqarnissaanut aalajangiisusseq tassaassaaq isumaqatigiissutip sivisussusissaa, Namminersorlutik Oqartussat pisussaaffiisa annertussusaat assersuutigalugu aningaasanut inatsimmi kontomi pineqartumi tamakkiisumik aningaasaliissutinut naleqqiullugu Namminersorlutik Oqartussat akiliuteqarnissaa akiliutissallu annertussusissaa.

Assersuutigalugu aallaaviatigut immikkoortortaqaarfik siunnersortimik suliassamik septemberip qaammataani isumaqatigiissuteqarsimappat, ukiup tulliani marsip qaammataani naammassineqartussamik, immikkut piginnaatitsissummik qinnuteqartoqarsinnaanngilaq, aatsaat ikiorsiissutit tunniunneqarneranut tunngatillugu piffissaq eqqorlugi akiliutigineqarsimanngippata qinnuteqartoqarsinnaavoq. Immikkoortortaq "aningaasaliissutit siammarteriffigisinnaaniarlugit" taamaalilluni assersuutigalugu timmisartuutitileqatigiiffimmut timmisartumi ilaassutissanik amerlasuunik pisiortorniarluni attaveqarsinnaassanngilaq ukiumi aningaasanut inatsiseqarfiusussami tullinnguuttumi atornerqartussanik pissarsiniarluni, tassungalu peqatigitillugu ukiumi aningaasanut inatsiseqarfiusumi pineqartumi aningaasartuutit akilerlugit, matumani aningaasaqarnikkut periarfissaqarnera piinnarlugu. Taamatuttaaq Naalakkersuisut angallassisartumik ukiunut arlalinnut atuuttussamik kiffartuussinissamik isumaqatigiissusiornissamut ilaalersimappata piginnaatitsissummik assersuutigalugu qinnuteqartoqassaaq.

##### 6.4.2. Qularnaveeqqusiinerit

Naalakkersuisut oqaasertaliusseqarnikkut qularnaveeqqusiinissamut piginnaatinneqarsinnaapput. Qularnaveeqqutit Nunatta Karsiata naatsorsuutaani paasissutissiissutigineqassapput. Matumani

immikkoortoq 24 Pisussaaffiusinnaasut, eqqartuussivinni suliat nalunaarutillu innersuussutigineqarpoq.

#### 6.4.3. Aningaasaliissutinik atorineqanngitsunik immikkoortitsineq

Nunatta Karsiata naatsorsuutaani isertitanik aningaasartuutinillu nalunaarsuineq aningaasanut inatsiseqarfiusumi tunniussinerit piffianni pissaaq. Piffissamut killiliussat pillugit Naatsorsuuserinermi najoqqutassiami tamanna erseqqinnerusumik takuuk.

Taamaattorli Naalakkersuisut oqaasertaliussaqaarnikkut Nunatta Karsiata naatsorsuutaani aningaasanut inatsimmi kontomi aningaasaliissutit atorineqanngitsut immikkoortittarnissaannut piginnaatitsissummik tunineqarsinnaapput. Sulinermi tamanna isumaqarpoq aningaasaliissutit atorineqanngitsut ukiumut aningaasanut inatsiseqarfiusussamut tullermit nuunneqassasut.

Immikkoortitsinissamik piginnaatitsissuteqaarnissamut qinnuteqaatit oqaasertaliussat nassuiaataanni nassuiarneqassapput. Nalinginnaasumik tunngavilersuutaasoq tassaavoq ingerlatsinermut aningaasaliissutini pilersaarummut aalajangersimasumut, ukiunut aningaasanut inatsiseqarfiusunut arlalinnut piffissalernerqartumut, aningaasat immikkoortinneqassasut, pilersaarutillu kinguaattoornissaa ilaatigut ilimanaateqarsinnaalluni.

Aningaasaliissutinik atorineqanngitsunik ukiumut aningaasanut inatsiseqarfiusumut tulliuuttumut kinguartitsineq tunngavilersorneqassaaq. Tunngavilersuinermi suliniutip ukiuni arlalinni suliasap kinguaattoorfiusimanera assersuutaasinnaavoq. Aningaasaliissutissanik kinguartitsinertut isikkullit naatsorsuutigingisamik aningaasaliissutissanut sillimmatissanik katersinertut ittut DCR-imit itigartitsissutigineqassapput, tassami taamaattut konto pingaarnermut 20.11.50 Ingerlatsinermut sillimmatit ukiunut arlalinnut ingerlatsinermut sillimatinut illuartinneqassapput, ukiunilu aningaasanut inatsiseqarfiusuni arlalinni sillimmatigineqassallutik.

Immikkoortitsinissanut tunngaviliunneqartoq immikkut inatsimmi aalajangersagaasinnaavoq. Taamaattoqartillugu aningaasaliissutinik immikkoortitsinissamut qinnuteqartoqassanngilaq. Taamatuttaaq Namminersorlutik Oqartussat immikkoortitsinermut nalinginnaasumik tunngavilersuutaat naapertorlugit, Nunatta Karsianut naatsorsuutini tunngavissatut nassuiaatit malillugit immikkoortitsinernut akuersissummut inatsisitigut tunngavissamik qinnuteqartoqassanngilaq, tamakkulu Nunatta Karsiata naatsorsuutaani naatsorsuusiortarnermut tunngavinni nassuiarneqarput.

Isumaqatigiissutinut suliasaqarfimmuut tunngatillugu immikkoortortap naatsorsuutaani aningaasanik immikkoortitsisoqaarnissaa pillugu piunasaqaateqartoqarsinnaavoq. Tamanna pisuni pisortani isumaqatigiissutissat nutaat kingumut atuutsilerlugit atsiorneqarsimanerat pissutaalluni ukiuni aningaasanut inatsiseqarfiusuni tullinnguuttuni aningaasartuutinik akiliisoqartarnissaa naatsorsuutigitillugu immikkut atuutsinneqarpoq. DCR taamatut pisoqarsimatillugu immikkoortortap naatsorsuutaani aningaasanik immikkoortitsisoqassanersoq aalajangiisinnavaoq. Taamatut pisoqarsimatillugu isumaqatigiinniartutut illuatungeriit akornanni isumaqatigiissummut pappiaqqamik atsiukkamik ilumut peqartoqarnersoq imaluunniit isumaqatigiinniarnertit ima siuarfiutigilersimassasut kukkunersiuisarnerup tungaatigut akissarsiat iluarsiiiffiginissaannut takkuttussamut aningaasanik immikkoortitsinissaq inatsisit tungaasigut eqqortuunerpaanersoq immikkut pingaartinneqartassapput. Imm 5.1-imi nassuiaatit nalinginnaasut innersuussutaapputtaaq.

#### 6.4.4. Naalackersuisut nikisiterinissamut piginnaatinneqarput (suliassaqarfiit allanngortinneqarnerat)

Aningaasanut inatsimmi kontot pingaarnerit akornanni aningaasaliissutinik nuussinissamut oqaasertaliussaqaarnikkut piginnaatitsisoqarsinnaavoq. Assersuutigalugu Naalackersuisut peqqinnissamut suliassaqaarfiup iluani ingerlatsinermut kontot arlallit akornanni nuussisarnissanut nalinginnaasumik piginnaatinneqarnerannik aningaasanut inatsit imaqarpoq. Sanaartorerup iluani nalinginnaasumik pilersaarutitut naleqqussaarnik isikkoqartunik annikitsunik nuussinissamut Naalackersuisut piginnaatinneqartarput.

Kiisalu oqartussaaffiit allanngornerisa kingunerisaannik aningaasaliissutinik nuussinissamut Naalackersuisut nalinginnaasumik piginnaatinneqartarput. Oqartussaaffiit allanngornerisa kingunerisaannik nuussineq aallaaviatigut Naalackersuisoqarfiup oqartussaaffimmik tunniussisup aamma Naalackersuisoqarfiup oqartussaaffimmik tigusiup akornanni tunniussinermik isumaqatigiissusiorderisigut aningaasaliissutinut inatsisit naleqqussarlugit ilanngunneqartarput. Oqartussaaffinni allannguinerit *oqartussaaffinnik* allannguinerit pillugit aalajangerneqareernerisigut piaarnerpaamik suliarineqassapput.

Aningaasaqaarnermut Naalackersuisoqarfik DCR-ilu oqartussaaffinnik allannguinerimi isumaqatigiinnikkut Naalackersuisoqarfimmit tunniussisumit atsiornikumik tigusiuaannassaaq. Tamanna isumaqatigiissuteqarneq naammassippat ingerlaannaq pissaaq.

Oqaasertaliussat Naalackersuisut nuussinissaannik piginnaatitsisut suliatigut annikitsunik allannguisunik tunngaviusussaannigitsunillu Aningaasaqaarnermut Akileraartarnermullu Ataatsimiititaliamut aningaasaliinissaq pillugu sulianik nassiussinernut killeqartinneqarsinnaapput.

#### 6.4.5. Pingaartumik oqaasertaliussani atortunik tunniussinermi inatsisinik saneqqussinerni.

Nalinginnaasumik akuerineqartarpoq oqaasertaliussat Aningaasaqaarnermut Naalackersuisoqarfimmi ilassutitut aningaasaliissutinik suliarinninnermi, aalajangersimasumilli naammassineqarsinnaavoq tunniussinermi allannguinermiluunniit atortut pillugit aalajangersaaneq inatsisinik allanik aalajangiinermik tunngaveqarpat.<sup>2</sup>

Taamaattoqarmallu oqaasertaliussanik taamaattunik oqaasertaliinissami apeqqutit inatsisinut tunngasut eqqarsaatigilluartarnissaat pingaaruteqarpoq. Pingaartumik makku isiginiarneqassapput:

- Oqaasertaliussat eqqortumik aamma tigussaasumik ilusilerneqassapput. Inatsisini atuuttuni allani atortussat allanngorneqarpata imaluunniit ilaneqarpata, taakkununga oqaasertaliussat

---

<sup>2</sup> Assersuutigalugu 5. november 2021-mi Aningaasaqaarnermut Akileraartarnermullu Ataatsimiititaliap oqaaseqaat, akuersissuteqartunik piffinni attaveqaasersuutitut aningaasartuutikitsunit piffinni attaveqaasersuutitut aningaasartuutikkaanut isertitaqaarnermi IP-transitimi aamma programminut akinik nalimmassaanissamut piumasaqaateqartoq akueraat. Taamaasilluni 9. december 2020-mi Atuisartoqaarnermut Unammilleqatigiinnermullu Aqutisoqarfimmit aalajangiineq tunulliunneqarpoq. Assersuut alla tassaavoq, 16. januar 2024-mi oqaaseqaat ilannguppaat, tamatumani maleruagassaq Utoqqalinersiaqarneq pillugu Inatsisartut inatsisaanni utoqqalinersiat tapiinik atorunnaarsinneqaqqammertoq atuutilerseqqillugu. Tamatumani tunngavigisat tassaavoq, maleruagassaq atorunnaarsinneqarmat, utoqqalinersiallit ilaasa aningaasaqaarnikkut naapertuutinnigsumik aningaasaqaarnerannut kinguneqarnera.

imaluunniit oqaaseqaatit inatsisip/inatsisit Nalunaarutini sorlerni inatsimmut /Nalunaarummut/ imaluunniit allannguutitut inatsimmut innersuussissapput.

- Oqaasertaliussat inuttaasunut aalajangersimasunut il.il. taamaallaat atuuttariaqarput.
- Oqaasertaliusseq artukkiissanngilaq
- Oqaasertaliusseq tunngavilersorneqassaaq mianerisassat pingaartillugit
- Oqaasertaliussani inatsisit naammassineqarnissaat utaqqineqassanngilaq.

## 7. Akit qaffasissusaat aamma aningaasarsiat qaffasissusaat

Aningaanut Inatsit ukiumi aningaasanut inatsiseqarfiusumi akit qaffasissusaat atorlugu suliarineqarsimavoq. Tassa aningaasanut inatsimmi aningaasaliissutitut aningaasanut inatsiseqarfiusup kingorna ukiuni missingersuusiorfiusuni nalinginnaasumik akit nikerarneri eqqarsaatigisariaqanngillat.

Taamaalilluni missingersuusiormi naatsorsuutigineqartarpoq akuersissutit tamarmik aningaasatigut ineriartorneq malissagaat. Tamanna sulineri isumaqarpoq ukiumi aningaasaliiffiusumi aammalu ukiuni missingersuusiorfiusuni pingasuni aningaasaliissutit amerlanerpaartaat assigiissasut. Assersuutigalugu tamanna Naalagaaffiup ataatsimoortumik tapiissutaanut, Naalakkersuisoqarfimmi allaffissornermut tapiissutitut imaluunniit inuussutissarsiutilinnut assigiinngitsunut tapiissutitut aningaasartuutitut apeqqutaatinnagu atuuppoq. Uani pineqartut pingasut tamarmik ukiuni sisamani assigiinnik aningaasaliiffigineqassapput. Tamatumunnga pissutaasoq tassaavoq aningaasaliissutigineqartut taakku sisamat tamarmik akit nikerarneranik malinnaasussatut naatsorsuutigineqarnerat.

Aningaasanut Inatsisip missingersuusiorneqarnerani akinut naleqqersuutit assigiinngitsut atorneqartarput:

- Aningaasaliissutit inatsisitigut pisussaaffiusut akigititanik iluarsineq amerlanertigut malittarpaat, tassanilu pisortani akissarsiani ineriartornerit pineqarput.
- Akileraartarnermit akitsuutinillu isertitat tunngaviatigut Nuna tamakkerlugu niuernermit ineriartorneq malittarpaat, tassami isertitat aalisakkanik immikkut tunisassiornermut atasut pingaarnertut malittarisassamit taamaattumit nikingasinnaassammata.
- Naalagaaffiup ataatsimoortumik tapiissutaasa danskit akinut akissarsianullu iluarsinermut akigititaat malippai.
- Ingerlatsinermut tapiissutitullu aningaasaliissutit Kalaallit Nunaanni akigititanut akissarsianullu iluarsisarneq aallaaviatigut malittarpaat. Aningaasaliissutit aalajangersimasut tamakkiisumik ilaannakortumilluunniit akinut akissarsianullu nalimmassarneqassanersut Aningaasanut Inatsisissatut siunnersuummi aningaasaliissutit politikikkut pingaarnersiorneqarnerannut ilaasussaassaaq.
- Sanaartornermut aningaasaliissutit tunngaviatigut akinut nalimmassarneqarneq ajorput.
- Kiffartuussinissamik isumaqatigiissutit ukiunut arlalinnut atuuttussat aallaaviatigut akinut naleqqussarneqarneq ajorput, tassami isumaqatigiissutini ataasiakkaani iluarsisioqarnissaanut iliuusissat allat isumaqatigiissutigineqarsinnaasimassammata.

Qulaani akinut naleqqersuutit aningaasanut inatsisissatut siunnersuummut missingersuusiornermi aningaasaliinerit ukiuni aningaasanut inatsiseqarfiusumi ilaasarput, tamannalu ukiunut missingersuusiornarfiusunut tullinnguuttunut naapertuuttutut ilimagisatut erseqqissarneqarpoq. Tamatumunnga pissutaasoq pingaarneq tassaavoq aningaasanut inatsisip paasiuminartuunissaa, taamaaliortoqanngippat ukiuni ataasiakkaani inernerit sanilliunnissai ajornarnerulersinnaassammata. Tamanna isumaqarpoq, aningaasaliissutini ataasiakkaani aalajangersimasuni assigiinngissutit ukiuni tulliuuttuni sisamani aaqqissuunneqakkajuttarneri imaluunniit suliniutit unissimaneri.

### 7.1. Akinut akissarsianullu akigititap nassuiarneqarnera

Ingerlatsinermut tapiissutitullu aningaasaliissutit amerlanerit nalinginnaasumik akinut akissarsianullu iluarsiiinermi akigititanut naleqqussarneqartarput. Taamaattoq pingaarnersuiisoqarnissaa siunertaralugu akinut akissarsianullu iluarsiiineq tamakkiisoq iluarsiiisutiginneqassanngitsoq politikikkut aalajangiiffigineqarsinnaavoq. Tamanna pillugu isummorsornerit amerlanertigut aningaasanut inatsimmik suliaqarnermi piffissamut siusinnerusumut attuumassuteqartarput, taamaalinerani politikikkut suliniutissat nutaat aningaasalersuiiffiginissaat siunertaralugu sipaarniarnissat pillugit kissaateqartoqarsinnaalluni.

#### Akinut akissarsianullu iluarsiiinerit massakut naatsorsuiiffigisarnerat

Akigititap naatsorsuiiffiginerani akinut akissarsianullu tunngasortaa immikkut ataatsimut akigititap 50 %-erivaa.

Akissarsiat tungaatigut kommuninut Namminersorlutillu Oqartussani akissarsiat ukiorlu naallugu sulisinnaasut pillugit paasissutissat kattuffinnit tallimaasunit (SIK, AAK, IMAK, NPK aamma ASG) nutarterneqartarput. Akissarsiat amerlassusissaasa naatsorsorneranni akissarsiat aamma ukiuni siuliini marlunni-pingasuni atorneqarsimasut pillugit paasissutissat isumaqatigiissutinut toqqorsivimmiittut atorneqartarput.

Nalinginnaasumik marsip qaammataanni ukiuni siuliini paasissutissat katersat nutarterneqarsinnaasarput. Tamanna tunngavigalugu ilaatigut paasissutissat katersat ukioq allortarlugu Isumaqatigiissutinut Immikkoortortaqaqarfimmiit pissarsiarisarnissaat pisariaqarsinnaasarpoq.

Ukioq 2024 assersuutitut aallaavigineqarpat 2021-mut kisitsisaatigineqartut ukiunut 2022-2024-mut tunngatillugu siumut naatsorsuisoqarnissaanut uuttuutitut atorneqartarput.

Ukiunut 2022-2024-mut akissarsiat siumut naatsorsorneqarneri 2021-p kingorna ukiunut isumaqatigiissutinut aningaasat kattuffinnut tallimanut agguartaarnerat tunngavigalugit pisarpoq, matumani kattuffiit ilaannut tunngatillugu ukiunut taakkununnga isumaqatigiissut atsiugaq pigineqarsimanngippat. Ukiuni tulliuuttuni naatsorsuutigisamik kukkunernut iluarsiiisoqartarpoq.

Isumaqatigiissutit ilaanni akissarsianik ineriartorneq ukiuni 2022-2024 ilisimaneqarpoq, taakkulu isumaqatigiissutinut taakkununnga tunngatillugu angusanut pappiaqqani atsiukkani nassaassaapput. Angusat pappiartaat/aningaasaqarnermut takussutissiat attuumassutillit Isumaqatiginninniartarfimmit pigineqarput Angusanut pappiaqqanut ataasiakkaanut tunngatillugu akissarsianik qaffaanerit ukiunut agguataariffiginerat paasissallugu ajornakusoorsinnaasarpoq. Ataatsimulli isigissagaanni makku aallaavigineqartarput:

- Akissarsiani allangornerit angusanut pappiliartat/Aningaasaqarnermut takussutissiaq naapertorlugit ukiumi aalajangersimasumi aprilip aallaqqaataani pisarput. Tamanna ukiumut pineqartumut tunngatillugu ukiumi qaffakkiartornertut naatsorsorneqassaaq, taamaasilluni ukiumut tassunga tunngatillugu januaarip aallaqqaataaniit piviusumik atuutilersinnaassamat.
- "Piumasaqaatinut ataatsimoortunut" qaffakkiartornermi malitassatut naatsorsorneqarsimasoq tunngavigineqartarpoq. Taamaalillugu maliginiarneqassaaq sulisartunut pitsanngorsaatisat ilaat peqataatinneqanngitsoorsinnaasarmata, tamakkuuppullu piumasaqaatit ataatsimoortut ilanngaaseereerluni aningaasalersuiffiginissaannut ilaatinneqarsinnaasut. Taama pisoqartillugu isumaqatigiinniarnermi piffissaliussap aallartinnerani aningaasatigut kingunissai malunniuteqarsinnaasarput.
- Ukiuni ataasiakkaani nutaanik isumaqatigiissusiortoqarsinnaasimassaaq, isumaqatigiinniarnerrillu sivisuut pissutaallutik ima kinguaattoorfiutigisimapput ukiuni piffissap AA-mi akigitinneqartup naatsorsuiffigerani iluarsiiiffiusumut tunngavigineqartumi akissarsiat ineriartorsinnaalersimmata. Angusat pappiliartaat isumaqatigiissulluunniit atsiorsimasoq pigineqarpat ima pisoqarsinnaavoq, isumaqatigiinniarnermi atsiorneqarsimannngitsut atorlugit ukiup siulianut akissarsiat nalunaarsorneqarlutik taamaalillunilu ukiuni tulluittuni akinut akissarsianullu iluarsiinernut akigititaq eqqarsaatigineqartariaqarnani. Akinut tunngatillugu 2022-mut akinut kisitsisit atorlugit nutarterisoqassaaq, tamannalu Naatsorsueqqissaartarfiup nalinginnaasumik marsip qaammataani tamanut saqqummiuttarpaa. Akit ineriartorneranut naatsorsuutigisani 2023-mi aamma 2024-mi akit qaffakkiartornerat atorneqassaaq, (aningaasat naleerukkiartornerat) Danmarkimi, Nationalbankimiit saqqummersinneqartut kingulliit naapertorlugit.

Tamanna tulluittuni takutinneqassaaq AIS2024 assersuusiullugu:

	AIS2024-mi naatsorsuutigisat		AI2023-mi naatsorsuutigisat		Kukkuneqartussat naatsorsuutigisat		Akit akissarsiallu naapertorlugit iluarsisarnermut 2024-mut ilanngussat
	Akissarsiat	Aki	Akissarsiat	Aki	Akissarsiat	Aki	
2024	1,82%	3,60%					2,71%
2023	1,73%	4,00%	1,73%	1,10%	0,00%	2,90%	1,45%
2022	2,31%	2,70%	1,98%	4,40%	0,32%	-1,70%	-0,69%
<b>AA-2024</b>							<b>3,47%</b>

### Siunissami akinut akissarsianullu iluarsiiisutitut naatsorsuineq

Piffissami matumani missingersuusiornermut malittarisassat suliarineqarneranni akinut akissarsianullu iluarsisarnermi naatsorsueriaaseq alla sulissutigineqarpoq. Siunissami Aningaasaqarnermut Siunnersuisoqatigiit naatsorsuineq tamanna ingerlattassagaat naatsorsuutigineqarpoq. Nutaatut naatsorsueriaatsimi danskit aningaasat naleerukkiartornerannut immikkut naatsorsuutigisat naatsorsuisarnermi tunngavigineqartumit peerneqartariaqarput.

## 7.2. Peqqinnissaqarfimmi aningaasaliissutit innuttaasut katitigaanerat naapertorlugu naleqqussarnissaat

2012-imili aningaasanut inatsimmi peqqinnissaqarfimmut aningaasaliissutit innuttaasut katitigaanerat malillugu naleqqussarneqartarsimapput, tassani ukioq 2011 ukiutut tunngavittut tunngavigineqarluni. Taamaalilluni innuttaasut katitigaanerisigut ineriartorneq tunngavigalugu

peqqinnissaqarfiup aningaasartuutitut taarsiiffigineqartarnera qulakkeerniarneqarpoq. Siunertamut peqqinnissakkut sullissinernik ukiut apeqqutaatillugit atuineq kr.-ningorlugu atorneqarpoq 0-90+ ukiulinnut agguarneqarlutik, taakkunannga Danmarkimi agguaneq aallaavigineqarluni.

Innuttaasunut missiliuinermi aallaavigisaq malillugu 0-99+ ukiullit Naatsorsueqqissaartarfimmiit ukiuni ataasiakkaani amerlisussatut ilimagineqartut tunngavigalugit naatsorsorneqartarput, kingornalu ukioqatigiinnut ataasiakkaanut aningaasartuutissat kisinneqartarlutik. 90-99+ ukiullit 90+ immikkoortunut kattunneqartarput. Peqqinnissaqarfimmi ingerlatat tunngavigalugit aningaasaliissutit innuttaasut katitigaaneranni ineriartorneq malillugu iluarsineqartarput. Tamatumani AI2025-mut aningaasaliissutit kontoni tullinnguuttuni allaqqasut pineqarput:

#### Aningaasaqarnermut inatsimmi- konto Ateq

- 34.11.01 Napparsimasut nunani allani katsorsarneqartarnerat, timikkut nappaatit
- 34.11.02 Napparsimasut nunani allani katsorneqartarnerat, tarnikkut nappaatit
- 34.11.03 Dronning Ingridip Napparsimmavissua
- 34.11.04 Kalaallit Peqqissartut Illuat
- 34.11.10 Inuunerissaavik Steno Kalaallit Nunaat
- 34.12.01 Najukkani peqqinnissaqarfiit, nakorsanit sullinneqarneq
- 34.12.03 Ataatsimut aningaasartuutit, napparsimasunik angallassinertit
- 34.12.05 Nunatta Nakorsaataasivia
- 34.12.06 Ataatsimut aningaasartuutit
- 34.13.01 Peqqinnissaqarfiit, Kigutigissaaneq

Taamaalilluni peqqinnissaqarfimmut aningaasaliissutit tamarmik naleqqussarneqarput, ingerlatsinermut aningaasaliinerit ilanngunnagit, ilaatigut allaffissornermut, illunik aserfallatsaaliuinermit atornerluisunillu katsorsaaneqarnermut ingerlatsinermut aningaasartuutit kiisalu napparsimasunut taarsiissutitut aamma pinerluttulerinermi inatsit malillugu inissiisarnernut inatsisinik tunngaveqartunut aningaasaliissutit.

## 8. Missingersuutit inissisimanerat pillugu naatsorsuinerit

Missingersuutit inissisimanerat aningaasartuutitut qummut killiliussatut atorneqartarput, taamaaliornikkut pisortaqarfiit nalinginnaasumik aningaasartuuteqarnerulernerat killissaqassasoq qulakkeerneqarluni. Inuiaqatigiit aningaasaqarnikkut siuariartornerat annerusumik namminersortunit qimuttuuffigineqassasoq tamatumani anguniarneqarpoq, taamaalillunilu siunissami ungasinnerusumi inuiaqatigiit aningaasaqarniarnerannut atassinissamut unammilligassat killilersorlugit. Taamaammatt missingersuutit inissisimanerat aningaasanut inatsimmut pingaaruteqartorujussuuvoq. Missingersuutit inissisimaneranik naatsorsuisarnermi malittarisassat Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaanni takuneqarsinnaavoq, aalajangersakkallu pingarnerit ima allassimallutik.

*”§ 2. § 2. Kommunimi imaluunniit Namminersorlutik Oqartussani ataatsimut missingersuutitut inissisimaneq ukiut sisamat ingerlaneranni oqimaaqatigiissaaq imaluunniit sinneqartoorutinik takutitsiffiussaaq, taamaattoq takuuk imm. 3.*

*Imm. 2. Missingersuutit inissisimaffianni oqimaaqatigiittoqarnissaa pillugu piumasagaat imm. 1-mi taaneqartoq eqqortinneqarsimassaaq kommunit ukiumut missingersuutaat ukiut*

*missingersuusiorfiusut ilanngullugit imaluunniit ukiut missingersuusiorfiusut ilanngullugit Namminersorlutik Oqartussat aningaasanut inatsisaanni:*

*1) sanaartornermut, ingerlatsinermut, isertitanut aamma tapiissutitut atatillugu inernerit tamarmiusut amigartoorfiunngippata, aamma<sup>[1]</sup>2) ingerlatsinermut, tapiissutitut sanaartornermullu aningaasaliissutit tamarmiusut ukiumi ataatsimi annerpaamik 1,00 procentimik qaffassimappata aamma ukiut sisamat ingerlanerini ataatsimut qaffariaataat annerpaamik 2,00 procentiuppat. ... ”.*

Taamaasilluni piumasaqaatit marluupput: Siullertut aningaasanut inatsit minnerpaamik ukiumi sisamani oqimaaqatigiissaaq. Aappaattut ingerlatsinermut, tapiissutitut sanaartornermullu aningaasartuutit ineriartorsinnaanerit killeqarpoq.

Aningaasanut inatsimmi qupp. 4-5-imi siunertani isumannaallisagaasumik naatsorsuutit takussutissartaat naapertorlugit siunertamut kontunut pilersaarummi siunertat 2-16 tunngavigalugit ingerlatsinermut, tapiissutitut sanaartugassanullu naatsorsuisoqarpoq. AIS2027-mut missingersuutit inissisimanerannut naatsorsuinermit periaaseq atorneqartoq assersuutitut atorneqartoq ataaniippoq.

### **Missingersuutit inissisimanerat qanoq aalajangersarneqartarpat?**

Missingersuutit inissisimanerat pingasunut naatsorsorneqartarpat:

1. Ukiumik aalajangiineq
2. Aaqqissuussaannikkut pissutsinut tunngatillugu iluarsineq
3. Ineriartortoqarnissaanik killiliineq

Immikkoortumi matumani periaaseq paasiuminartumik nassuiarneqarpoq. Sukumiinerusumik nassuiaasoqarnissaa kissaatigineqarpat Aningaasaqarnermut Naalakkersuisoqarfik attavigineqarsinnaavoq.

#### 1)-imut Ukiumik aalajangiineq

Missingersuutit inissisimanerannik aalajangersaasoqartillugu siornatigut 2026-mut missingersuutit inissisimanerat nalunaarutigineqarsimasoq aallaavittut atorneqartarpoq, taannalu ukioq atorneqartarpoq.

**Tabeli 3. 2026-mut missingersuutit inissisimanerat, mio. kr.-nngorlugit.**

	<b>2026-mi annerpaamik aningaasartuutissat</b>
<b>Namminersorlutik Oqartussat</b>	6.220,1
<b>Kommune Kujalleq</b>	721,3
<b>Kommuneqarfik Sermersooq</b>	2.487,8
<b>Qeqqata Kommunian</b>	1.273,8
<b>Kommune Qeqertalik</b>	725,9
<b>Avannaata Kommunian</b>	1.136,2

*Nal: Aningaasat tamarmik 2025-mi mio.kr.-upput.*

2)-mut Aaqqissuussaanikkut pissutsinut tunngatillugu iluarsineq

Ukioq ima iluarsineqarpoq:

- Kommunit aamma Namminersorlutik Oqartussat akornanni suliakkiutigineqarsimasut suliassallu nuunneqarsimasut
- Innuttaasut nikerarnerat
- Aningaasat naleerukkiartornerat

**Tabeli 4. Suliakkiutigineqarsimasunik suliassanillu nuunneqarsimasunik, innuttaasut nikerarnerannik aningaasallu naleerukkiartornerannik iluarsinerup kingorna missingersuutit inissisimanerat**

	<b>Suliassanik, innuttaasut nikerarnerannik aningaasallu naleerukkiartornerannik iluarsinerup kingorna missingersuutit inissisimanerat</b>
<b>Namminersorlutik Oqartussat</b>	6544,3
<b>Kommune Kujalleq</b>	745,6
<b>Kommuneqarfik Sermersooq</b>	2598,9
<b>Qeqqata Kommunua</b>	1320,6
<b>Kommune Qeqertalik</b>	750,8
<b>Avannaata Kommunua</b>	1178,9

Nal: Aningaasat tamarmik 2026-mi mio.kr.-upput

3)-mut Ineriartortoqarnissaanik killiliineq

Naggataatigut ineriartortoqarnissaanut killiliinerit inatsisitigut aalajangersarneqarsimasut atorneqassapput, matuma kingorna missingersuutit annerpaamik ima qaffanneqaqqusaapput:

- ukiumi ataatsimi 1 %
- ukiuni sisamani 2 %

Aningaasat iluarsineqarsimasut 1,01-imik aamma 1,02-mik iluarsinerisigut taamaaliortoqassaaq. Tamanna tunngavigalugu inaarutaasumik 2027-mut missingersuutit inissisimanerat ima aalajangersarneqassaaq:

**Tabeli 5. Inaarutaasumik 2027-mut missingersuutit inissisimanerat. Namminersorlutik Oqartussani kommunimilu ingerlatsineq, tapiissutit sanaartornerlu akuerineqartut.**

	<b>2027-mi annerpaamik aningaasartuutissat</b>	<b>2028-30-mi annerpaamik aningaasartuutissat</b>
<b>Namminersorlutik Oqartussat</b>	6.609,7	6.675,2
<b>Kommune Kujalleq</b>	753,0	760,5
<b>Kommuneqarfik Sermersooq</b>	2.624,9	2.650,9
<b>Qeqqata Kommunua</b>	1.333,8	1.347,1
<b>Kommune Qeqertalik</b>	758,3	765,8

<b>Avannaata Kommunia</b>	1.190,7	1.202,5
---------------------------	---------	---------

Nal: Aningaasat tamarmik 2026-mi mio.kr.-upput.

Missingersuutit inissisimaffiat naatsorsorneqartillugit piumasaqaatinik ataani allaqqasunik naammassinnittoqartillugu missingersuutit naatsorsuutillu pillugit inatsimmi § 2, imm. 3 naapertorlugu Naalakkersuisut Inatsisartunit aningaasartuutit ilaat ilannguttariaqanngilaat:

*"Imm. 3. Inatsisartut akuersissuteqarnerisa kingorna imm. 2 malillugu naatsorsuisoqareerpat aningaasartuutit inissianik, inuussutissarsiutinik imaluunniit attaveqarnermik pilersaarutini aningaasaliinermut attuumassuteqartinneqarsinnaasut kingunerisassaanik naliliinikkut inuiaqatigiit aningaasaqarnerannut ataatsimut iluanaarutaasussatut nalilerneqarpata mininneqarsinnaapput.*

Taamaammat immikkuullarissumik aningaasaliinermi inuiaqatigiit aningaasaqarnerannut missingersuusiortarnermullu iluanaarutaasussatut naatsorsuutigineqartut pillugit kingunerisassanut naliliisoqarnissaq piumasaqaataavoq. Tassungalugu atatillugu piumasaqaataavoq, tunuliaqutaasumik misissuinerup pitsaassusaa Aningaasaqarnermut Naalakkersuisoqarfiup inuiaqatigiinni aningaasaqarnikkut kingunerisinnaasanik nalilersuinermi ilitsersuutaanut naapertuutissasoq. Ilitsersuutit Naalakkersuisoqarfiup nittartagaani pissarsiarineqarsinnaapput.

## 9. Aningaasanut inatsimmi inernerit

Aningaasaqarnermut inatsimmi angusat ingerlatsinerimut, sanaartornermut taarsigassarsiissutillu inernerattut aammalu ingerlatsinerimut sanaartornermullu inernerattut naatsorsorneqartarput, tassa IST-mi IS-imilu inernerit. Aammattaq IST-mi missingersuutigineqartut missingersuutit inissisimanerisa naatsorsuiffiginissaannut atorineqartarput.

### 9.1. IST

IST-mi inerneq tassaavoq aningaasanut inatsimmi aningaasaliissutit tamarmik katinnerat. Ukiumi aningaasarsiorfiusumi inissiiortornerit assigiinngitsut tamarmik naatsorsuutitigut angusani tunngaviusumik ilaatinneqartarput, taamaattorli IST-p inernerani ingerlatsinerimut isertitat aningaasartuutillu aammalu sanaartornermi pigisat nalillit tungaatigut isertitat aningaasartuutillu taamaallaat ilaatinneqartarlutik. Taamaallilluni oqimaatigiissitsinerit ilaatinneqanngillat. Taamaallilluni IST-mi inernerni suussutsinut kontot makku inernerit pineqarput:

#### Suussutsinut kontot IST-p inerneranut ilaasut

1 Nuussinerit il.il.

2 Nalinginnaasumik ingerlatsineq

3 Ingerlatsinerit allat

4 Pigisat nalillit

4.1 Sanaartornermi pigisat nalillit

### 9.2. IS

IS-ip inernerit IST-p inernerinut assinguvoq, tassami IS-imi inerniliunneqartumi taarsigassarsiassanut aningaasaliissutit ilaatinneqanngillat. Taarsigassarsianut aningaasaliissutit

pineqarpata tamanna aningaasanut inatsisip sammiviani takuneqarsinnaassaaq. Aningaasanut inatsimmi kontot tamarmik ingerlatsinermut, sanaartornermut imaluunniit taarsigassarsianut kontoopput.

Ingerlatsineq siamasissumik isumaqartinneqarpoq, tassa sanaartornermut taarsigassarsianullu tunnganngitsut tamarmik ingerlatsinertut nalunaarsorneqarmata. Sanaartornermut aningaasaliissutit sanaartornermik tunngassutilimmik aningaasaliissutaapput, taakkulu aningaasanut inatsisip sammiviani normui 80-imik aallartittarlutik. Taarsigassarsiat aningaasaliissutaapput, taakkulu taarsigassarsiaapput imaluunniit taarsigassarsianut akilersuutaallutik.

Aningaasanut inatsimmi taarsigassarsineritinneqartut nalinginnaasumik kommuninut, Namminersorlutik Oqartussani aktiaateqarluni ingerlatseqatigiiffinnut aamma suliffeqarfinnut namminersortitanut taarsigassarsititsinernut ilaasarput. Ukiuni kingullerni aningaasanut inatsimmi taarsiassarsiarititat Nukissiorfinnut taarsigassarsiarititaapput taassumalu Nunatta Karsianut akiitsuutaanik akilersuutaallutik.

Taarsiassarsiarititat ukiuni kingullerni ukiumut 60 mio. kr.-upput , akilersuutillu ukiumut 70 mio. kr.-ullutik. Tamanna pissutigalugu IS-imi IST-milu inernerit 10 mio. kr.-nik nikingassuteqarput. Tamannali siunissami allanngorsinnaavoq.

Suliffeqarfiit namminersortitat (Nukissiorfiit aamma Asiaq) aningaasanut inatsimmi oqaasertaliussat saniatigut ingerlatsinermut nalinginnaasumik akiliisinnaassuseqarnissaat qulakkeerniarlugu ilanngaasiinissamut pisinnaatitaaffimmik tigussaasumik tunineqarsinnaassapput. Taamaalinerani suliffeqarfiit aaqqissuussaannikkut Namminersorlutik Oqartussanut ilaasut namminneerlutik taarsigassarsinnaannginnerat imaluunniit taarsigassarsiniartarfiit pillugit isumaqatigiissusiorsinnaannginnerat pineqarpoq. Ilanngaasiinissamut pisinnaatitaaffiit taamaattut Nunatta Karsiata naatsorsuutaanut tunngatillugu aningaasanut inatsisini takuneqarsinnaapput, taamaattorli IS-imi aamma IST-mi inernernut sunniuteqartussaananik.

## 10. Aningaasaliissutininut inatsisini missingersuutininut ilanngussat suliarineqartarnerat

Aningaasanut inatsimmi kontoni tamani suugaluartuni missingersuutininut ilanngussaartoqassaaq. Missingersuutininut ilanngussaq piumasaqaatitigut isigissagaanni aningaasaliissutininut inatsimmi nassuiaatini ilaavoq, taamaattumillu aningaasaliissutit sumut atorneqassanersut nassuiarneqarsimalluni.

Aningaasaqarnermut Naalakkersuisoqarfiup aningaasanut inatsimmi suliaani ataqatigiissumik aaqqissuussami naalakkersuisoqarfiit tamarmik immikkut missingersuutininut ilanngussatik suliarissavaat. Sammivillit kontomut immersugassamut eqqortumut aningaasaliissutit agguaanissaat Naalakkersuisoqarfiit ataasiakkaat namminneq suliassaraat. Sammiviit sorliit qanorlu qaffasitsigisumik aningaasaliissutini ataasiakkaani agguanneqarnissaat Aningaasaqarnermut Naalakkersuisoqarfiup aalajangissavaa.

Missingersuutitut ilanngussaq suliassamut kisitsisinik attuumassuteqartunik imaqassaaq, aningaasaliissut sumut atorneqartussaananik allaatiginnittumik.

Malugiuk taakkua suliassamut kisitsisit missingersuutaammata, tassaapput aningaasaliissummut itinerusumik allaatiginninnerit. Suliassanut kisitsisit aningaasaliissutitut aqutsisuunngimmata immikkut maluginiarneqassaaq. Ukiumi aningaasanut inatsiseqarfiusussami suliassamut kisitsisit Inatsisartut aningaasaliissutaata iluani imaluunniit Naalakkersuisut pingaarnertut aningaasaliissutitut killiliussaanni aalajangigaanni piviusunngortinneqarsinnaanngippata, naalakkersuisoqarfiup suliassamut kisitsisit nammineq ingerlatsinermini *naleqqussassavai*, aningaasaliissuteqarnissaq piviusorsioortunngorlugu. Tamanna pillugu paasissutissat iluaqutsiullugu missingersuutit ingerlaavartumik malitseqartitsiffigineranni ilanngunneqarsinnaapput.

Missingersuutitut ilanngussat naammattumik naammaginassuseqassapput, Inatsisartunit inunnillu tamanit atuarneqarnermikkut susassaqarfiup iluani aningaasartuummut suliaqarnermullu piviusumik paasineqarsinnaassallutik. Atortussap suliarinerani assut peqqissaarussisoqassaaq, oqaatsitsigut tamakkiisumik *eqqortuussaaq* aamma saqqummiussaq kalaallisut danskisullu assuarisassaassanngilaq.

Aningaasaliissutit atorneqarnissaanut immikkut ittumik inatsimmik tunngavissaqarpat, tassani inatsisip taaguutaa ullualu allanneqassapput.

Missingersuutitut ilanngussat naqinnernik Times New Roman-mik 12-tut angitigisunik naqinnilerlugit allanneqassapput 1,2-millu titarnerit ungasissusilerlugit, pissutigalugu sanaartornermut aningaasaliissutit paasissutissanut nalunaarsuiffinnut assigisaannullu tamanna pinngitsoortinneqarsinnaammat. Allakkiat suliassanullu kisitsisit assingusut assingusumik, tassalu angissuseq 9 atorlugu, allanneqassapput. Naqinnerit allat imaluunniit inississuinerit allat atorneqassanngillat, oqaasertaaliineq taanna Aningaasaqarnermut Naalakkersuisoqarfimmit immikkut akuerineqarsimanngippat.

Missingersuutitut ilanngussat tiguneqartut taakkua ilusiliinissamut piumasaqaatinik naammassinninngippata itigartinnissaannut Aningaasaqarnermut Naalakkersuisoqarfik nangaanani imminut pisinnaatippoq.

Immikkut ittumik maluginiaqquneqarpoq, missingersuutitut ilanngussani oqaasertat aningaasaliissuteqarnissamut siuarsaatitut ilusilimmik *oqaasertalernerqassanngitsut*, suli inaarutaasumik naalakkersuinikkut isummerfigineqanngitsumik siunissami aningasartuutitut aalangiinissamut Naalakkersuisut akuersissuteqarnissaannut pisussaaffiliinissamut naleqquttumik.

Naalakkersuisut isummernissaannut tunngavissiat iluaqutsiullugu imatut allanneqarsinnaassapput allanneqartut ilaat missingersuutitut ilanngussani apeqquernagu ilanngunneqarsinnaatilerlugit.

### 10.1. Missingersuutit immikkoortiterneri

Missingersuutitut ilanngussap qulerpiaani missingersuutit immikkoortiternerat takutinneqarpoq. tassanilu aningaasaliissutit annertussusaat taakkualu agguataarnerat takutinneqarpat.

Immikkoortiterinermi ukioq naatsorsuiffusoq kingulleq, ukiuni kingullerni aningaasanut inatsimmi

anigaasaliissutaasut aamma ukioq anigaasanut inatsiseqarfiusoq takutinneqarput, 1.000 kr.-ninngorlugu. Tassunga ukiut missingersuusiorfiusut mio. kr.-ninngorlugit takutinneqarput.

## 10.2 Suliniutit immikkoortiterneri

Sanaartukkanut anigaasaliissutit pisarneq malillugu suliniutit immikkoortiternerinik imaqartarput, taakkulu anigaasaliissutit siunertaannik sukumiinerusumik nassuiaaffiupput. Suliniutit immikkoortiteriffigineranni suliniutip normua, aqqa, inissisimaffia, ukiuni kingullerni atuinerit, ukiumi anigaasanut inatsiseqarfiusumi pineqartumi anigaasaliissutit annertussusaat kiisalu ukiuni anigaasanut inatsiseqarfiusuni tulliuuttuni anigaasaliissutit annertussusaat ilaatinneqarput<sup>3</sup>.

2026-mut *Anigaasanut inatsisissatut siunnersuut* imatut isikkoqarpoq:

Missingersuutit  
immikkoortiterneri

N 2024	AI 2025	AIS 2026	M 2027	M 2028	M 2029
----	1.000 kr. ----		----	mio. kr. ----	

Taamaaqataanik ilassutitut anigaasaliissutitut missingersuutitut ilanngussami tamanna takuneqarsinnaavoq, tassani tullinnguuttuni ingerlatsinermut anigaasaliissutit aallaavigineqarsimallutik, taamaalineranilu ilanngaaseereerluni anigaasartuutit akissarsianut anigaasartuutinullu allanut immikkoortiteriffigineqarsimallutik.

### **XX.XX.XX Konto pingarneq- / anigaasanut inatsimmi kontop aqqa (Ingerlatsinermut anigaasaliissutit)**

Missingersuutit immikkoortiterneri

		1.000 kr.
<u>Ilanngaaseereerluni anigaasartuutit</u>	<u>x.xxx</u>	
Akissarsianut anigaasartuut	x.xxx	
Anigaasartuutit allat	x.xxx	
<u>Isertitat</u>		<u>x.xxx</u>

Ingerlatsinermut anigaasaliissutitut tamanut missingersuutit immikkoortiterneri immikkoortunut pingasunut imatut agguarneqarput:

- Akissarsianut anigaasartuutit
- Anigaasartuutit allat
- Isertitat

Tapiissutit, isertitat sanaartornerillu inatsisitigut pisussaaffiusut aqqutigalugit anigaasaleriaatsinut allanut tunngatillugu ilanngaaseereerluni anigaasartuutinngortut kisimik missingersuutinik immikkoortiterinermi taaneqassapput. Siulianiittut nassuiarnissaannut immikkoortoq 3.4 takuuk.

<sup>3</sup> Missingersuutit immikkoortiterneri taakku, tamatumani sanaartornermut anigaasaliissutitut tunngatillugu, tapiissutitut anigaasaliissutinik qinnuteqarnut pissusissamisut ilaapput.

## 10.2. Sulisunut kisitsisinik naatsorsuineq

Aningaasanut inatsisissap suliarineqarnerani naalakkersuisoqarfiit aningaasanut inatsimmi sulisunut kisitsisit naatsorsussavaat. Ingerlatsinermut aningaasaliissutini tamani sulisunut kisitsisit naatsorsorneqassapput. Sulisunut kisitsisit assersuutitut ilitersuutaapput. Sulisunut kisitsisit missingersuutitut ilanngussani paasissutissanut nalunaarsuiffimmi taaneqassapput.

Taakkua sammisaqarnermut naleqassutsit marluusut sulisut kisitsisaannut tunngatillugu tassaapput:

169998 Pisortat

169999 Allat

Sulisut qassiunissaannut naatsorsuutigisat:

- Ukiumut naatsorsuuteqarfiusumut kingullermut (AIS2025-mi N2023) sulisunik atuineq piviusunngortinneqartoq *inuup ukiumut ataatsimi sulinerata* piviusunngortinneqartut amerlassusaasa naatsorsorneqarneranni, inuk ataaseq, ukiup affaa piffissami tamakkiisumik atorfeqartoq, naatsorsuinermi affartut ilanngunneqartarpoq. Ataatsimik marlunnilluunniit kisitsisitalimmik naatsorsuineq toqqarneqarsinnaavoq.
- Inuup ukiumut ataatsimut sulinera tamarmiusoq immikkoortuni 2080 tiimikkaarlugit feeriarneq 200 tiimit ilanngullugit naatsorsorneqartarput.
- Sulisunik atuineq piviusunngortinneqartoq sulisunik atuinerмик immersorneqassaaq, ukiumi tassani suliasaqarfiit agguataarnerinut pineqartumut akissarsianut aningaasartuutitut naapertuutissalluni.
- Sulisunik atuineq oqaatigineqartoq taamaallaat sulisunik atuinermut piviusumik ilimagineqartunut oqaatiginninneruvoq, aamma atorfiit amerlassusaattut *paasineqassanngilaq*. Aningaasanut inatsimmi kontomi aningaasaliissutit aallaavigalugit aquneqartarput, taamaattumik sulisunik atuineq ilimagineqartutut oqaatigineqartumut taarsiullugu sulisunik atorfinitsitsinermi tassunga aningaasaliissutit aalajangiisuusarput. Suleriaatsimi atorfiit oqaatigineqartut amerlassusaat aningaasaliissutigineqartut aallaavigalugit piviusunngortinneqarsinnaanngillat, taamaalillunilu aningaasaliissuteqarnerunissamut tunngavilersuutitut *atorneqarsinnaanatik*.

## 10.3. Missingersuutitut ilanngussani paasissutissat allat

Missingersuutitut ilanngussaq immikkoortoq 10-mi taaneqartut saniatigut paasissutissanik imaattunik imaqassaaq:

- Aningaasaliissutit suunerinut paasissutissat (soorlu ingerlatsinermut tunngasut) missingersuusiortarnermullu piumasaqaatit allat attuumassutillit.
- Illumut kontomut pingaarnermut/aningaasanut inatsimmi kontomut oqaasertaliussanik ilanngussisoqarsimanersooq pillugu paasissutissat.
- Aningaasaliissutini piumasaqaatini pingaarutilimmik imaluunniit ukiumut aningaasanut inatsiseqarfiusumut siusinnerusumut aningasaliissutit angissusaanik allanngortoqartillugu, allannguutitut taakkununnga pissutaasoq missingersuutitut ilanngussami allaatigineqassaaq. Aningaasaliissuteqarnissamut allannguneq kontomi pingaarnerni allani aningaasartuutitigut arlaatigut sunniuteqarsimassappat tamanna paasissutissiissutigineqassaaq.

- Missingersuutitut ilanngussa q pineqartumi ineriartornermut annerusumik erseqqissaammik aamma aningaasaliissummut tunngaviusunik paasissutissanik ima qassaaq.
- Missingersuutitut ilanngussat suliaasamat kisitsisinik pingaarnernik sapinngisamik ima qassapput, suliaasqarfanni namminermi immikkoortunut pilersaarutitut tunuani inissimasut qanoq ittuuneritut naapertuutissapput. Suliaasamat kisitsit sapinngisamik suliarineranut malittarisassat malillugit suliarineqassapput.
- Missingersuutitut ilanngussat aningaasaliinissamat siuarsaataasunik neriorsuutitut *imaqassanngillat*, soorlu kingusinnerusukkut aningaasaliissutitut amerlanerusunik qinnuteqarnissamat aallarniutaassallutik.
- Inatsititigut pisussaaffiusumut aningaasaliissutitut missingersuutitut ilanngussami oqaatigineqassapput, aningaasartuummut Inatsisartut inatsisaat naapertorneqartoq, kiisalu aningaasaliissummut naatsorsuineritut tunngaviusoq missingersuummullu tunngaviusoq. Tamatuma saniatigut tiguisussat kikkunerannut, tunniussamik akigitinneqartumut naatsorsuutigalugu sammisassanut erseqqissumik taasaqartoqassaaq, taakkunungalu ilaapput tiguisussat amerlassusaat.

Aningaasaqarnermut Naalakkersuisoqarfik missingersuutitut ilanngussanut malittarisassamik suliaqassaaq. Malittarisassamik taakkuninnga atuinissaq pinngitsoorani pissaaq. Atortussat malittarisassat akuerisaasut atorlugit suliarineqarsimanngitsut itigartinnissaannut Aningaasaqarnermut Naalakkersuisoqarfik nangaanani imminut piginnaatippoq.

#### 10.4. Aningaasanut Inatsimmi ilusiliineq naqinnerillu qanoq ittuuneri

Aningaasaqarnermut Naalakkersuisoqarfik aningasanut inatsisip ilusilersornissaa qulakkiissallugu akisussaasuvoq. Aningaasanut Inatsit allattarnermi atorneqartoq Times New Roman 12-imik angissusilik atorlugu allanneqartarpoq, oqaasertaliussalli minnerusumik allanneqarsinnaapput, amerlanertigut angissuseq 9 atorlugu. Missingersuutitut ilanngussani allanneqartuni titarnerit akuttussusissaat 1,2.-mut inissinneqassaaq. Tabelini il.il. titarnerit akuttussisissat 1,0-mut inissinneqassaaq.

Aningaasanut inatsisissatut siunnersuutini, aningaasanut inatsisini allanilu aningaasaliissutitut inatsisinik ilusilersuineritut inissiinernut il.il. allannguineritut Aningaasaqarnermut Naalakkersuisoqarfik kisimi akuersisinnaatitaavoq.

Immikkut ittumik maluginiaqquneqarpoq, aningaasanut inatsisini imaluunniit tassunga atasuni atortussani naqinnernut ilusilunneqartut Calibri sumiluunniit atorneqassanngimmat, tamatumunngalu pissutaavoq isigiarsuttunut atuarniarnera ajornakusoorsinnaammat.

## 11. Aningaasanut Inatsisissatut siunnersuut Aningaasanullu inatsit

### 11.1. Aningaasaqarnermut Nalunaarut aamma -Aningaasanut Inatsit

Naalakkersuisut Inatsisartut upernaakkut ataatsimiinneranni amerlanertigut Aningaasaqarnermut Nalunaarummik tunniussaqtartarput. Aningaasaqarnermut Nalunaarut immikkoortoq 18-mi erseqqinnerusumik nassuiarneqarpoq. Aningaasaqarnermut Nalunaarummi amerlanertigut aningaasaqarnermut pingaarnertigut pisumut nassuiaasoqartarpoq. Tamatuma saniatigut Naalakkersuisut Aningaasaqarnermut Nalunaarummi akuttunngitsumik suliniutissanut ukiaanerani

aningaasanut inatsisissatut siunnersuummut atassutilinnut politikikkut naatsorsuutigisanik saqqummiisarput.

## 11.2. Aningaasanut inatsisip suliarineranut piffissamut pilersaarut

Aningaasanut inatsimmut piffissamut pilersaarutip ataatsimut isiginnilluni pilersaarut ataani oqaatigineqartoq pingaarnertut malissavaa. Piffissaliunneqartut ukiumiit ukiumut allanngorarsinnaapput, aamma matumani ilanngullugu Inatsisartunut qinersinnermut atatillugu nikingasoqarnissaa immikkut ilimagineqassaaq. Aningaasaqarnermut Naalakkersuisoqarfik ukiut tamaasa aningaasanut inatsisissatut siunnersuutissamut piffissamut pilersaarummik tigussaasumik suliaqartarpoq. Piffissamut pilersaarut taanna inaarutaasumik Naalakkersuisut akuersissutigissavaat. Taamaammallu piffissamut pilersaarummit tullinnguuttumit nikinganernik pilersoqarsinnaavoq, taamaammallu tamanna ilitsersuinertut pingaarnertut isigineqassalluni.

Tassunga atatillugu immikkut isiginiarneqassaaq, Aningaasanut inatsisini aningaasanik Naalakkersuisut tulleriiaarinerat pingaarnersaanut ilaasoq, tulleriiaarinnermi isummernissamut tunngavissiat arlallit, juuni qaammataagajuppoq, suliarinerinut atatillugu pisarpoq. Tamanna tunngaviusumik isumaqarpoq, naalakkersuisoqarfiit pingaarnarpaatut malitassatut pingaarnertut aningasaanut inatsisissap suliarinerani kingusinnerusukkat annerusumik aningaasartuutitut kissaatigisaminnik ilanngussinissaq ilimagisinnaanngilaat, naalakkersuisoqarfiit namminneq aningaasaqarnerminnut killiliussat iluini aalajangersimasumik aningaasaliissutissanik peqangippat.

<b>Sammissasaqarneq</b>	<b>Piffissaliussat nalunaarutigineqartut</b>
Piffissamut pilersaarutip pingaarnertup suliarinissaa aamma aningaasaliissutissanut kissaatit pissarsiariniartarnerat	Marsimiit apriliimut
Aningaasaqarnermut Naalakkersuisup missingersuutitut inissisimanermik nalunaaruteqarnera	Apriliip qiteqqunera
Aningaasanut inatsisissatut siunnersuummut aamma akinut akissarsianullu iluarsisutit aningaasaliiffiginerinut tunngaviusumik missingersuutit akuersissutigineri	Apriliip naanera
Aningaasanut inatsisissatut siunnersuut pillugu missingersuutit pillugit isumasioqatigiinneq – pingaarnersiunerit, aaqqissuusseqqinnerit sanaartornerlu <sup>4</sup>	Maajip aallartinnera
Missingersuutitut ilanngussat suliarineri aamma peqqissaartumik missingersuusiorneq. Tamanna naalakkersuisoqarfittut oqartussaasunit suliarineqassaaq	Maajip aallartinneraniit juunip aallartinneranut
Missingersuutit pillugit isumaqasioqatigiinneq eqqarsaatigalugu tulleriissaarinnermut isummernissamut tunngavissiamik siullermik Naalakkersuisuni suliarinninneq naammassinissaanullu nangitsinermi naalakkersuisoqarfinnik oqaloqatiginninnerit kiisalu Qitiusumik Allaffeqarfimmiunik ilanngutsitsinerit.	Juunip aallartinnera
Isummernissamut tunngavissiamik aappassaa Naalakkersuisuni suliarinninneq, aningaasanut inatsisissatut siunnersuummut	Juunip naanera

<sup>4</sup> Missingersuutit isumaqatigiinneq ukiumit ukiumut allanngartarpoq, nalinginnaasumilli aningaasaqarnerup inissisimanerani nalunaarummik saqqummiussisoqartarpoq, Naalakkersuisut ukiut tullernut aningaasanik pingaarnersiunerit ataatsimut oqallisigisinnaassammagit. Naalakkersuisut tamatumunnga ilapittuinissamik qinnuigineqartarput.

oqaasertaliussat aamma nassuiaatit nalinginnaasut ilanngullugit Naalakkersuisunut saqqummiunneqassapput.	
Aningaasanut inatsisissatut siunnersuutip naqinneqarnissaanut piareersaaneq	Juulip aallartinnera
Aningaasanut inatsisissatut siunnersuutip tamanut saqqummiunneqarnera	August
Aningaasanut inatsisissatut siunnersuutip siullermeerneqarnera	Septemberip naanerani
Aningaasanut inatsit pillugu isumaqatigiinniarnit	Oktoberimiit novembarip qiteqqunneranut
Aningaasanut inatsisissatut siunnersuutip aappassaaneerneqarnera	Oktoberip naanerani
Aningaasanut inatsit pillugu isumaqatigiissutip atsiorneqarnera	Novemberip qiteqqunnera
Aningaasanut inatsisissap pingajussaaneerneqarnera aamma akuersissutigineqarnera	Novemberip qiteqqunnera

### 11.3. Tunngaviumik missingersuutit

Aningaasanut inatsisissatut siunnersuutip suliarineqarnissaa sioqqullugu, tunngaviumik missingersuut (imaluunniit amerlanerit) Naalakkersuisunut saqqummiunneqartut suliarineqartarput. Tunngaviumik missingersuutit ukiup kingulliup aningaasanut inatsisaanit ingerlaannartumik ingerlatseqqinnerupput. Tassa imaappoq ukiuni missingersuusiorfiusuni ukiup kingulliup aningaasanut inatsisaa, ukiut siulliit pingasut aningaasanut inatsisissatut siunnersuummiissaaq, ukioq missingersuusiorfiusooq ukiup siulia assigalugu ikkunneqassaaq.

Tassunga atatillugu nalinginnaasumik makku pisarput:

- Isertitassatut aningaasaliissutit missingernerannut nutarterineq.
- Aningaasaliissutit inatsisitigut pisussaaffigisat nutarterneri.
- Peqqissutsimut aningaasaliissutit inuiaqatigiit katitigaanerannut iluarsiiffiginerat.
- Ingerlatsinermut tapiissutitullu aningaasaliissutit akinut akissarsianullu iluarsiiffiginerat (pisariaqarpat kingusinnerusukkat allanngortinneqarsinnaapput, arlaannut tunniunneqarsinnaapput imaluunniit atorunnaarsinnaapput).
- Naalagaaffiup ataatsimoortumik tapiissutaasa akinut akissarsianullu iluarsiiffigineri.
- Avataani pissutsinik pissuteqartumik allanngornerit, soorlu qinersineq, kisianni tamakkua nalinginnaasumik killilimmik amerlassuseqartarput.

### 11.4. Pingaarnersiuneq pillugu isummernissamat tunngavissiaq

Naalakkersuisut tunngaviumik missingersuutit akuersissuteqarnerat tunuliaqutaralugu pingaarnersiuneq pillugu isummernissamat tunngavissiaq amerlanerusulluunniit suliarineqartarput.

Pingaarnersiuneq pillugu isummernissamat tunngavissiat immikkut anguniagaqarput, aningaasartuutit nutaat politikikkut pingaarnersiunerimi aningaasanut inatsisissatut siunnersuummi atortussat qulakkiissallugit. Tamanna pissaaq Missingersuutitigut inissisimaneq pillugu inatsisitigut aalajangersakkat allallu Naalakkersuisut aningaasaqarnikkut politikianut naapertuuttut peqqissaartumik isiginiarlugit. Aamma isummernissamat tunngavissiani sipaarniuteqarnerit

imaluunniit eqaallisaanerit naammassineqarnissaat pillugu aalajangiinerit ilaanissaat ilimagineqarpoq.

### 11.5. Aningaasanut inatsisissatut siunnersuutip aamma Aningaasanut inatsisip imarisaat

Immikkut isigissagaanni aningaasanut inatsisip inatsiseqartitsinerit allat assigalugit aalajangersakkanik tigussaasunik (§§ 1-2) tassungalu nassuiaatinik imaqartarput. Tabelit, missingersuutitut ilanngussat il.il. aqutigalugit nassuiaatigineqartut ilutsimikkut inatsisipit allanit nikinganeqarput.

Aningaasanut inatsisissatut siunnersuut aamma aningaasanut inatsipit ukuninnga imaqaassapput:

#### 11.5.1. Suliassaqaqfinni assigiinngitsuni angusanut takussutissiaq

IS-imi aamma IST-mi qaffasissusilinni anguniakkat aningaasaliissutillu qanoq ittuuneri malillugit missingersuutit inernerat tamarmiusumi agguataarinninneq Suliassaqaqfinni assigiinngitsut inerneritut takussutissiap oqaatigaa.

#### 11.5.2. Aningaasaliissutitut takussutissiaq; Ilanngussaq 1

Aningaasaliissutitut takussutissiaq taaneqarpoq "Ilanngussaq 1" oqaasertaliussanut ilaallutik "Ilanngussaq 2"-miippat aningaasanut inatsisissatut siunnersuummi inatsimmi oqaasertanut ilaapput. Tassunga atatillugu aningaasaliissutit aningaasanut inatsimmi kontot tamarmiusut atorlugit allatorneqassapput. Aningaasaliissutitut takussutissiap Naalakkersuisut suliassaqaqfiinut agguataarinninneq malippaa. Aningaasaliissutitut takussutissiami ukiumi aningaasanut inatsiseqarfiusumi aningaasaliissutit tunniunneqarsimasut takutinneqarput, taakkualu unioqqutinneqassanngillat.

#### 11.5.3. Oqaasertaliussat; Ilanngussaq 2

Oqaasertaliussat taaneqarput "Ilanngussaq 2" aningaasaliissutitut takussutissiaq ilaalluni "Ilanngussaq 1"-miippat aningaasanut inatsisissatut siunnersuummi inatsimmi oqaasertanut ilaapput. Tassani oqaasertaliussat nassuiaatillu aningaasanut inatsimmiittut tamarmiusut ilanngunneqassapput. Oqaasertaliussat ilusilernerisa siunertallu erseqqinnerusumik misissornissaannut malittarisassami matumani immikkoortoq 4 innersuunneqarpoq.

#### 11.5.4. Nassuiaatit nalinginnaasut (taamaallaat aningaasanut inatsisissatut siunnersuummi)

Aningaasanut inatsisissatut siunnersuummut nassuiaatit nalinginnaasut aningaasanut inatsimmut tunngaviusumik allaatiginnittut ilanngunneqartarput. Nassuiaatit taakkua aallaaviatigut paasissutissanut makkununnga ilaapput:

- Inuiaqatigiit aningaasaqarnerata ineriartorneranik allaatiginninnerit misissueqqissaarnerillu.
- Nunatta karsiata isertitaasa ineriartornerat, matumani ilanngullugu naatsorsuineq, taakkua qanoq inuiaqatigiit aningaasaqarnerisa ilimagineqartutut ineriartorneritut attuumassuteqarnerisut.
- Nunatta karsiata aningaasartuutaani ineriartornermi immikkoortut attuumassuteqartut avissaartortinneqarput.
- Nunatta karsiata akiitsuinut allanullu pisussaaffiitut akiliisinnaassuseq ineriartornerlu.
- Kommunit aningaasaqarnerannik allaatiginninneq.

- Namminersorlutik Oqartussat piginneqatigiissuteqarluni ingerlatseqatigiiffinnik akiitsut ineriartornerinik aamma aningaasat aaqqissuunneqarneranik allaatiginninneq.
- Aningaasartuuteqarfinnik pingaarnernik misissueqqissaarneq.
- Aningaasanut inatsisissatut siunnersuummi suliniutit nutaat allaatigineqarneri.

#### 11.5.5. Missingersuutit inissisimaffiannik naatsorsuineq.

Immikkoortumi uani Namminersorlutik Oqartussanut missingersuutit inissisimanagerat naatsorsorneqarpoq, taannalu aningaasanut inatsimmut qanoq innersoq ilanngullugu. Missingersuutit inissisimanagerat pillugu malittarisassat erseqqinnerusumik allaatigineqarnerat malittarisassami matumani immikkoortoq 6 innersuunneqarpoq.

#### 11.5.6. Sammisassanut suliassaqarfinnut naatsorsuineq

Taamaalinerani Naalackersuisut suliassaqarfiinut assigiinngitsunut aningaasaliissutigineqartunut tunngatillugu ukiumi aningaasanut inatsiseqarfiusumi aningaasalersueriaatsinut agguataaraluni naatsorsuisoqartarpoq.

#### 11.5.7. Suussutsinut kontot naatsorsorneri

Aningaasanut inatsimmut paasissutissanut nalunaarsuiffik inissinneqassaaq suussutinut kontonut agguataarlugu, kisitsisit piviusunngortinneqarsimasut ilanngutissavai kiisalu ukiumut aningaasanut inatsiseqarfiusumut kisitsisit kiisalu ukiunut missingersuusiorfiit. Naatsorsuinnermut tassunga assersuut immikkoortoq 3.4-mi suussutsinut sammiviit takutinneqarpoq.

#### 11.5.8. Kontonut pingaarnernut takussutissiaq (Aningaasanut inatsimmi kontomut takussutissiaq)

Konto pingaarnernut takussutissiani paasissutissiissutigineqarpoq aningaasaliissutinut tamanut immikkut attuumassutillit ukiuni kingullerni naatsorsuutit inerneru, aningaasanut inatsimmut aningasaliissutit kingulliit, ukiup aningaasanut inatsiseqarfiusup kingorna ukiut pingasut tulliuuttut aningaasaliissuteqarnerup ineriartornissaanut ilimagineqartut. Malugiuk, ukioq aningaasanut inatsiseqarfiusumut aningasaasaliissutit ukiullu missingersuusiorfiusut ukioq aningaasanut inatsiseqarfiusup akit aningaasarsiallu qaffasissusiannut naatsorsorneqartarmata, taamaalilluni kisitsisit akimuilluni ilanngutsitsinikkut sanilliunneqarsinnaalersinneqartarput.

#### 11.5.9. Sulisunut takussutissiaq

Aningaasaliissutinut akissarsianut aningaasartuutunik akiliutaasartunit, aningaasanut inatsimmi kontoni ataasiakkaani sulisunut atuineq ilisimatitsissutigineqartarpoq. Matumani ukioq kingulleq kisitsisit piviusunngortinneqartut kiisalu ukioq aningaasanut inatsiseqarfiusoq aamma ukiut missingersuusiorfiusut pineqarput. Tamatuma naatsorsuiffiginissaata takutinnissaanut malittarisassami pineqartumi immikkoortoq xx takuuk. Naatsorsuinerit taakkua aningaasanut inatsisissatut siunnersuummi sulisunut takussutissiami tamarmiusumi ersissitissaaq. Naatsorsuineri taakkunani naatsorsuinnermi peqqissaarussisoqassaaq, taamaalilluni sulisunut atuinissaq aningaasanut inatsisissatut siunnersuummi sulisunut atuinissaq ilimagineqartoq, naatsorsuutunik sulisunut atuinivimmik naatsorsuinnermut naleqqiunneqarsinnaassalluni.

#### 11.5.10. Sanaartornermut paasissutissanut tabeli

Sanaartornermut suliniutinut ingerlasunut tamanut piffinnut agguataarlugit kiisalu sanaartornissamut suliniutit nutaat aningaasanut inatsisissamut siunnersuummiittunut,

sanaartornermut aningaasaliissutini tamani sanaartornermut paasissutissanut tabeli ilanngunneqassaaq.

#### 11.5.11. Missingersuutininut ilanngussat

Konto pingaarnertut qaffasitsigisumik tunniuneqartunut aningaasaliissutit ataasiakkaanut tamanut immikkut missingersuutininut ilanngussaq suliarineqassaaq. Missingersuutininut ilanngussat nalinginnaasumik tamanit atuarneqarsinnaassapput paasineqarlutillu, aamma aningaasaliissutit atornissaanut siunertarineqartoq naammaginartumik paasineqarsinnaassaaq. Missingersuutininut ilanngussat ilusilersorneqarneri pillugit aningaasaliissutit ataasiakkaat suuneri pillugit malittarisassap matuma misissuataarnissaa innersuuneqarpoq.

## 12. Aningaasanut inatsisissatut siunnersuutip Inatsisartuni suliarineqarnera

Aningaasanut inatsit inatsit suugaluartoq assigalugu inatsisitut atugaavoq. Tamanna isumaqarpoq pingajussaaneerineqassasoq, Inatsisartunilu akuersissutigineqarluni. Inatsit akuersissutigineqarpat, inatsisitut allatuulli unioqqutinneqartussaannngilaq malinneqarlunilu.

### 12.1. Siullermeerinnineq pillugu

Aningaasanut inatsisissatut siunnersuut siullermeerinninnissamut Naalakkersuisunut saqqummiunneqassaaq. Tamanna Inatsisartut sinnerinut isumaqatigiinniutigineqassaaq. Tunngaviumik missingersuut kiisalu allannguutit Naalakkersuisunit aalajangiiffigineqartut nalinginnaasumik aningaasanut inatsisissatut siunnersuummi aallaavigineqartarput.

Aningaasaqarnermut Naalakkersuisoqarfiup ukua tulliuuttut akisussaaffigai:

- Aningaasaqarnermut inatsisip kontoatut qaffasitsigisut aningaasanut inatsisissatut sinnersuummi sinaakkutaasa aqunneqarneri.
- Aningaasanut inatsisissatut siunnersuummi paasissutissanut nalunaarsuiffinnik assigiinngitsunik naatsorsuineq.
- Aningaasanut inatsisissatut siunnersuummi tulleriarinerit pillugit Naalakkersuisut isummernissaannut tunngavissiaq.
- Oqaasertaliussat katersorneqarneri.
- Aningaasanut inatsisissatut siunnersuutip katersorneqarnera.
- Tunngaviumik missingersuutininut naatsorsuineq (Takuuk immikkoortoq 11.2).
- Nassuiaatit nalinginnaasut, naalakkersuisoqarfinit suliaassaqarfiusunit ilanngussat ilaatillugit suliarineqartut.
- Aningaasanut inatsimmut saqqummiussissut.

Naalakkersuisoqarfiit oqartussaaffillit makkununga akisussaasuupput:

- Nammineq missingersuutininut ilanngussatik nutartertarpaat.
- Nammineq oqaasertaliussatik nutartertarpaat.

- Aningaasaliissutini sammiviit missingersuusiorneri, aningaasanut inatsimmi sammivinniingitsut.
- Suliniutissanut sammivimmi sanaartugassat missingersuusiorneri (Ineqarnermut Naalackersuisoqarfik).

Atortussat kalaallisut aamma/imaluunniit danskisut tunniunneqarnissaat pillugu Aningaasaqarnermut Naalackersuisoqarfik piumasaqarsinnaavoq.

## 12.2. Aappassaaneerinnineq pillugu

Allannguutissatut siunnersuut taamaallaat ukununga tulliuttunut suliarineqassaaq:

1. Aningaasaliissutitut piumasaqaatini allanngornerit.
2. Aningaasanut inatsimmi sammivimmi aningaasaliissutit qaffasissusaanni allanngornerit tamarmik.
3. Aningaasanik inatsimmi kontonik nutaanik pilersitsineq.
4. Oqaasertaliussani allanngortitsinerit.

Aningaasanut inatsimmut allannguutissatut siunnersuutit suliarinerinut Aningaasaqarnermut Naalackersuisoqarfik pingaarnertut akisussaasuvoq. Iluseq Aningaasaqarnermut Naalackersuisoqarfip aningaasanut inatsimmik suliaqarnerup ingerlanerani nassiuttagaa tunngavigalugu allannguutissatut siunnersuutitut tamanut missingersuutitut ilanngussanik oqaasertaliussani allannguut ataaseq minillugu suliaqartoqartassaaq, taakkunungalugu iluseq immikkut ittoq atorneqassaaq. Suliaqartarfimmut naalackersuisoqarfimmut ilanngussanik Aningaasaqarnermut Naalackersuisoqarfik piniassaaq. Aningaasanut inatsimmut allannguutissatut siunnersuutit sammisakkaarlugit immikkoortiterneqassapput, sammisakkaarlugit akuersissutigineqarsinnaanngorlugit, taamaalilluni allannguutissatut siunnersuutit tamaasa immikkut taasissutigineqarsinnaanngorlugit.

Malugiuk allannguutissatut siunnersuut inatsisissatut siunnersuummut allannguutissatut oqaasertalerneqarsimamat. Imaappoq, allannguutissatut siunnersuutit taamatut oqaasertaliortoqassapput. Sulinerimi tamanna imatut kinguneqassaaq:

- Aningaasaliissutini allannguutit aallaqqaammut aningaasaliissummut allannguutitut ilaneqartut ilanngarneqartutulluunniit oqaasertaliorneqassapput.
- Missingersuutitut ilanngussani oqaasertat allannguutaat oqaasertaliorneqassapput, imatut oqaasertalerniarneqassaaq: peerpoq, ilanngunneqarpoq imaluunniit taarserneqarpoq.
- Oqaasertaliussani allannguutit taamatut oqaasertaliorneqassapput, imatut oqaasertalerniarneqassapput: peerpoq, ilanngunneqarpoq imaluunniit taarserneqarpoq.

Allannguutissatut siunnersuutit kissaatigineqartut Aningaasaqarnermut Naalackersuisoqarfimmut nalunaarutigineqarsinnaanngorlugit Naalackersuisoqarfimmut akisussaasuupput. Taakkua qulaani allaatigineqartut aamma malittarisassami Aningaasaqarnermut Naalackersuisoqarfip innersuussutaatut allannguutitut oqaasertaliorneqassapput.

Erseqqissarneqassaaq allannguutissatut siunnersuutit saqqummiunneqartut pingaarnertut periutsitut pissuseqassammata, tassalu makkua ilaassapput:

- Kukkunerit iluarsineqarnerat.
- Aningaasaliissutinik atugassanngortitsinerit.
- Inatsisip nutaap kingunerattut allannguinerit
- Allanguutit siumut oqaatigineqarsinnaanngitsut aningaasanut inatsisissatut siunnersuutip suliarinerani pisimasut.
- Akileraarutinut, akitsuutinut tunniussanullu inatsisitigut pisussaaffiusunut missingiinerit nutarteriffiginerat.

Allanguutissatut siunnersuutit aallaaviatigut politikikkut pingaarnersiukkanik nutaanik imaqqassanngillat, taakku politikikkut partiini pingajussaaneerinninnissami aningaasanut inatsit pillugu isumaqatigiissummut saqqummiussinissamut ilanngunneqaqaassagamik. Tamanna Naalakkersuisut politikikkut aningaasaqarnermut inatsisissamut siunnersuut pingaarnersiuiinermi inissinnerat ataqqiniarlugu pivoq, aamma politikikkut aningaasanut inatsit pillugu isumaqatiginniarnermi akornusersorneqaratik isumaqatiginninniarnissaat qulakkearniarlugu.

### 12.3. Pingajussaaneerinninneq pillugu

Tamanna aappassaaneerinninnertut pisarpoq. Taamaattorli pisarnertut Naalakkersuisunit allanguutissatut siunnersuut ataatsimoortillugu saqqummiunneqassaaq sammisami “aningaasanut inatsimmut isumaqatigiissut” aningaasanut inatsisissaq pillugu politikikkut isumaqatigiinniarnertit tunuliaqutaralugit

### 12.4. Aningaasanut inatsisip katersornera

Aningaasanut inatsisissatut siunnersuummik aappassaaneerinninneq pingajussaaneerinninnerlu naammassineqarpata, aningaasanut inatsit akuersissutigineqassaaq. Siullermeerinninnermi inatsisissatut siunnersuutit saqqummiunneqartoq malitsigisaanillu aappassaaneeraneranut allanguutit kiisalu pingajussaaneerneqarnerani allanguutissanut siunnersuut akuersissutigineqartoq inaarutaasumik aningaasanut inatsimmi ilaapput. Aningaasaqarnermut Naalakkersuisoqarfiup aningaasaqarnermut inatsit katiternissaanut akisussaasuvoq.

Inaarutaasumik aningaasaqarnermut inatsisip katiternerani Aningaasaqarnermut Naalakkersuisoqarfik killilimmik aningaasaqarnermut inatsimmi aqqissuunneqarnerani naleqqussaannermi ilanngussinissamut periarfissaqarpoq. Tassani assersuutigalugu suliffeqarfinni atinik nutarterinerit, inatsit il il. ilaapput, kiisalu allasimasuni kisitsisillu allattorsimaffiini minnerusumik erseqqaarinnerusumillu teknikikkut kukkunerni naqqiinerit. Taamaattorli qaqugumulluunniit aningaasaliissutini akuersissutigineqareersuni imaluunniit oqaasertaliussani allanguuteqartoqarsinnaanngilaq. Aningaasanut inatsisip naqinnissaa sioqqullugu aningaasaliissutissanut tamarmiusunut takussutissiaq, missingersuutinut ilanngussat inaarutaasut kiisalu oqaasertaliussat naalakkersuisoqarfinnut pitsaassutsikkut misissuiffiginissaat nassiuunneqassapput. Aningaasanut inatsisip nutaap oqaasertaliussat ilanngullugit tamanut saqqummiunnissaannut pisariaqartitsineq eqqarsaatigalugu tamatumunnga piffissaliussaq naatsoq kisimi ilaatinneqarsinnaavoq.

Aningaasaqarnermut inatsisip akuerineqareernerata kingorna allannguutit Aningaasaqarnermut Akileraartarnermullu Ataatsimiititaliamiit akuersinikkut kisimi piviusunngortinneqarsinnaapput. Malittarisassami matumani pineqartumi pineqartut pillugit immikkoortoq 9 immikkut takuuk.

### 13. Aningaasaliissutissanut inatsisit saniatigut inatsisissatut siunnersuutit allat

Naalakkersuisut inatsisinut pilersaarutaat Siulittaasup Naalakkersuisoqarfianiit ataqatigiissaarneqartarpoq. Inatsisinut pilersaarummi Naalakkersuisut inatsisissatut siunnersuutissamut pilersaarusiaat takuneqarsinnaavoq. Inatsisinut pilersaarut tamatuma saniatigut Naalakkersuisut aningaasaqarnikkut politikianut ataqatigiissaarinnermut pingaaruteqartuuvoq. Aalajangersimasumik tassa imaappoq, Naalakkersuisut aningaasaqarnikkut politikia akuersissutigineqartoq ataqqillugu aningaasaliissutillu akuersisat siunertaralugit inatsisissatut siunnersuummik saqqummiussisoqassaaq. Tamakkua aningaasalersuiffiginissaannut peqatigitillugu isummertoqarsimatinnagu inatsisissatut siunnersuutitik aningaasartuuteqarfiusussanik saqqummiisoqaqqusaanngilaq.

Inatsisissatut siunnersuusiordermi immikkut ittunik inatsisiliornermi periutsinut malittarisassatut isikkulinnik piunasaqaateqarpoq, taanna Naalakkersuisut Siulittaasuaata Naalakkersuisoqarfimmi Inatsisileriffimmiit nutarterneqartarpoq. Tassani ilaatigut takuneqarsinnaavoq, inatsisissatut siunnersuummi inatsisissatut siunnersuummi aningaasatigut kingunerisassaanut nassuiaateqartoqassasoq. Tamanna isumaqarpoq Naalakkersuisunut inatsisissatut siunnersuusiornikkut imaluunniit allanik aningaasatigut kinguneqarsinnaasunik siunnersuusiornikkut saqqummiussinermi aamma siunnersuutip aningaasalersornera nassuiarneqassasoq, Namminersorlutik Oqartussat ataatsimoortumik aningaasartuutaasa isertitaasalu imminnut naapertuunnerat qulakkeerniarlugu.

Taamaammat suliniutit nutaat aningaasaqarnermut inatsimmi aningaasartuutaanerusunik imallit aatsaat piviusunngortinneqarsinnaapput sinaakkutit pioreersut iluini aningaasaliissummik nassaartoqarpat, imaluunniit ajornanngippat Aningaasaqarnermut inatsisitigut aningaasaleeqqinnissamut iliuuseqartoqarsinnaappat.<sup>5</sup> Soorunami aningaasaliissummik nassaartoqanngikkaluortoq aningaasatigut kinguneqartumik aalajangiisoqarsinnaavoq, kisianni aningaasaliissummik nassaartoqartinnagu inatsisissatut siunnersuummik piviusunngortitsisoqarsinnaanngilaq. Taamaammat sakkortuumik siunnersuutigineqarpoq, Naalakkersuisoqarfiit aningaasartuutitik pisariaqartitsiffiusunik inatsisissatut siunnersuusiortunut, sapinngisaq tamaat Aningaasaqarnermut Naalakkersuisoqarfiit tamanna pillugu ilisimatinneqarnissaanut qulakkeerinnittarnissaminnik, inatsisissatullu siunnersuummut sapinngisamik siusinnerpaamik aningaasaliinissamut periarfissanut oqaloqatiginninniarnissaq anguniassagaat.

---

<sup>5</sup> Manna pingaartut malittarisassaq allanngortinneqarsinnaavoq, pisuni Inatsisartut aalajangiinissamut siunnersuutit aalajangersimasut akuerineratigut Naalakkersuisut aalajangersimasumik aningaasaliissutitik allanngiussat.

## 14. Siunnersuisooqatigiinnut, aalajangiisartunut peqatigiiffinnullu il. il. tapiissuteqartarneq

Naalackersuisup akisussaasup qulakkiissavaa siunnersuisooqatigiit, aalajangiisartut peqatigiiffiillu il.il. Inatsisartut aningaasaliissutissanut inatsisit aqputigalugit aningaasanik tapiiffigisartagaasa aningaasaliinissamut piumasarineqartut naapertorlugit tapiissutinik atuisarnissaat. Tamatumani nakkutilliinissamut pisussaataaffik malitassat inatsisitigut inatsisaangitsutigullu aalajangersagaasumik malinneqareerpoq.

Naalackersuisoqarfiup akisussaasup - inatsimmi nalunaarummiluunniit allatut tigussaasumik aalajangiisoqarsimangippat - kingusinnerpaamik ukiumi tulliuuttumi ullormi 1. juli nalunaarummik pissarsisoqarnissaa qulakkiissavaa. Nalunaarut allakkatigut nalunaarusiamik ukiullu siulianut naatsorsuutinik kiisalu maannakkut ukiumut ingerlasumut missingersuummik imaqassaaq. 300.000 kr.-it sinnerlugit aningaasaliissutit eqqarsaatigalugit nalunaarut aamma ingerlatanut kisitsisinik/kisitsisitigut paasissutissanik kiisalu anguniakkamik suliasanullu pilersaarummik imaqassaaq. Kukkunersuisartuni sulisussat amigaataanerat pissutaalluni piffissaliussap tamatuma eqqortissinnaanginnerani immikkoortortat namminneerlutik tamanna paasissutissiissutigissavaat. Tamanna assersuutigalugu ingerlaavartumik missingersuutinut malitseqartitsinermi kiisalu immikkoortortat naatsorsuutinut nassuiaataanni pisinnaavoq, tamakkulu Nunatta Karsiata naatsorsuutaasa suliarinissaat siunertaralugu DCR-ip pissarsiariniarsinnaavai.

Suliasaqarfiit ataasiakkaat iluini atugassarititaasut siuliani taaneqartut isumaqatigiissutini, kiffartuussinissamik isumaqatigiissutini allanilu takuneqarsinnaanissaasa qulakkeernissaannut naalackersuisoqarfiit ataasiakkaat pisussaaffeqarput.

Aningaasaqarnermut Naalackersuisoqarfik aningaasartuutinik nakkutilliineq naapertorlugu isumaqatigiissutininut, nalunaarutinut il il. assilineranik qinnuteqarsinnaavoq. Naalackersuisoqarfiup atortussanut taamaattunut pissarsinnaanerata allatut ingerlassanngilaq.

## 15. Aningaasaqarnermut inatsimmi aningaasaliissutit

Aningaasanut inatsimmi aningaasaliissutit arlaqarput taakku aningaasaliissutit illuarneqartarput. Imatut paasillugu kontoni taakkunani aningaasartuuteqartoqassanngilaq. Aningaasalli kontoniittut aningaasaqarnermut inatsimmi kontonut allanut atorsinnaangortinneqassapput sulinermi atugassanngortillugit. Taamatut atugassanngortitsineq aningaasanut inatsisip suliarinera aqputigalugu imaluunniit ilassutissatut aningaasaliissutitut pisarpoq. Aallaaviatigut aningaasaqarnermut inatsimmi makkuninnga aningaasaliissuteqartoqarpoq:

### 15.1. Konto pingarneq, 20.11.50 Ingerlatsinermut sillimmatit

Naatsorsuutigeriinnngisanik aningaasartuutissat aningaasalersorsinnaajumallugit sillimmatissanik immikkoortitsisoqarpoq. Ilassutit aningaasaliissutit allatut aningaasalersuinissamut periarfissanik ujarlereernikkut Aningaasaqarnermut Naalackersuisumi aningaasanut inatsimmi kontomit tassannga angusaqanngitsoornissaq inernilunneqarsinnaavoq.

### 15.2. Kontomut pingaarnermut, 20.11.51 Nutarterinerit sunniutaat

Aningaasanut inatsimmut kontop pingaarnerp ataan Naalakkersuisut aningaasaqarnikkut aaqqissuussamillu nutarterinerit aningaasaqarnikkut sunniutaat ataatsimoortinneqarput. Aaqqissuusseqqinnerit suliniutissallu pingaarnarit imaat tullinnguuttuni takutinneqarput. Piffissamut pilersaarut aaqqissuusseqqinnernilu imaritinneqartut kingusinnerusukkut misissuiffigineqarsinnaammata erseqqissarneqassaaq. Nutarterinerit suliniutigineqartullu aningaasatigut ilimagisatut kingunerisassai suliassanut kisitsisini takutinneqarput.

### 15.3. Konto pingaarneq 20.11.56 Missingersuutinut iluarsineq, allaffissorneq pillugu

Kontomi pingaarnermi matumani sipaaruteqarnikkut imaluunniit pisariillisaanikkut pingaartumik digitaliseeriinerup atorneqarnerulerneratigut, aammali allaffissornikkut immikkoortortaqaarfiit eqiterneqarnerisigut suliassaqaarfiit assigiinngitsut aqutigalugit suliniuteqarnikkut anguneqarsimasut missingersuutitigut pitsanngoriaatsinik missingersuusiorneqarput.

### 15.4. Kontomut pingaarnermut, 20.11.70 Suliniutinut nutaanut sillimmatit

Aningaasanut inatsimmi pingaarnermi aningaasanik suliniutinut nutaanut immikkoortitsisoqassaaq, Aningaasanut Inatsisissap suliarineranili aningaasaliissutit aningaasanut inatsimmi kontonut attuumassuteqartunut tunniunnissaanut periarfissaasimangilaq, aningaasaliissutit atorneqarnissaanut pisariaqartumik piareersarnissamut amigaatigineqarmat imaluunniit allat piumasaaqatit naammassinissaanut amigaateqartoqarmat. Suliniutinut tamanut missingersuutinut ilanngussani allaqqasuni naliginnaasumik ilanngunneqartarpoq Naalakkersuisoqarfik(-fiit) sorliit Naalakkersuisunut Aningaasaqarnermut Akileraartarnermullu Ataatsimiititaliamut qinnuteqartarneq pillugu isummerneq aqutigalugu suliniutip atulersinnissaanut akisussaasuunersoq (-sut). Tamanna Aningaasaqarnermut Naalakkersuisoqarfik suleqatigalugu pisortatigoortumik pissaaq, takuuk malittarisassami pineqartumi allami ilassutissatut aningaasaliissutit pillugit immikkoortoq.

Aningaasanut inatsimmi konto tamatuma saniatigut inatsisini suliniutissanngortussanut aningaasanik immikkoortitsisoqartarnissaanut immikkut atorneqartarpoq, taamaasilluni inatsisissatut siunnersuutit Naalakkersuisut saqqummiussa at aningaasalersuiffiginissaat qulakkeerneqassammata. Aningaasanut inatsimmi inatsisinut suliniutissat nutaat aningaasalersornissaat aallaaviatigut naatsorsuutigineqassanngilaq, taakkunanani sillimmatini pineqartuni aningaasanik immikkoortitsisoqareersimangilaq.

### 15.5. Konto pingaarneq 80.00.01 Nuussinissanut sillimmatit pillugu

Aningaasanut inatsimmi matumani sanaartornernut aserfallatsaaliuinernullu suliniutissat tigussaasut aningaasalersornissaannut aningaasanik immikkoortitsisoqarpoq. Aningaasaliissutini Namminersorlutik Oqartussat sanaartornermut ataatsimut aningaasaataasa ilarpassui ilaatinneqarput. Aningaasat aningaasaliissuteqartarnermut tunngaviit marlunnut avitat naapertorlugit suliniutissanut tigussaasunut atugassanngortinneqassapput, takuuk immikkoortoq 16.4.1.

## 16. Nunatta karsiani aningaasaateqarfiit

### 16.1. Piffissamut ungasinnerusumut aningaasaliinissanut aningaasaateqarfik

Piffissamut ungasinnerusumut aningaasaliinissanut aningaasaateqarfimmut inatsisitigut tunngavigineqartumi § 18 massakkorpiaq Kommunit aamma Namminersorlutik Oqartussat naatsorsuutaat missingersuutaallu pillugit Inatsisartut inatsisaanni atorneqarpoq.

Siunissaq ungasinnerusooq isigalugu aningaasaliissutissanut aningaasaateqarfiup ilaatigut siunertaraa immikkut ittumik isertinneqartut inuiaqatigiit aningaasarsiornikkut ineriartornerannut naleqquttumik atorneqarnissaannik qulakkeerinninnissaq, ilaatigullu aningaasaqarnermi qaffakkiartortoqarnissaanut ulorianaat millisinniarlugu. Taamatuttaaq isertitaagallartut tunngavigalugit ingerlatsinnermut aningaasartuutit ataavartumik qaffakkiartunnginnissaat aningaasaateqarfitsigut qulakkeerneqarpoq.

Aningaasaateqarfik missingersuusioriaatsimut naatsorsuusioriaatsimullu aningaasaateqarfiuvoq Nunattalu Karsianut ilaatinneqarluni. Aningaasaateqarfimmut akiliutit nuunneqartassapput immikkut ittumik isertitanik aningaasaateqarfimmut.

Immikkut ittumik isertitani isiginiarneqarput:

- 1) Ingerlatseqatigiiffiit nunanit allaneersut aatsitassarsiornermi misissuinerannut sanaartornerannullu atatillugu ingerlatseqatigiiffiup akileraarutaanit 30 mio. kr.-nik amerlanerusunit Nunatta Karsiata iluanaarutaanit pissarsiat Kalaallit Nunaani Aatsitassalerinnermut aningaasaateqarfiat pillugu Inatsisartut inatsisaat naapertorlugu aatsitassanit isertitat pineqanngippata, imaluunniit isertitat naalagaaffiup Namminersorlutik Oqartussat ataatsimoortumik tapiissutaanut ikilisitsisinnaasut pineqanngippata.
- 2) Aningaasarsianit akileraarutit pillugit Inatsisartut Inatsisaanni § 72 a aamma 72 b naapertorlugu akileraarutit A-t, (tassa ilanngaaseereerluni akileraarutit).
- 3) Namminersorlutik Oqartussat pigisaannik 50 mio. kr.-nit sinnerlugit nalilinnik tunisaqarnermit iluanaarutit.
- 4) Soraarnerussutisiassanik imaluunniit inuunermut sillimmasiisimanernik Danmarkimi, Savalimmiuni nunaniluunniit allani soraarnerussutisiassanut aningaasaateqarfinnut nuussinernit imaluunniit inuunermik soraarnerussutisiassanillu sillimmasiisarfimmit Kalaallit Nunaanni najugaqartumit akileraarutinit akitsuutinillu iluanaarutit.
- 5) Ingerlatsineq, sanaartorneq taarsigassarsititsinerlu pillugit Nunatta karsiata naatsorsuutaasigut sinneqartoorutit.

Aningaasaateqarfiup aningaasaatai Namminersorlutik Oqartussani siunertanut kommuninilu siunertanut atorneqassapput. Tassa aningaasaateqarfiup aningaasaatai toqqissisimanartumik, iluanaarutaanerpaaffiusumik pitsaanerpaamillu inuiaqatigiit aningaasaqarnerannut sunniuteqarnissaat anguniarlugu aningaasaliissutigineqassapput, imatut paasillugu sunniuteqaatit ukiuni qulikkaani imaluunniit ukiuni qulikkaani arlaqartuni isiginerani. Piffissaq ungasinnerusooq eqqarsaatigalugu toqqissisimanartumik qularnaveeqqusiisarnissaq, sapinngisamik annertunerpaamik iluanaaruteqarnissaq aamma pitsaanerpaamik inuiaqatigiit aningaasaqarnerannut sunniuteqartitsinissaq pillugit anguniagaqarneq naammassiniarlugu aningaasaliissutit inuiaqatigiit aningaasaqarnerannut missingersuusiornermullu iluanaarutaasussatut naatsorsuutigineqartunut

piumasaqaasiortoqassaaq. Tassunga atatillugu inuiaqatigiit aningaasaqarnerisa kingunerisaannik nalilersuinermit ilitersuutit atuuttut januar 2014-imeersut Aningaasaqarnermut Naalakkersuisoqarfimmit suliarineqarsimasut innersuusutigineqarput. Iltersuut nutarterneqarpoq Naalakkersuisoqarfiullu nittartagaaniilerumaarluni.

Piffissaq ungasinnerusooq eqqarsaatigalugu aningaasaliissuteqarnissamut Aningaasaateqarfimmut naatsorsuineq Nunatta Karsiata naatsorsuutaani nalunaarsorneqarlutik ilanngunneqassapput.

## 16.2. Aatsitassarsiornermi Aningaasaateqarfik

Aatsitassarsiornermi aningaasaateqarfimmi inatsimmi tunngaviusooq Kalaallit Nunaani Aatsitassarsiornermik aningaasaateqarfimmi Inatsisartut inatsisaani atuuppoq. Inatsit ulloq 1. juuli 2022 atuutilerpoq. Inatsit ulloq 1. januar 2019 atuutilerpoq. Inatsimmi immikkoortoq 7-imi aningaasaateqarfiup aqunneqarnera ingerlanneqarneralu pillugu aatsaat 31. december kingorna ukiumi tassani atuutilissapput, piumasaqaatit tulluuttut ataasiarlutik eqquutsinneqartussat tassaallutik aningaasaateqarfiup pisuussutaa 1 milliard kr.-nit amerlanerussasut, aningaasaateqarfiullu iluanaarutai 50 millionit k.-nit amerlanerussasut. Inatsimmi immikkoortoq 7-imi aalajangersakkat atuutilernissaasa tungaanut, aningaasaateqarfiup aqunneqarnera, ingerlanneqarnera allaffissornertaalu Naalakkersuisunit isumagineqassapput. Piumasaqaatit naammassineqarpata aningaasaateqarfik pillugu inatsimmi aalajangersakkat atuutilissapput.

Aningaasaateqarfiup siunertaani qulakkeerniarneqarpoq aatsitassarsiornermit isertitat Kalaallit Nunaata aningaasarsiornerata patajaatsumik imminullu nammassinnaasumik ineriartortinneqarnissaa siunertarineqarluni, ukiuni ataasiakkaani isertinneqartartunit isumalluuteqanngitsumik. Aningaasaateqarfiup pilersinneqarnerani aamma siunertaavoq Kalaallit Nunaata aatsitassarsiornermit isertitaasa Kalaallit Nunaata aningaasaqarnerani pingaarnerit siunissamullu eqqarsaatiginnittumik atorneqarnissaannik tunngaviliisuussasut, siunissami kinguaariinnut aamma iluaqutaasussamik.

Aatsitassanit isertitanit paasineqassapput:

- 1) Namminersorlutik Oqartussat misissueqqissaarnermi, misissuinermi Kalaallit Nunaanni aatsitassanik atuinermi, soorlu tamanna Namminersorlutik Oqartussani taamaattunik isertitaqarsinnaatitaanerit pillugu inatsimmi eqqartorneqartoq.
- 2) Aatsitassanit isertitanut aamma ilaapput Namminersorlutik Oqartussat aatsitassarsiornermik sammisaqarnermi peqataanerannit isertitat, ilaallutik isertitat Namminersorlutik Oqartussanut tutsinneqartut ingerlatseqatigiiffimmi peqataanermit ingerlatseqatigiiffimmut atorneqartut, kiisalu ingerlatseqatigiiffimmi piginneqataassutinik tunisinermi Namminersorlutik Oqartussat isertitaat.

Aatsitassanit isertitat Namminersorlutik Oqartussat isertitaanut pigisat tigussaasunik tigusinermi ilanngunneqanngillat, taassuma ataani uuliamik mingutsitsinissamut akiuiniarnermut atortunut, illut, sanaartukkat allat atortullu allat ilaalu ilanngullugit, pigisat annerunerusumik aatsitassatut ingerlatanut pilersinneqareerpata atorneqareerpatalu.

Inatsisartut inatsisaanni matumani malittarisassat naapertorlugit aningaasaateqarfimmik siunertarisat naapertorlugit aningaasaateqarfiup aqunnera, ingerlannera allaffissornertaalu

Naalackersuisunit isumagineqassapput. Kalaallit Nunaata Aatsitassarsiornermi Aningaasaateqarfia missingersuutitut naatsorsuutitullu teknikikkut aningaasaateqarfittut ingerlagallassaaq. Siunissaq ungasinnerusoq eqqarsaatigalugu aningaasaliissutinik Aningaasaateqarfik allaaneruffigalugu Kalaallit Nunaata Aatsitassarsiornermi Aningaasaateqarfia namminersortuusutut aningaasaateqarfiuvoq, taakkulu aningaasat aningaasaateqarfimmut tutsinneqartut nunatta karsianiit immikkoortinneqassapput. Aningaasaateqarfilli Nunatta Karsiata naatsorsorneqarnera peqatigalugu kukkunerisiorneqassaaq.

Namminersorlutik Oqartussat aallaaviatigut aatsitassanik isertitanit iluanaarutinilluunnit sipaakkanut aningaasartuutit akiliisinnaanngillat allatulluunniit atugassiisinaanngillat, takuuk inatsimmi § 7. Tassalu aningaasaateqarfimmi aningaasaatigineqartut Nunatta Karsiani aningaasanit allanit avissaartillugit suliarineqassapput.

### 16.3. Avatangiisinut aningaasaateqarfik

Avatangiisinut Aningaasaateqarfimmut inatsisitigut tunngavia tassaavoq: Avatangiisinut Aningaasaateqarfik pillugu Inatsisartut inatsisaat nr. 9, 27. november 2018-imeersoq. Avatangiisinut Aningaasaateqarfik naatsorsuuserinermik tunngaveqarluni aningaasaateqarfiuvoq Naalackersuisunit isumagineqartoq.

Avatangiisinut Aningaasaateqarfimmi sammeneqartussat suliniutissalluunniit avatangiisinik ataatsimut pitsanngorsaanerit imaluunniit akiliuteqarallarnermut piunassuseqalernissamullu aqqissuussinerit aqutigalugit pisinnaassapput, taamaalinerani atuisoq avatangiisinut akitsuummik (ilaannakortumik) utertitsiffigineqarsinnaassalluni matumani atuisoq avatangiisinut paarsilluarsimappat, assersuutigalugu eqqagassanut tigooraavinnut atortunik atorsinnaajunnaartunik tunniussinikkut.

Avatangiisinut Aningaasaateqarfimmi aningaasat pigineqartut suliniutinut avatangiisinik pitsanngorsaaffiusunut aamma aningaasaateqarfiup anguniagaani sammisassanut tapersersuinissamut atorineqassapput. Taanna ukiumoortumik aningaasanut inatsimmi atuarneqarsinnaassaaq.

### 16.4. Sanaartugassanut Iluarsagassanullu Aningaasaateqarfik

Sanaartugassanut Iluarsagassanullu Aningaasaateqarfimmut inatsisitigut tunngavia tassaavoq: Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaanni §§14- 17

Sanaartugassanut Iluarsagassanullu Aningaasaateqarfik missingersuusioriaatsimut naatsorsuusioriaatsimullu aningaasaateqarfiuvoq Nunatta Karsianut ilaatinneqartoq.

Aningaasanut inatsit aqutigalugu sanaartugassanut aningaasaliissutit Sanaartugassanut Iluarsagassanullu Aningaasaateqarfimmi isertitatut naatsorsorneqassapput. Tamanna aamma sanaartornermut aningaasaliissutinut atuuppoq, ilassutitut aningaasaliissutinut qinnuteqaatitulli Inatsisartut Aningaasaqarnermut Akileraartarnermullu Ataatsimiititaliamit akuerineqarput.

Sanaartornermi suliniutit aningaasartuutaat Sanaartugassanut Iluarsagassanullu aningaasaateqarfimmi aningaasartuutit nalunaarsorneqassapput, taamaalilluni aningaasaqarnermut ukiut akornanni akiliutigineqartut nikingassutaat Sanaartugassanut Iluarsagassanullu aningaasaateqarfimmi oqimaaqatigiissinneqartassapput. Suliniutinut ataasiakkaanut tamarmiusumik aningaasaliissutinut atuinerusimanagerup atuinikinnerusimanagerlu, suliniut naammassippat aningaasarsiat isertitatut Nunatta Karsianut utertinneqassapput.

Sanaartugassanut Iluarsagassanullu Aningaasaateqarfik pingaarnertut tunngavigisat periutsillu tulliuuttut malillugit inerisarneqarput:

- Sanaartornermi tunngavigisat (suliniutit nutaat aallartereersullu aningaasalersornissaannut) pissutsit makku nalilersuiffiginerisigut aalajangersartariaqarput: Inuiaqatigiit aningaasaqarnikkut inissisimanagerat, aningaasartuutinut politikikkut sinaakkutit, taassuma ataani missingersuutinut inissisimanageri aamma nunatsinni sanaartornerup suliassaqaqarnerullu piginnaasat.
- Sanaartornissamut suliniutinut aningaasaliissutit tamarmik akuerineqarnikut Sanaartugassanut Iluarsagassanullu Aningaasaateqarfimmut nuunneqassapput, tamarmik suliniutip tamarmiusumik aningaasartuutaanut naapertuutissapput, aningaasanut inatsimmi allassimasut malillugit. Taamaammat aningaasaliissutit tamarmiusut inaarutaasumik suliniutip nalunaarsorneranut suliniut naammasseriarpit ilanngunneqarsinnaapput. Suliniummut aningaasaliissutit pisortatigoortumik aningaasaliinerunngillat, pissutigalugu Namminersorlutik Oqartussat missingersuusioriaasaat ukiumoortumik aningaasaliissutinut tunngaveqarmat, kisianni suliniummut aningaasaliissut politikikkut akuersissuteqaqarnermut aamma suliniummut ingerlasumut aningaasaqarnermut sinaakkutissatut naatsorsuutaasunut tunngaviummat.
- Sanaartornermut suliassaqaqarfimmi piffissatigut akiliinissamut nikinganerit (kinguaattoorfusut imaluunniit siumut nuussinerit) aningaasaliissuteqaqarnikkut kinguneqarnaviannngillat.

#### 16.4.1. Aningaasaliissuteqaqarnissamut tunngavik marlunnut avitaq

Aningaasanut Inatsimmi 2015-imili tunngaviusumik aningaasaliissutit marlunnut aggulunneqartunik Namminersorlutik Oqartussat sanaartornermut Illuliornermullu suliassaataanut aningaasaliissuteqaqartoqassagaangat ingerlaavartumik atulersitsisoqarpoq. Taanna missingersuusiorneq naatsorsuuserinerlu pillugit inatsimmi 2016-imeersumi nassuiaatini nassuiarneqarpoq.

Tunngaviusumik aningaasaliissutit marlunnut aggulunneqartut imarivaa aallaqqaasiullugu neqeroornermut pilersaarusiornermullu ukiumoortumik aningaasanut inatsiseqarnikkut imaluunniit ilassutit aningaasaliissuteqaqarnermut qinnuteqaqarnermik Inatsisartut Aningaasanut Akileraarnermullu Ataatsimiisitaliaata akuersineratigut aningaasaliinissaq. Naammaginarium suliariumannittussarsiuussinermi angusaq naammaginaritoq pigineqalereerpat suliniummi ataatsimut aningaasartuutit naapertorlugit Inatsisartut Aningaasaqarnermut Akileraarnermullu Ataatsimiisitaliaani aninissamut aningaasaliissutinik atugassanngortitsinissaq qinnutigineqassaaq.

Tunngaviusumik aningaasaliissutit marlunnut aggulunneqartut aningaasanik katersuinnarnissaq annikillissavaa, tassami sanaartukkanut aallartitanut aningaasaliissutit aatsaat suliarnittussarsiuussineq ingerlanneqareerpat atortussanngortinneqassapput aamma aatsaat missingersuusiamut killiliussa q ilisimaneqalerpat. Taamaalilluni annerunerusumik

missingersuutitigut patajaannerulersitsinermik pilersitsivoq, imatut paasillugu aningaasaliissutitut killiliussaq immikkoortinneqarnikoq suliniutip ingerlanerani malinneqarnissaa qulakkeerneqassaaq.

Tassunga neqeroortut suliniutit missingiutaat siumoortumik ilisimanginnissaat tunngaviup qulakkeerpaa, tassuuna unammilleqatigiinnermut kissaatigineqartoq anguneqarniassammat. Maanna sulisinnaasunut pissutsit aamma soorunami unammillersinnaanermut sunniuteqartarmata oqaatigineqassaaq.

#### 16.4.2. Sanaartugassanut Iluarsagassanullu Aningaasaateqarfimmut aningaasaliissutinik nuussisarneq

Aningaasanut inatsimmi aningaasanut ukiuani aallaqqaataani suliniutitut ingerlasunut immikkoortitsisoqarnikuuvoq, siusinnerusukkut aningaasanut inatsisini imaluunniit ilassutitut aningaasaliissutini aallartitatut aalajangiunneqarnikuupput. Suliniutitut ingerlasunut aningaasaliissutit Sanaartornermut Iluarsagassanullu aningaasaateqarfimmut nuunneqarnikuupput, katillugit suliniutitut aningaasartuutissatut ilimagineqartut ukiunut ataasiakkaanut agguataarneqarneri eqqarsaatigalugit. Pisortatigoortumik suliniummut aningaasaliinermik nuussineq ukiumi inatsiseqarfiusumi januaarip aallaqqaataani pissaaq. Taamaammat suliniutissat nutaat qanoq isillugit Sanaartugassanut Iluarsagassanullu Aningaasaateqarfimmut nuunneqartarnersut pillugit tullinguuttut ukkatarineqarput.

Suliniutitut nutaanut aningaasaliissutit Sanaartornermut Iluarsagassanullu aningaasaateqarfimmut nuunneqassapput aningaasartuutit tamarmiusut (pilersaarusiornissamut aningaasaliissutit katillugit), piffissaq sanaartorfiussangatinneqartoq pilersaarusiornierup ingerlanissaanut pilersaarusiornermullu killiffimmut avillugit, sanaartortitsineq, naammassinerup killiffia, ukiuni ataasiakkaani kuuffinnut aningaasartuutaassangatinneqartut (tak. aningaasanut inatsimmi aningaasaliissutit tunngavissaat ukiunilu missingersuusiorfiusuni aningaasartuutit) suliniut Nalaakkersuisoqarfimmi sorlermiinnersoq, kikkut qanoq iliuuseqartussaataitanersoq il. il. paasissutissaliullugit. Suliniummut paasissutissat tamarmik qitiusut ingerlaavartumik nalunaarutigineqartassapput, taamaalilluni suliniutitut tamanut killiffik paasissutissaasarniassammat.

Uku paasissutissat ukiumut sanaartornermut nassuiaammik tunuliaqutsiippat, taakkulu Inatsisartunut saqqummiunneqassallutik Nunatta Karsiata Naatsorsuutaa ilanngullugu pisarnermisullu upernaakkut ataatsimiinnermi pissalluni. Taassuma kingorna sanaartugassanik suliaqartartumut/nut sanaartugassatut pilersaarummik suliaqartumut/nut akiliisoqassaaq taassumalu kingorna sanaartugassanut iluarsagassanullu aningaasaateqarfimmut aningaasartuuteqalissalluni.

Sanaartortitsinermut assersuutigalugu 100 mio. kr.-nik tamakkiisumik aningaasartuuteqarluni aammalu 40, 30, 30 mio. kr.-nirik ingerlatsinermut ilisarnaateqarluni ukiuni pingasuni ingerlaartunut tunngatillugu ukiumi aningaasanut inatsiseqarfiusumi aningaasaliissutit 40 mio. kr.-usut ukiumi siullermi sanaartugassanut iluarsagassanullu aningaasaateqarfimmut nuunneqassapput. Ukioq qaangiuppat aningaasanut inatsimmi aningaasaliissutigineqartut (takuuk ukiut missingersuusiorfiusut) sanaartugassanut iluarsagassanullu aningaasaateqarfimmut il.il. 30 mio. kr.-nik nuussinissamik pilersitsisinnaapput. Taamaasilluni aningaasartuutit tamarmiusut aningaasaateqarfimmut ataatsikkut nuunneqarnerat pineqanngilaq, paarlattuanillu ukiumi aningaasanut inatsiseqarfiusumi aningaasaliissutit kisimik pineqarlutik. Taamaakkaluartoq

anigaasartuutit tamarmiusut sanaartugassanut iluarsagassanullu aningaasaateqarfimmi paasissutissani takuneqarsinnaavoq.

Sanaartugassanut Iluarsagassanullu Aningaasaateqarfiup sunniutaa tassaavoq suliniutinut ataasiakkaanut aningaasanut inatsimmi aningasaliissutitigut kisitsisit aamma Nunatta Karsiata Naatsorsuutaata kisitsisaasa imminnut naapertuuttuaannarnissaat. Akiliutigineqartut nikingassutaat aningaasaliissutinut tunngavissaniit nikinganerit taamaalilluni Nunatta Karsiata Naatsorsuutaanut sunniuteqarnaviangilaq, kisianni ingerlaavartumik sanaartugassanut iluarsagassanullu aningaasaateqarfimmut kontomi amerliartorumaarlutik.

## 17. Aningaasaateqarfinnit avataaneersuniit aningaasalersuineq

Suliniutissat avataanit aningaasalersorlugit suliarinissaanni aallaaviatigut inatsimmi tunngavileereernikkut imaluunniit tunngavissami assingusumi allami tunngavileereernikkut pisariaqartitsisarpoq.

Immikkoortoq annertunerusumik tunissummik neqeroorfigineqarpat, inatsisitigullu tunngavissamik peqanngippat, taanna aningaasanut inatsimmi kontomi 20.10.22-mi isertitatut nalunaarsorneqarsinnaavoq. tassalu Aningaasaqarnermut Naalakkersuisoqarfik isumasioereerlugu. Aningaasaateqarfikkut tunniussinerni (tunissutitut) suniluunniit aningaasaateqarfimmiit tunniussineq (aamma tunissutinut tunngatillugu) Namminersorlutik Oqartussat suliniummut tapeeqataanissaannik piumasaqaateqarnerisooq kiisalu suliniutip malitsigisaanik ukiumut ingerlatsinermi aningaasartuutit suunersut siumoortumik paasineqareersimassapput.

Aningaasanut inatsimmi immikkoortumut aalajangersimasumut ingerlatsinermut aningaasaliissutinik immikkoortitsisoqarsimappat, ingerlatsinermi aningaasaliissutini missingersuutitigut tunngavigineqartut avataaniittunik ingerlatsinermut aningaasaliissutit taakku suliniutinut avataaneersumiit aningaasalersorneqartunut akuliunneqassanngillat.

Tamanna Namminersorlutik Oqartussanut ingerlatsinermut annertuunik aningaasartuuteqarfiusussatut naatsorsuutigineqarpat aningaasaateqarfinnut pisortatigoortumik qinnuteqarnerit Naalakkersuisunit akuerineqartussaapput. Tassani siunertarineqarpoq Namminersorlutik Oqartussat missingersuutaannik pingaarnertigut ataqatigiissarinermik qulakkeerinissaq, immikkoortuni pilersaarutinut tunuliaqutaasunut naleqqiullugu ataqatigiinnernik qulakkeerinissaq aamma aningaasaateqarfinnut Kalaallit Nunaanni Namminersorlutik Oqartussat qinnuteqaatigisinnaasaanni ataqatigiinnernik qulakkeerinissaq.

### 17.1. Suliniutit avataanit aningaasalersorneqartut ingerlannerat

Suliniutip avataaneersumik tamakkiisumik ilaannakuusumilluunniit aningaasalersorneqartup aallartinneqarnissaa sioqqullugu suliniut pilersaaruserneqarlunilu qinnuteqaatigineqassaaq. Suliniutit ingerlatassap aallartinnissaa sioqqullugu suliniutip aningaasalersorneqarnissaa aalajangersarneqarsimassaaq. Avataaniit aningaasalersorneqartussap ilaa eqqarsaatigalugu avataaniit tunniussisumiit akiliuteqarnermut tunngasumik aalajangersimasumik saneqqunneqarsinnaanngitsumillu neriorsuinerimik tunniussisoqarsimassaaq.

Neriorsuutigisat pillugit piffissanut akiliiffiusussanut immikkoortup siumoortumik pisussat pingaartut, piffissaliussat, angusassallu ilai il.il. isumaqatigiissutaasimasut apeqqutaassapput.

Akiliutit sapinngisamik piaarnerpaamik piffissaagallartillugulu tiguneqareersimassapput taamaalilluni neriorsuutigisat piffissami akilernissaat qaangiuttoorsinnaanatik. Missingersuutitut tamarmiusunut ilaassapput suliniummi toqqaannartumik toqqaannanngitsumillu aningaasartuutit.

Suliniut ukiuni arlalinni ingerlanneqarpat suliniut suliniutitut aggorneqarsinnaavoq. Taamaaliortoqarpat suliniutit ilai ataasiakkaat aatsaat aallartinneqarsinnaasassapput suliniutit ilaanut aningaasalersuinissamut aalajangersimasumik saneqqunneqarsinnaanngitsumillu neriorsuinermit tunniussisoqarsimappat.

Suliniutit ingerlannerani suliniutit ilaanut ataasiakkaanut naatsorsuusiortoqassaaq, taamaalilluni suliniutit ilaanut ataasiakkaanut aningaasartuutit, isertitat, pigisat nalillit akiitsullu nassuiarneqarsinnaasallutik, Namminersorlutik Oqartussat aningaasatigut aqqissuussaanni Prismemi nalunaarsorneqarlutik. Isumaqatigiissutit avataaneersunit tunniussisuniit isumaqatigiissutigineqarsimasut eqqortinneqarneri immikkoortumit nakkutigineqassapput. Peqatigisaanillu suliniut tamarmiusoq aningaasaqarnikkut tunngavissatut isumaqatigiissutaasut iluaniitsinneqassalluni, suliniutillu suliniut pillugu tunngavigisanik tassanilu aningaasaqarneranik malinnaasoqarneranik ingerlaavartumik misissuisoqartassalluni, peqatigisaanillu suliniut avataaneersoq Namminersorlutik Oqartussat inatsisaannik eqqortitsissalluni.

## 18. Aningasaqarnikkut politikikkut ingerlatsineq pillugu nassuiaat (AIN)

Aningasaqarnikkut politikikkut ingerlatsineq pillugu nassuiaat (AIN) tassaavoq namminersorlutik oqartussani pisortatigut aningaasaqarnikkut aqqissuussinermit qitiusumiit aqutsinermit paasissutissiisarnermilu uppersaasat. AIN-imi siunertaq tassaavoq ukiunut aggersunut aningaasaqarnikkut pingaarnersiunermit politikikkullu anguniakkanik sinaakkusiisunik aningaasaqarnikkut politikikkullu pissutsinik ataatsimoortumik paasinartumillu saqqummiussineq, takuuk aamma tamanna pillugu missingersuusiornermut naatsorsuutinullu inatsimmi § 32, imm. 1.

Aningasaqarnikkut aalajangiinerit politikikkullu anguniakkat aningaasaqarnikkut piujuartitsinerisa inuiaqatigiinnilu pisariaqartitsinerit naapertuunnerinik qulakkeerinissamut AIN Inatsisartunut Naalakkersuisunullu pilersaarusiornikkut sakkutut atornerqarpoq.

Aningasaqarnikkut politikip pilersaarusiornikkullu anguniakkat ingerlateqqinnissaannut aalajangersaanissamut Naalakkersuisunut Inatsisartunullu AIN pingaaruteqartumik sakkutut atornerqarpoq. Tamatuma saniatigut pilersaarusiornermi sinaakkutitut aamma pilersaarusiornikkut anguniakkat piviusunngortinnissaannut pisortani sullissivinnit aamma namminersorlutik oqartussani immikkoortunit nassuiaat atornerqarpoq.

Kiisalu nalunaarut tamanit alaatsinaanneqartarpoq nassuiaallu taamaalillunilu aningaasaqarnerup politikikkullu sammiviup paasineqarnissaanut periarfissiilluni ammasumillu pissuseqarnissamut iluaqutaalluni.

### 18.1. AIN-imi siunertaq

AIN makkuninnga pingaarnertut siunertaqarpoq:

- Pilersaarusiornermi tamakkiisumik paasisaqarnek: Aningaasaqarnikkut inissisimaneq pillugu tamakkiisumik ilisimatitsisumik saqqummiussinermik pilersitsineq, tassunga ilanngullugit inuiaqatigiinni aningaasaqarnerup tamatumunngalu aqqissugaanikkut tunngavigisat ineriartornerat, missingersuutit pisortallu tamakkiisumik akiitsui.
- Pingaarnersiuneq: Naalackersuisut aalajangersarsimasaannik Inatsisartullu isummerfigisassaannik politikikkut pingaarnersiuinernik erseqqissaanissaq.
- Paasiuminartuutitsineq: Inuiaqatigiit ineriartornerannik aqutsisuni aningaasaqarnikkut pissutsini politikikkullu toqqakkani innuttaasut paasisaqarnissaasa qulakkeerneqarnissaa.
- Missingersuusiornermut sinaakkusiussat: Ukiuumoortumik aningaasanut inatsisissatut siunnersuutitut tunngavisassat pilersinneqarneri taakkulu pingaarnertigut aningaasaqarnikkut politikikkullu anguniakkanut naapertuunnerisa qulakkeerneqarneri.

### 18.2. AIN-ip imarisaa

AIN immikkoortunut pingaaruteqartunut arlalinnut agguarneqarnerusarpoq, ataatsimoorlutik aningaasaqarnikkut politikikkullu pissutsiniik immikkuualuttunngorlugit assigiinngisitaartumillu allaaserinnittut:

- Aningaasaqarnikkut killiffik missingiinerillu:
  - Aningaasaqarnikkut maannakkut inissisimanerup allaaserineqarnera, tassunga ilanngullugit siuariartorneq, sulisoqarnek, aningaasat naleerukkiartorneri niuernerlu.
  - Ukiuni aggersuni aningaasaqarnikkut ineriartorneq pillugu missiliuinerit.
- Aningaasaqarnikkut killiffik:
  - Pisortat aningaasaqarnerannik takussutissiaq, tassunga ilanngullugit isertitat, aningaasartuutit, killiffik akiitsullu ineriartorneri.
  - Aningaasaqarnikkut politikip atasinnaanerani naliliineq.
- Politikikkut pingaarnersiunerit anguniakkallu:
  - Siunissami qaninnerusumi ungasinnerusumilu Naalackersuisut politikikkut anguniagaannik misissuineq.
  - Pilersaarusiornikkut suliniuteqarfiusut pingaarnertit allaaserineqarneri, soorlu silap pissusaa, ilinniartitaaneq, peqqinnissaq, utoqqarnut soraarninngorsimasunullu tunngasut kiisalu attaveqaasersuutitigut pissutsit.
- Aarlerinartoqartitsisinnaasut:
  - Aningaasaqarnikkut politikikkullu pissutsit sunniuteqarsinnaasut aarlerinartuusinnaasut suunerisa paasineqarneri, soorlu nioqqutissat akii, nunarsuarmi aningaasaqarnikkut allannornerit imaluunniit innuttaasut katitigaanerisigut ilungersunartut.
- Missingersuummut ataqatigiittoqarnera:
  - AIN-imi politikikkut anguniakkat aningaasanullu inatsimmi missingersuutitigut pingaarnersiunerit aalajangersimasut akornanni ataqatigiittoqarnera.

### 18.3. Suliarinera ingerlanneralu

AIN immikkoortut attuumassuteqartut suleqatigeqqissaarlugit Aningaasaqarnermut Naalackersuisoqarfimmit ukiukkaartumik suliarineqartarpoq. Sulinissaq nalunaarutip Inatsisartut

upernaakkut ileqquusumik ataatsimiinnerisa ingerlaneranni Inatsisartuni isumaqatiginninniutiginissaa amerlanertigut aqqissuunneqartarpoq, tamannalu amerlanertigut isumaqarpoq nalunaarut kingusinnerpaamik apriilip naalernerani naqitanngorlugu pigineqalersimassasoq. Suliarinninnermi suleriaaseq nalinginnaasoq manna malinneqartarpoq:

- Naalackersuisoqarfinniit sullissivinniillu attuumassuteqartuniit aningaasaqarneq politikilu pillugit paasissutissanik katersineq.
- Aningaasaqarnikkut politikikkullu takussaalersunik misissueqqissaarneq nalilersuinerlu.
- Naalackersuisut pingaarnertigut periusissiaannut naapertuuttumik nalunaarutip suliarinera.
- Politikikkut suliarisassanngorlugu Inatsisartunut kiisalu tamanut ammasumik saqqummiunneqarnera.

## 19. Namminersorlutik Oqartussani aktiaatigut pigisat

### 19.1. Aningaasaliissutitigut tunngavigisat

Maannakkut oqartussaaffiit agguarsimameri naapertorlugit Namminersorlutik Oqartussanit pigineqartut aktiaateqarluni ingerlatseqatigiiffinnik tamakkiisumik ilaannakuusumillu piginnittutut Naalackersuisut soqutigisaannik Naalackersuisut Siulittaasuata Naalackersuisoqarfia isumaginnittuvoq.

Aalajangiinerit ingerlatseqatigiiffiit aqutsisuini (siulersuisuni pisortaaneqarfinnilu) aalajangiiffigineqartut aningaasaliissutitigut tunngaveqarnissamik piumasaqaateqanngillat, tassa ingerlatseqatigiiffiup aningaasartuutai isertitaalu aningaasanut inatsimmut ilaangimmata. Aalajangiinerilli ilai, aktiaateqarluni ingerlatseqatigiiffimmik piginnittutut Naalackersuisunit aalajangiiffigineqartut taamaattoq aningaasaliissutitigut tunngaveqarnissamik pisariaqartitsillutik. Tassaapput aalajangiinerit nunatta karsianut isertitaqarnermik imaluunniit aningaasartuuteqarnermik kinguneqartussat, aalajangiinerit siunissami nunatta karsianut pisassaqaartitsinermik imaluunniit pisussaaffeqalernermik kinguneqartussat imaluunniit aalajangiinerit Namminersorlutik Oqartussat ingerlatseqatigiiffinni peqataaffigisaani aallaqqaammut siunertaasunut naapertuutinngitsut.

### 19.2. Aktiaatinik pisinerit tunisinerillu

Namminersorlutik Oqartussat aktiaataannik tunisineq nunatta karsiani isertitanik aningaasartuutinilluunniit kinguneqartarpoq. Taamatut aalajangiineq taamaattumik isertitatut aningaasaliinertut siumoortumik aningaasaliinikkut tunngavissamik tunngaveqartussaavoq. Taamaaqataanik aktiaatinik pisineq siumoortumik aningaasartuutininik aningaasaliinissamik tunngaveqartussaavoq.

### 19.3. Iluanaarutit, aningaasaatit appartinneri aningaasaliinerillu

Aningaasaatit appartinneri aamma aningaasaliinerit pillugit aalajangiinerit aktiaateqarluni ingerlatseqatigiiffiit pillugit inatsit malillugu ataatsimeersuarnermi inissisimapput. Tamanna Inatsisartuniit imaluunniit Aningaasaqarnermut Akileraartarnermullu Ataatsimiititaliamiit siumoortumik tunngavissamik pisariaqartitsivoq, tapiissutitut aningaasaliinertut aamma isertitatut aningaasaliinertut, aningaasaatit qaffanneqarnissaat aningaasaatillu appartinneqarnissaat pillugu

Naalackersuisut taasissappata. Aningaasaliinerit pillugit inatsisini missiliuineq tunngavigalugu iluanaarutiniit isertitassatut naatsorsuutigineqartut ilanngunneqartarput.

#### 19.4. Nalilinnik aningaasaliineq

Nalilinnik aningaasaliineq, tassa imaappoq aningaasaanngitsunik allanik aktiaateqarluni ingerlatseqatigiiffimmi aningaasaliineq, assersuutigalugu ingerlatseqatigiiffinni allani piginneqataassutit oqaasertaliussanik imaluunniit Inatsisartut inatsisaannik siumoortumik tunngaveqarnissamik pisariaqartitsivoq. Aktiaateqarluni ingerlatseqatigiiffimmiit Namminersorlutik Oqartussani aningaasaanngitsunik allanik agguaassineq oqaasertaliinikkut siumoortumik tunngaveqarnissamik aamma pisariaqartitsivoq.

#### 19.5. Piginneqataasut isumaqatigiissutaat

Aktiaateqartut isumaqatigiissutaannik isumaqatigiissuteqarneq imaluunniit allannguneq siumoortumik tunngaveqarnissamik pisariaqartitsivoq, isumaqatigiissut Namminersorlutik Oqartussanut aningaasaqarnikkut pisussaaffiliippat imaluunniit Namminersorlutik Oqartussanut iliuuseqarnissamut annertuumik killiliippat, assersuutigalugu piginneqataasumik salliulluni pisititsisinnaanikkut.

#### 19.6. Aktiaateqarluni ingerlatseqatigiiffiup siunertaanik allannguneq

Ingerlatseqatigiiffiup malittarisassaani aalajangersarneqartumik siunertamik allannguinissaq pillugu aalajangiineq aktiaateqarluni ingerlatseqatigiiffiit pillugit inatsit malillugu ataatsimeersuarnermut inissinneqarsimavoq. Tamanna pillugu amerlanerussuteqarluarnissaq pillugu immikkut piumasagaatit atuussinnaapput. Tamanna namminersorlutik oqartussat tamakkiisumik ilaannakuusumilluunniit pigisaanni aktiaateqarluni ingerlatseqatigiiffinni siunertap annertuumik allanngortinnissaa pillugu Naalackersuisut taasissappata Inatsisartunit imaluunniit Aningaasaqarnermut Akileraartarnermullu Ataatsimiititaliamiit siumoortumik tunngaveqarnermik pisariaqartitsissaaq.

Tamatumunnga pissutaavoq siunertap allanngortinnerata siusinnerusukkut aningaasaliisimanernik Inatsisartut akuersinerannut tunngaviusimasunik allannguisussaanera. Siusinnerusukkut aningaasalersuinerit Inatsisartunit akuersissutigineqartarnerat

Namminersorlutik oqartussat pigisaanni aktiaateqarluni ingerlatseqatigiiffinni siunertaq pisuni aalajangersimasuni inatsisini aalajangersarneqarsimavoq. Taakkunani pisuni soorunami tunngavigineqassaaq inatsisit allanngortinneqarnissaat, ataatsimeersuarnermi allannguutininik Naalackersuisut taasinnissaat sioqqullugu. Pisuni taakkunani aningaasaliinerit pillugit inatsisini immikkut tunngaveqarnissaaq pillugu qinnuteqartoqassanngilaq.

#### 19.7. Aningaasaqarnikkut inatsisilerinikkullu naliliinerit

Aktiaateqarluni ingerlatseqatigiiffinni aningaasaliissuteqarnermi imaluunniit piginneqataassutininik nutaanik pisinermi, suliap annertuumik pingaaruteqarneranik Aningaasaqarnermut Naalackersuisoqarfik missiliuippat, siusinnerusukkut naalackersuisut aalajangiisimanerat naapertorlugu, Naalackersuisoqarfik akisussaasoq immikkut ilisimasalinniit attaviitsuniit aningaasaqarnikut inatsisilerinikkullu naliliititsissapput. Taanna Aningaasaqarnermut Akileraartarnermullu Ataatsimiititaliamut imaluunniit Inatsisartunut saqqummiunneqarpat nalunaarutit taakku suliamut ilanngunneqassapput.

## 20. Pigisat tigussaasut

### 20.1. Pigisanik nalunaarsuineq

Pigisat tigussaasut assersuutigalugu tassaasinnaapput illuutit aalaakkaasut, pigisat nuunneqarsinnaasut imaluunniit ingerlatsinermit pigisat. Attaveqaasersuutitut, Ineqarnermut, Isorliunerusunut Upalungaarsimanermullu Naalackersuisoqarfik Namminersorlutik Oqartussat pigisaannik tigussaasunik taakkunungalugu atuisinnaatitaanermik kiisalu illuutit aalaakkaasunik piginnittuunermik nalunaarsuunermik isumaginnissaaq. Illuutitut aalaakkaasunut immikkoortortaq akisussaasoq sammisassanut atuinissamut pisinnaatitaaffimmik pigisaqalissaaq.

### 20.2. Illuutit pisineq

Illuutit pisineq sanaartornermit aningaasaliissutit taamaalillunilu suliniutip sanaartornissaanik tunngaveqarpoq. Immikkoortuq akisussaasoq pisinermit aningaasaliissutit pissarsinissamut akisussaallunilu qulakkeerisussaavoq. Aningaasaliissutit ilaassapput pisinermit akeq, niuernikkut naliliineq, qanoq ittuuneranik nalunaarsuineq kiisalu tassunga atasut nuussinermit aningaasartuutit, assersuutigalugu naqitsinermit akitsuut, misissuunermi nalilersuunermilu aningaasartuutit, niuernerup uppersarneqarneranut allakkallu naammassineqarnerit aningaasartuutit. Kiisalu aningaasaliissutit ilaassallutik illup allanngortinneranut aqqissuunnulluunniit kiisalu taakkununga siunnersortit ikiyeqarnermit aningaasartuutit.

Pisinermit atatillugu siunissami ingerlatsinermit aserfallatsaaliunermullu aningaasartuutissat immikkoortumut aningaasaliissutaasimasut iluini akilersorneqarsinnaanerit immikkoortumit akisussaasumit uppersarneqassaaq, tassungalugu aamma ilaallutik nutarterinermit allilerisinnaanermullu aningaasartuutit.

Pisinerup aningaasaliissutit pillugit inatsimmut ilanngunneqarneranut atatillugu suliamik suliarinnineq Attaveqaasersuutitut, Ineqarnermut, Isorliunerusunut Upalungaarsimanermullu Naalackersuisoqarfik isumaginnissaaq.

### 20.3. Atuisinnaatitaanerup atorunnaarnera

Pigisamut atuisinnaatitaanerup atorunnaarnera tunisinikkut, pisortani oqartussanut allanut tunniussinermit, isaternerani imaluunniit atuisinnaatitaanerup Namminersorlutik Oqartussani immikkoortumut allamut nuunneratigut pisinnaavoq.

Pigisaq pillugu ingerlatsinermit akisussaaneq, pigisap tunineqarnissaata tungaanut imaluunniit atuisinnaatitaaneq Namminersorlutik Oqartussani immikkoortumut allamut nuunneqarluni piffissap tungaanut immikkoortumi akisussaasumiippoq.

Pigisap atorunnaarnissaanik immikkoortuq kissaateqarpat atuisinnaatitaanerup atorunnaarnissaa pillugu qinnuteqaat, atuinerup allanngortinnera aamma pisortani oqartussanut allanut tunniussineq pillugu qinnuteqaat, imaluunniit isatarnissaanut akuersissummik qinnuteqaat Attaveqaasersuutitut, Ineqarnermut, Isorliunerusunut Upalungaarsimanermullu Naalackersuisoqarfimmut nassiunneqassaaq.

Qinnuteqaammiissaaq siunissamut ingerlatsinermit aserfallatsaaliinissamullu aningaasartuutit pillugit kingunissat pillugit nassuiaat.

Illuummut aalaakkaasumut atuisinnaanermut pisinnaatitaaffik illuutigineqartoq ukiumi ataatsimi sivisunerusumiluunniit atorineqarunnaarsimappat unissaaq. Attaveqaasersuutitut, Ineqarnermut, Isorliunerusunut Upalungaarsimanermullu Naalackersuisoqarfik atuisinnaanermut pisinnaatitaaffiup uninnera kiisalu pigisat tuniniaanikkut, pisortani oqartussamut allamut tunniussinikkut, isaterinikkut imaluunniit atuisinnaanermut pisinnaatitaaffiup Namminersorlutik Oqartussani immikkoortortamut allamut nuunneqarnera pillugu aalajangiissaaq.

Atuisinnaatitaanerup atorunnaarnerani tunniunneqarneranilu tusarniaanernik Attaveqaasersuutitut, Ineqarnermut, Isorliunerusunut Upalungaarsimanermullu Naalackersuisoqarfik isumagisaqassaaq suliarlu oqartussanut aalajangiisussanut saqummiullugu.

#### 20.4. Pigisat nalillit 100.000 kr.-nit qaangerlugit nalillit tunisarnissaat

Pigisanik tigussaasunik tunisineq tunisinikkut, pisortani oqartussanut allanut tunniussinikkut imaluunniit isaterinikkut pisinnaavoq.

Pisortani oqartussanut allanut tunniussinikkut illumik tunisineq isaterinerlu siumoortumik aningaasaliissuteqarnermik tunngaveqassaaq.

Pigisanik tigussaasunik tunisinermi sapinngisamik annertunerpaamik iluanaaruteqarnissaaq anguniarneqassaaq. Tamanna pisinnaavoq pisortat tamanut ammasumik akitsorterinerisigut imaluunniit allatut tuniniaasoqarneratigut, tassanilu uppernarsarneqarsinnaassaaq akigitinneqartoq niuerfinni akigitinneqartunut naapertuuttoq, assersuutigalugu arlaannaanulluunniit attuumassuteqanngitsumit nalilersuinerup pigineratigut.

Pigisanik tuniniaaneq (illuutit aalaakkaasut, pigisat nuunneqarsinnaasut aamma ingerlatsinermi pigisat) sioqqutsilluni aningaasaliissutinik tunngaveqassaaq. Naalackersuisut Aningaasanut Inatsimmi oqaasertaliussani qummut killissarititat sukumiinerusumik taaneqartut atorlugit pigisat nalillit tuninissaannut piginnaatinneqarput. 2025-mi qummut killissarititaq oqaasertaliussanit 5 mio. kr.-nut inissinneqarsimavoq.<sup>6</sup> Oqaasertaliussatiguttaaq qanoq ilineratigut Inatsisartut Aningaasaqarnermut Akileraartarnermullu Ataatsimiititaliaat pigisat nalillit tunineqarnerannut ilisimatinneqassanersut taaneqarpoq. 2025-mi pigisat nalillit 1 aamma 5 mio. kr.-t akornanni akeqartillugit tunineqarnissaannut tunngatillugu tamanna pissasoq 2025-mi taaneqarpoq.

100.000 kr.-t sinnerlugit nalilimmik pigisamik immikkoortoq tuniserusuppat tunisinissaaq pillugu qinnuteqaat Attaveqaasersuutitut, Ineqarnermut, Isorliunerusunut Upalungaarsimanermullu Naalackersuisoqarfimmut nassiunneqassaaq. Pigisat nalillit tunineqarnerannit isertinneqartut aningaasanut inatsimmi kontomi, 20.10.22 Isertitat allat, isertitatut nalunaarsorneqassapput.

Tunisinermut imaluunniit isaterinermut atatillugu aningaasartuutitut aningaasaliissuteqarnissaaq qulakkeerniarlugu immikkoortoq akisussaasoq nammineerluni akisussaavoq. Tunisinermut aningaasartuutitut ilaasinnaapput niuerneramik naliliineq, kiisalu tassunga atatillugu nuussinermut aningaasartuutit, assersuutigalugu naqitsinermi akitsuut, misissuinermi nalilersuinermilu aningaasartuutit, niuernerup uppernarsarneqarneranut allakkallu naammassineqarnerinut aningaasartuutit. Tunisinermut atatillugu aningaasartuutit tamatuma saniatigut pigisap nalillip

<sup>6</sup> 2025-mut Aningaasanut Inatsimmi suliaasaqarfik 10-89-imi oqaasertaliussaaq nr. 4 takuuk.

tunisinermi akia atorlugu sapinngisamik matussuserniarneqassaaq. Illuutini isaterinermut aningaasartuutit qanoq ittuuneranik nalunaarsuinermit, pilersaarusiornermit suliariumannittussarsiuussinermullu, sanaartortitsinermi aningaasartuutitut il.il. ilaatinneqarsinnaapput.

Attaveqaasersuutitut, Ineqarnermit, Isorliunerusunut Upalungaarsimanermullu Naalackersuisoqarfik aningaasaliissutitut inatsimmi piginnaatitsissut tigussaasoq tunngavigalugu pigisat nalillit 100.000 kr.-nit qaangerlugit nalillit tunineqarnissaannut atatillugu sulianik suliarinnittarnermik isumagisaqarpoq.

## 20.5. Pigisat nalillit 100.000 kr.-nit ataallugit nalileqartut tunisarnerat

Ingerlatsinermi kontoni 100.000 kr.-t ataallugit nalilinnik ingerlatsinermi pigisanik aamma pigisanik nuunneqarsinnaasunik annikinnerusunik tunisinissamut Naalackersuisut immikkut aningaasaliissuteqanngikkaluarlutik nalinginnaasumik piginnaatitsissummik aalajangersaassapput.

Taamaattoq ingerlatsinermi pigisat pigisallu nuunneqarsinnaasut mikinerusut 100.000 kr.-t ataallugit nalillit pigisanik 100.000 kr.-t qaangerlugit nalilinnik paarlaasseqatigiilluni niuernermi ilaalissagaluarpata (soorlu allaffimmi maskiinut, kopimaskiinut, allaffimmi pequtit biililluunniit) pigisat 100.000 kr.-t qaangerlugit nalillit tunineqarnissaat pillugu immikkoortoq 20.4-mi malittarisassat atuutsinneqassapput.

Ingerlatsinermi pigisat mikinerusut tunineqarneranni isertinneqartut aningaasanut inatsimmi kontomi, 20.10.22 Isertitat allat, isertitatut nalunaarsorneqassapput.

Tunisinermit imaluunniit isaterinermut atatillugu aningaasartuutitut aningaasaliissuteqarnissamut immikkoortoq akisussaasoq akisussaallunilu qulakkeerisussaavoq. Tunisinermit aningaasartuutitut ilaasinnaapput niuernermit naliliineq, kiisalu tassunga atatillugu nuussinermut aningaasartuutit, assersuutigalugu naqitsinermi akitsuut, misissuinermi nalilersuinermilu aningaasartuutit, niuernerup uppersarneqarneranut allakkallu naammassineqarneritut aningaasartuutit. Tunisinermit atatillugu aningaasartuutit pigisat tunineqarnerata akianik sapinngisamik matussuserneqassapput. Isaterinermut aningaasartuutit qanoq ittuuneranik nalunaarsuinermit, pilersaarusiornermit suliariumannittussarsiuussinermullu, sanaartortitsinermi aningaasartuutitut il.il. ilaatinneqarsinnaapput.

Aningaasaliissutitut inatsimmi ilanngussisoqareerneratigut pigisat tunisinermi 50.000 kr.-t ataallugit nalillit tunineqarnerannut atatillugu immikkoortortat ataasiakkaat namminneerlutik sulianik suliarinnittarnermik isuginnissapput, tassami Ineqarnermit Attaveqaasersuutinullu Naalackersuisoqarfik tamanna pillugu sukumiinerusunut ilitsersuisinnaavoq.

Pigisanik mikinerusunik killeqartorujussuarmik nalilinnik tunisarneq immikkut aningaasaliissuteqarnani pisinnaavoq, tamanna nalinginnaasumik suliffimmik ingerlatsinermit ilaasutut pisimappat. Assersuutigalugu immikkoortoq allaffimmi nerrivimmik atornikumik tuniserusussappat tamanna ingerlaannaq pisinnaassaaq, tassami tunisisoqarnerani sapinngisamik annertunerpaamik iluanaaruteqarnissaq qulakkeerniarneqartussaavoq. Immikkoortortaq taamaasilluni pequtinik atornikumik (imaluunniit nutaanik) assigisaanilluunniit naalackersuisoqarfiup sulisuinut, ilaqtannut imaluunniit qanigisanut tunniussiinnarsinnaanngilaq.

Tunisinerup ingerlatsinerit eqqarsaatigalugit suliatigut eqqarsaatigisassat tunngavigalugit pisimanissaa pillugu tunisinermut pisariaqartumik takunnissinnaasoqarnissaa uppersaasoqarnissaaalu immikkoortortap nammineerluni qulakkiissallugu pisussaaffigaa.

## 20.6. Sillimmasiinerit

Tamanna pillugu politikikkut akuerineqarsimasoq periusissiaq naapertorlugu sillimmasiisarnermut tunngasuni Namminersorlutik Oqartussani qitiusumi suliassaanik ataqatigiissaarinermik Ineqarnermut Attaveqaasersuutinullu Naalakkersuisoqarfik isumaginnittuuvoq. Ajoqusernerit nalunaarutiginerini suleriaatsimik Naalakkersuisoqarfik aalajangersaassaaq.

Namminersorlutik Oqartussani naalakkersuisoqarfiit, aqutsisoqarfiit, sullissiviit aamma suliffeqarfiit namminersortitat tamarmik Namminersorlutik Oqartussat nalinginnaasumik sillimmasiisarnikkut aqqissuussinernut ilaatinneqarput.

Sillimmasiinerit atillugu nammineq taarsigassanut aningaasartuutit naalakkersuisoqarfimmit akisussaasumit akilerneqassaput.

## 21. Namminersorlutik Oqartussat aningaasaqarnikkut ingerlatsinerat

### 21.1. Aningaasaqarnikkut pigisanut akiitsunullu akisussaaneq

Namminersorlutik Oqartussani aningaasaqarnikkut pigisanik akiitsunillu ingerlatsineq, tassunga ilanngullugit Namminersorlutik Oqartussat taarsigassarsinerat, Aningaasaqarnermut Naalakkersuisoqarfimmit isumagineqarput. Namminersorlutik Oqartussat sinnerlugit taarsigassarsinissaq, qularnaveeqqusiinissaq il.il. pillugit isumaqatigiinniarnissanut Aningaasaqarnermut Naalakkersuisoqarfik kisimi piginnaatitaavoq. Siumoortumik siunnersortinneqarnani aamma isumaqatigiinniarnermik ingerlanerani Aningaasaqarnermut Naalakkersuisoqarfiup piviusumik peqataatinnagu immikkoortoq kinaluunniit taarsigassarsinissaanngilaq imaluunniit taarsigassarsinissaq pillugu isumaqatigiinninissaanngilaq. Taarsigassarsinissaq, qularnaveeqqusiinissaq allatigulluunniit namminersorlutik oqartussanut aningaasaqarnikkut pisussaaffiliinissaq tulluartutut immikkoortup allap tamanna isigissagaluarpagu taarsigassarsinissasinnaasunik, siunnersortaasinnaasunik allanilluunniit attaveqarsinnaaneq pitinnagu Aningaasaqarnermut Naalakkersuisoqarfik siumoortumik ilanngutitneqassaaq.

### 21.2. Taarsigassarsineq attartornerlu

Taarsigassarsinierluni isumaqatigiissummik isumaqatigiissuteqarnissaq pillugu sulianik imaluunniit attartornissaq, akiligassarsinissaq imaluunniit taarsigassarsinissaq pillugu isumaqatigiissummik isumaqatigiissuteqarnissamut akuersissut pillugu sulianik Naalakkersuisut sinnerlugit Aningaasaqarnermut Naalakkersuisoqarfimmiit allaanerisut namminersorlutik oqartussani immikkoortut allat kikkulluunniit suliarsinnaanngillat.

Naalakkersuisut, missingersuusiorneq naatsorsuusiernerlu pillugit inatsit naapertorlugu, inissialiornissamut, inuussutissarsiutitigut attaveqaatitigulluunniit pilersaarutinut aningaasaliissuteqarnissamut taamaallaat taarsigassarsinissaapput imaluunniit

taarsigassarsinissamut akuersissuteqarsinnaapput, taarsigassarsiat erniaat akilersorneqarnerallu atuisut akiliutaannit, pisortat aningaasartuutaasa ikilisinneqarnerannit imaluunniit pisortat isertitaqarnerunerannit minnerpaamik aningaasalersorneqassappata. Ilanngullugulu aningaasaliinerit taaneqartut piffissamut ungasinnerusumut aningaasaqarnikkut attassisinnaasut tapersersuissasut piunasaqaataavoq.

Atuisut akiliutaat, pisortat aningaasartuutaasa apparneri imaluunniit pisortat annertunerusunik isertitaqarneri taarsigassarsianik aningaasalersuisinnaanerannik aalajangersimasumik qanoq uppersaasoqarnissaanut piunasaqaateqanngilaq. Taamaattorli taarsigassarsineq pillugu aalajangiineq imaluunniit taarsigassarsinissamut akuersissummi minnerpaamik piunasaqarnerarluni immikkoortoq taarsigassarsinissamik kissaateqartoq, taarsigassarsiat qanoq aningaasalersorneqarnissaanik takutitsisumik missingersuutunik Aningaasaqarnermut Naalackersuisoqarfimmit saqqummiussissasoq. Missingersuutunik missingersuut saqqummiunneqartoq missingersuusiormi naatsorsuuserinermilu tunngavigisanik qaqugukkulluunniit atuuttunik akuerisanik tunngaveqassaaq kiisalu inuiaqatigiinni aningaasaqarnikkut kingunissaanik nalilersuineri suliarineqarsimasut malittarisassiat atuuttut isiginiarneqassallutik.

Taarsigassarsilluni aningaasalersuinissap siunissami ungasinnerusumi aningaasaqarnikkut politikikkut atasinnaaneranut ikorfartuineranut qanoq uppersaasoqassanissaanut immikkut piunasaqaateqanngilaq. Aningaasaliinerit aalajangersimasut kinguniinik annertussusiliinerup ajornakusoorsinnaanera tassani isiginiarneqarpoq, assersuutigalugu ilinniarfeqarfinni aningaasaliinerit siunissami ungasinnerusumi sunniuteqarneri. Aningaasaliineq siunissami ungasinnerusumi aningaasaqarnikkut politikikkut atasinnaaneranut ikorfartuineranik naliliinerit sulluunniit taamaattoq minnerpaamik pitsaassuseqassapput aamma akuerineqarsimasumik qaffasissulimmik aningaasaqarnikkut suliarineqarsimassallutik. Siunissami ungasinnerusumi aningaasaqarnikkut politikikkut atasinnaasumik aningaasaliinerup sunniutaa tassunga atatillugu 'naammaginartumik ilimanaateqartut' takutinneqarsinnaassaaq.

Aningaasaliinerit annertunerusut eqqarsaatigalugit tamanna pillugu Aningaasaqarnermut Naalackersuisoqarfiup malittarisassiaa malillugu inuiaqatigiinni aningaasaqarnikkut kingunissaanik misissuisoqassaaq. Tamanna pisuni allani aamma atuuppoq, tamatuminnga aningaasalersuineq taarsigassarsinikkut imaluunniit attartorluni isumaqatigiissuteqarnikkut tunngaveqarnani. Taamaattumik kaammattuutigineqarpoq taamatut misissuinerit aallartinnginnerini Aningaasaqarnermut Naalackersuisoqarfik tamatigut attavigineqartassasoq tamatumalu pitsaassusaanik qulakkeerinissaq siunertaralugu naammassineqarnissaa sioqqullugu ilanngutinneqartassalluni.

### 21.3. Namminersorlutik Oqartussat akiliisinnaassuseqarnerat

Pisariaqartumik akiliisinnaassuseq ilaatigut qulakkeerniarlugu, ilaatigut tassunga atasut aarlerinartuusinnaasut pisariaqanngitsut pinngitsoortinniarlugit kiisalu ilaatigut tulluurtumik iluanaaruteqarnissaq qulakkeerniarlugu Namminersorlutik Oqartussat aningaasaataannik qitiusumiit aqutsineq inissiinerlu Aningaasaqarnermut Naalackersuisoqarfimmi DcR-imi ingerlanneqarpoq. Qitiusuunngitsumi akiliisinnaassuseq sapinngisamik annertunerpaamik killeqartinneqassaaq, aamma immikkoortut allaanngitsut Aningaasaqarnermut Naalackersuisoqarfimmi DcR-imi kisimi

obligationinik pisisinnaavoq, isumaqatigiissuteqarnikkut aningaasaliisinnaavoq il.il. Takuuk missingersuusiordermut malittarisassami immikkoortoq 4.

## 22. Namminersorlutik Oqartussat illuutai inissiaataalu

### 22.1. Attartornermut isumaqatigiissutit akuersissutiginerat

Illunut aalaakkaasunut tunngatillugu attartornermik isumaqatigiissuteqarnermi, tassunga ilanngullugit najugaqarfissatut, allaffissatut, toqqorsivittut sannavittullu il.il., Naalakkersuisut qitiusumik allaffissuani immikkoortunilu ataaniittuni illunik ininillu il.il. attartorneq pillugu kaajallaasitaq 14. marts 2021-imeersoq maannakkut atuuttoq atuuppoq. Kaajallaasitarli suliffeqarfinnut namminersortitanut imaluunniit INI-p, ILLUUT imaluunniit ISERIT attartortitsuuffigisaanni inigisanik attartornermut atuutinngilaq.

Kaajallaasitaq naapertorlugu attartornermi isumaqatigiissutinik isumaqatigiinniarnarit, sivitsuinerit, allanguinerit atorunnaarsitsinerillu pillugit isumaqatigiinniarnissamut suliarinissaannullu kiisalu isumaqatigiissuteqarnissamut Naalakkersuisut sinnerlugit Aningaasaqarnermut Sulisoqarnermullu Aqutsisoqarfik (ASA) piginnaatitaavoq.

Avataani attartornissamik pisariaqartitsisoqarnerani ASA-mi Pisiniarnermut, Illusimatitsinermit Attartornermullu Allaffik *attavigineqassaaq*, kingornalu immikkoortoq pineqartoq isumasioereerlugu attartornissamut isumaqatigiissutissap suliarinissaa pillugu siunnersuissalluni. Immikkoortoq isumaqatigiissummik akuersippat taanna immikkoortumit aamma ASA-mi kiisalu attartortitsuusumit atsiorneqassaaq.

Attartornermi isumaqatigiissut naapertorlugu attartortup pisussaaffii tamarmik immikkoortortamiipput. Attartornissamik isumaqatigiissut ASA-mi paarineqassaaq.

Namminersorlutik oqartussat attartugaannik tamakkiisumik paasisaqarfiusumik pilersitsinissaq atatiinnarissaalu siunertaralugit attartorneq pillugu isumaqatigiissutaasut tamarmik ingerlaavartumik ASA-mut nassiunneqartarnissaasa qulakkeerneqarnissaat immikkoortut tamarmik nammineerlutik *qulakkiissavaat*. Sullissiviit tamanna pillugu ilisimatinneqarsimanissaasa nammineerlutik qulakkeerneqarnissaa naalakkersuisoqarfiit akisussaasut ataasiakkaat nammineq isumagissuaat.

## 23. Suliffeqarfiit namminersortitat

### 23.1. Suliffeqarfiit namminersortitat killileneri

Suliffeqarfiit namminersortitat ilisarnaatigaat taakku toqqaannartumik politikikkut aqunneqarmata, aamma taakku ingerlatsinerannut nunatta karsia toqqaannartumik akisussaammat. Taakkununga maannakkut ilaapput Nukissiorfiit aamma Asiaq. Inatsilerinikkut Namminersorlutik Oqartussat ilaatut ilaapput. Ingerlatsinermit nalinginnaasup akerlianik isertitat naatsorsuutit qanoq suliarineqarlutillu saqqummiunneqarnissaanut iliuusaat nunap karsianut sanilliullugu namminersornerusumik ingerlapput.

Aningaasanut inatsimmi suliffeqarfinnut ilanngaattissat ilanngaatigereerlugit tapiissutinik aningaasaliiffigineqarsinnaapput, suliffeqarfillu aningaasanik nunatta karsianut tunniussinissamut

pisussaaffilerneqarsinnaalluni. Piviusumik angusat aamma missingersuutitigut angusat (aningaasaliissutit) akornanni nikingassut suliffeqarfimmut tutsineqassaaq. Suliffeqarfiit namminersortitat ukiumut naatsorsuutit pillugit inatsimmut naapertuuttut tunngaviit malillugit immikkut naatsorsuutit saqqummiussisussaapput. Namminersorlutik Oqartussat suliffeqarfiutaasa namminersortitat naatsorsuusiortarnerat pillugu Namminersorlutik Oqartussat nalunaarutaat nr. 24, 22. december 2017-imeersumut innersuussisoqarpoq. Missingersuutit pillugit malittarisassiami najoqqutassiat aamma suliffeqarfiit namminersortitanut atuupput.

## 24. Pisussaaffiusinnaasut, eqqartuussivinni suliat nalunaarutillu

Pisussaaffiit peratarsinnaasut tassaapput aningaasaqarnikkut pisussaaffiit, immikkut pisoqarnerani, assersuutigalugu qularnaveeqqusiinerni Namminersorlutik Oqartussanit taamaallaat akilerneqarsinnaasut, soorlu qularnaveeqqusiinert.

Naalackersuisut kattuffinnut isumaqatigiissutissanut isumaqatigiissutinulluunniit pisussaaffiusinnaasunut malitseqartussanut kingusinnerusukkut tunniunneqarsinnaasunut ilaalissagaluarpata tamakku Aningaasaqarnermut Sulisoqarnermullu Aqutsisoqarfimmut nalunaarutigineqassapput. DeR tassaavoq pisussaaffiusinnaasoq Nunatta Karsiata naatsorsuutaani nalunaarutigineqassanersoq pillugu nalilersuisusaaq.

Pisussaaffik aningaasaliinikkut tunngavik aalajangiisuusanersoq pillugu naliliinissaq siunertaralugu Aningaasaqarnermut Naalackersuisoqarfik attavigineqassaaq. Aningaasaliinikkut tunngaveqarnissamut pisussaaffiup qanoq ittuunera, pisussaaffiup annertussusaa aamma pisussaaffik kingusinnerusukkut nunatta karsianiit akiliinermik kinguneqarsinnaanera ilimanaateqarnersoq apeqqutaassaaq.

Naalackersuisut qularnaveeqquseerusuppata, nalunaarummik tunniusserusuppata il.il., taamaalillunilu Namminersorlutik Oqartussat pisussaaffilerneqarlutik, aningaasaliinissaq pillugu inatsimmi oqaasertaliussaq ikkunneqassaaq. Suliaq Aningaasaqarnermut Naalackersuisoqarfimmiit annertuumik pingaaruteqartut isigineqarpat, immikkut ilisimasalinnit attaviitsuniit aningaasaqarnikkut inatsisilerinikkullu naliliititsisoqassaaq.

Taanna Aningaasaqarnermut Akileraartarnermullu Ataatsimiititaliamut imaluunniit Inatsisartunut saqqummiunneqarpat nalunaarutit taakku suliamut ilanngunneqassapput.

Inatsimmik allamik tunngaveqarsimagaanni qularnaveeqqutit aningaasaliissutitigut tunngavissaqarnissaat piumasagaataangilaq. Kiffartuussinissamut isumaqatigiissutini, akiliutissatut isumaqatigiissutaasut saniatigut Namminersorlutik Oqartussat peratarsinnaasunik pisussaaffilerneqarsimallutik, pisussaaffiup annertussusaatut naatsorsuutigisaaq kiisalu naatsorsuinermi tunngaviit allaaserineqarneri isumaqatigiissummut ilanngussatut ilanngunneqassapput. kiisalu naatsorsuinermi tunngaviit allaaserineqarneri isumaqatigiissummut ilanngussatut ilanngunneqassapput. Pisussaaffiit peratarsinnaasut assersuutigalugu tassaasinnaapput kiffartuussinissamut isumaqatigiissutip atorunnaarsinnerani imaluunniit sivitsorneqannginnerani ingerlataqartumut ilanngaattissat ilanngaatigereerlugit atorunnaarsitsinermi aningaasartuutaanut taarsiissutaasinnaasut. Naatsorsuineq ingerlatseqatigiiffiup kukkunersiuisuanit

atsiorneqarsimassaaq. Peqqussut taanna aamma namminersorlutik oqartussanit pigineqartunut ingerlatseqatigiiffinnut Namminersorlutik Oqartussat pisussaaffiit peratarsinnaasunut atuupput.

#### 24.1. Eqqartuussivinni suliat, suliassanut aningaasaliissutit akiliisitsinerillu akilerneqartarnerisa sularisarnerat

Eqqartuussivinni suliat Namminersorlutik Oqartussanit peqataatitsisut aningaasaqarnikkut ingerlatsinikkullu malunnaatilinnik kinguneqarsinnaapput, taamaammallu aaqqissuulluakkamik piffissarlu eqqorlugu sularineqartassallutik.

##### a) Nalunaartarneq nalilersuisarnerlu

Naalackersuisoqarfik immikkoortortallu ataaniittut eqqartuussivinniit suliassanngortitsiffigineqartut eqqartuussivinni suliap inatsilerinikkut aningaasaqarnikkullu kungunerisassat sukkaasuumik nalilersuiffigilernissaat siunertaralugu ingerlaannaq Aningaasaqarnermut Naalackersuisoqarfimmut kiisalu Inatsileriffimmut Naalackersuisut Siulittaasuata Naalackersuisoqarfianiittumut ilisimatitsissuteqassapput. Qanoq pisoqarsimanera qanorlu sakkortutigisoqarnera apequtaalluni oqartussaaffinnut akisussaalluni Naalackersuisoq aamma Naalackersuisut tamarmiusut ilisimatinneqartartussaassapput.

##### b) Missingersuutitigut tunngavik suliassanullu aningaasaliissutit

Eqqartuussivinni sulianik suliqaarnissamut aningaasartuutinnngortut aallaaviatigut aningaasaliissutit atuuttut iluanni akilerneqartartussaapput. Tamanna periarfissaasimanngippat immikkoortoq 9-mi malittarisassat naapertorlugit ilassutissatut aningaasaliissutit pillugit qinnuteqaammik saqqummiisoqassaaq. Qinnuteqaat inatsitigut pisussaaffimmut aningaasaqarnikkullu kungunerisassanut naatsorsuutigisanut uppersaammik ilaqartinneqassaaq. Aningaasartuutitut pisariaqartitsineq aamma aningaasanut inatsisissatut siunnersuummi ilanngunneqarsinnaassaaq.

Namminersorlutik Oqartussat eqqartuussivinnut tunniunneqarsimatillugit suliap ingerlannissaanut aningaasartuutinnngortussat siumut oqaatigissallugit akuttunngitsumik ajornakusoorsinnaavoq. Tamatuma saniatigut pisut ilaanni tamanna Namminersorlutik Oqartussat soqutigisaannut ilanngunneqarsinnaassanngilaq, tassalu matumani eqqartuussivinni suliap ingerlannissaanut naatsorsuutigisamik aningaasartuuteqartoqarsimappat.

Taamatut pisoqarsimatillugu 0-imik aningaasaliissummik taaneqartoq atorlugu immikkoortitsisoqarnissaa amerlanertigut soqutiginaateqarsinnaavoq, tassalu oqaasertaliussami atasumi killiliussat sukumiinerusumik erseqqissakkat aqutigalugit aningaasartuuteqarsinnaanermut pisinnaatitaaffimik ilallugu sulinermut aningaasaliissutit aqutigalugit. Aningaasanut inatsisini allanneqartuni arlalinni oqaasertaliussanut tamakkununga assersuutissanik nassaasaqarpoq.

Pisut apequtaallutik eqqartuussivinni suliap ingerlannissaanut aningaasartuutitut atasunik periarfissaqarsinnaammat ilanngullugu malugeqquneqarpoq, takuuk suliarmut takunnissinnaanermut pisinnaatitaaffik pillugu pisortat ingerlatsinerat pillugu inatsimmi malittarisassat. Tamanna pillugu Inatsileriffik attavigineqassasoq kaammattuutigineqarpoq.

##### c) Akiliisitsissutit akilerneqartarnerat taarsiissuteqartarnerlu

Namminersorlutik Oqartussat imaluunniit tassani immikkoortortat akiliisitsissutit imaluunniit taarsiissutit akilernissaannut eqqartuunneqarsimatillugit tamakku piffissaq eqqorlugu

akilerneqassapput - apeqqutaanani tamatumunnga aningaasaliissuteqarnissamut tunngavik pigineqarneris. Aningaasaliissuteqarnissamut tunngavik amigaataappat akiliuteqarnissamut tamanna pisussaaffeerutsitsinaviangilaq. Immikkoortortaq akisussaasoq tamanna assigalugu ilassutissatut aningaasaliissutit aqutigalugit aningaasaliissuteqartoqarnissaanut tunngavik pillugu qinnuteqaasiussaaq imaluunniit Aningaasaqarnermut Naalackersuisoqarfik suleqatigalugu killiliussat pioreersut iluanni allatut aningaasalersuisoqarnissaanut nassaarniarluni, takuuk immikkoortoq 9. Ilassutit aningaasaliissutit pillugit qinnuqartarnerneq soqutiginarlutut isigineqarmat aallaaviatigut akiliisitsinerit imaluunniit taarsiissuteqarnerit annertuut kisimik isiginiarneqartartussaapput.

Sulisunut aningaasaqarnikkut taarsiissutissat akilertarnissaanut aningaasartuutitut ilassutitut aningaasaliissutinik tunniussinissaaq aallaaviatigut naatsorsuutaasinnaangimmat immikkut maluginiarneqassaaq, sulisullu sulinikkut arlaatigut tunngavissaqarnani immikkoortortap soraarsitsisimanera uppersarsarneqarsinnaassaaq imaluunniit Aningaasaqarnermut Sulisoqarnermullu Aqutsisoqarfik immikkoortortamit akisussaasumit piffissaaq eqqorlugu qinnuteqarfigineqarsimatinnagu imaluunniit eqqortumik ilaatinneqarsimatinnagu.

d) Naggasiineq malitseqartitsinissarluni

Suliap naammassineqarnerani aningaasaqarnikkut inatsisitigullu kingunerisassat tamarnik naatsorsuiffigineqassapput ingerlaavartumillu missingersuutitut malitseqartitsinermut ilanngullugit. Taamatuttaaq siunissami ulorianaatitut aqutsinissap nukittorsarnissaa siunertarlugu ilinniarsinnaanermut immikkoortut nalilersuiffigineqassapput.

## 24.2. Qanoq pilersaaruteqarnermik nalunaaruteqarnerit pituttuinngitsut

Namminersorlutik Oqartussani pisuni aalajangersimasuni qanoq pilersaaruteqarnermik nalunaaruteqarneri pituttuinngitsut assigisaanilluunniit tunniussinissaapput. Qanoq pilersaaruteqarnermik nalunaaruteqarneq tassaavoq takussutissiaq, inatsisilerinikkut pituttuisumik isumaqatigiissutikkut aaqqissuunneqarnissaa siunertarlugu illuatungeriit marluk amerlanerilluunniit akornanni paaseqatigiinnermik allaaserinnittoq. Taakku illuatungeriinnut tamakkiisumik pituttuinngillat.

Naalackersuisoqarfiit taamatut isumaqatigiissutinik nammineq isumaqatigiissuteqarsinnaapput, tassa naalackersuisoqarfiit ataasiakkaat tamatuma inissinnissaanut pisariaqartutigit inatsisilerinikkut tunngavissanik *qulakkeerinnissammata*. Pingaartumik nalunaarutitut ilaasuni suliniutini Namminersorlutik Oqartussat siunissami aningaasaqarnikkut peqataaffigisaanni inatsisilerinikkut/piviusunik naatsorsuutigisassanik pilersitsisoqannginnissaa qulakkeerneqassaaq.

Nalunaarutit taamatut ittut *tamatigut* Aningaasaqarnermut Naalackersuisoqarfimmi siumoortumik tusarniutigineqarsimasassapput pissutsillu naapertorlugit Naalackersuisut Siulittaasuata Naalackersuisoqarfiani Inatsisileriffimmi. Tamatuma saniatigut suliap imarisaa malillugu kaammattuutigineqarpoq tamanna pillugu Naalackersuisut nalinginnaasumik ilisimatinneqartassasut.

## 25. Namminersorlutik Oqartussat missingersuutaanik malitseqartitsisarneq

Namminersorlutik Oqartussani missingersuutininik malitseqartitsisarneq qaammatit pingasukkuutaartumik ingerlanneqartarpoq. Tamanna Aningaasaqarnermut Sulisoqarnermullu Aqutsisoqarfimmi DcR-imit ingerlanneqarpoq. Suliap taassuma tapersersornissaa siunertaralugu kisitsisinik paasissutissanillu naalakkersuisoqarfiit ataasiakkaat ikiuutissapput. Taamatut ikiuunnissamut piffissaliussanik ilusiatigullu piumasaqaatinik DcR aalajangersaasinnaavoq.

Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. november 2016-imeersoq kingusinnerusukkut allannguuteqartoq naapertorlugu Namminersorlutik Oqartussat aningaasartuutaasa isertitaasalu ineriartornerannik akuttoqatigiissumik akuttussusilimmik malittarinnittoqartussaavoq. Tamatuma saniatigut aningaasartuutininik Namminersorlutik Oqartussat kommunillu nakkutilliineranni inerniliussat pingaarnerit pillugit Naalakkersuisut kingusinnerpaamik septembarip aallaqqaataani aamma decembarip aallaqqaataani Inatsisartut Aningaasaqarnermut Akileraartarnermullu Ataatsimiititaliaanut kiisalu Kukkunersiuineranut Ataatsimiititaliamut ilisimatitsisassapput, tamannalu pillugu paasissutissanik Namminersorlutik Oqartussat internetimi nittartagaatigut tamanut saqqummiussillutik.

### Missingersuutininik malitseqartitsisarnermut nassuiaatini nikingasoqarsinnaanera

Naalakkersuisoqarfiit missingersuutininut akisussaasut aamma nunatta nakorsaaneqarfia qitiusumiit missingersuutininik malitseqartitsisarnermut atugassanik oqaaseqaatinik nassiussissapput. Tamanna pissaaq suliassaqarfimmi pineqartumi nikingassutaasinnaasut naatsorsuutigisat pillugit ilisimatitsinikkut. Naalakkersuisoqarfiit akisussaasut aqutsisoqarfinni immikkoortortanilu ataaniittuni oqaaseqaatinik pissarsiniarnissamut akisussaapput. Missingersuutininik malitseqartitsisarnermut oqaaseqaatinik tunniussinermi atorneqartussaag regnearki nalinginnaasumik suliarineqartarpoq. Takussutissiamiissapput aningaasaliissutit pillugit takussutissiaq kiisalu naalakkersuisoqarfiup pineqartup akisussaaffigisaata iluani aningaasanut inatsimmi kontot pillugit ulloq manna tikillugu ukiumi atorneqarsimasut.

Aningaasaliissutininut/missingersuutigineqarsimasunut naleqqiullugu pingaarutilinnik nikingasoqarnissaanik naatsorsuuteqarsimagaanni aningaasanut inatsimmi kontonut tamanut nassuiaammik tunniussisoqassaaq. Nikingassutaanut malunnaatillit tassaapput aningaasaliissutaasuniit 2 procentit sinnerlugit imaluunniit 1.000.000 kr.-t qaangerlugit nikingassutaasut.<sup>7</sup> Matumani naatsorsuutigisatut atuinikinnerunerit atuinernerillu pineqarput. Oqaaseqaatini nikingassutaasussatut naatsorsuutigineqartumut pissutaasut aamma kontomi pingaarnermi aningaasaliissutit eqqortinnissaasa qulakkeernissaannut suliniutit suut aallartinneqassanersut nassuiarneqartariaqarput.

---

<sup>7</sup> Kommunit aamma Namminersorlutik Oqartussat naatsorsuutaat pillugit Namminersorlutik Oqartussat nalunaarutaat nr. 6, 20. januar 2022-mersumi annikitsunnguanut killiliussat Naatsorsuutit § 25, imm. 2, nr. 6 qaammatit pingasukkaarlugit missingersuutininik malittarinninnernut atuutinnigilaq.

## 26. Aningaasaqarnikkut pitsaasumik aqutsinermut malittarisassat tunngaviillu

Immikkoortumi tassani missingersuutit naatsorsuutillu pillugit inatsit kiisalu Inatsisartut Naalackersuisullu pillugit Inatsisartut inatsisaat naapertorlugit aningaasaqarnikkut pitsaasumik aqutsinermut malittarisassat tunngaviillu aalajangersarneqarput. Siunertaq tassaavoq pisortat aningaasaannik atuinerup akisussaassuseqartuunissaata, ileqqaartuunissaata sunniuteqarluartuunissaatalu qulakkeerneqarnissaa.

### 26.1. Aningaasaliissutit atornerinut malittarisassat

Aningaasanut inatsisitigut aningaasaliissutit tassaapput aalajangersakkat erseqqinnerusumik aalajangersarneqarsimasut malillugit atuinissamut naalackersuisumut piginnaatitsissut. Siumoortumik aningaasaliisoqarsimatinnagu aningaasartuuteqartoqarsinnaangilaq aamma isertitaqarniarsarisoqarsinnaangilaq.

Pisortani immikkoortut aningaasanik atuinerni ileqqaarneq aningaasaqarnikkullu akisussaassuseqarneq tamatigut salliutittassavaat. Pisortani immikkoortut tamatuma saniatigut akisussaassuseqarneq tapersorsorniarlugu kingornalu nakkutilliisoqarsinnaatilerlugu annertunerusunik iliuuseqarnerni ammasumik pissuseqarneq uppenarsaasarnerlu qulakkiissavaat. Pingaartuuvoq atuinerup piviusunut pisariaqartitanut aamma aningaasaliinermi tunngavigisimasanut naleqqiullugu aningaasartuutit ataasiakkaat pisariaqartuunerinut tulluarsarimanissaa, soorlu tamanna aningaasanut inatsisini missingersuutitigut ilanngussani inatsisinilu allani attuumassuteqartuni takuneqarsinnaasartoq.

Taamaammat missingersuutinut akisussaasutut periarfissaqartillugu sipaarniarnissat anguniarnissaanni pingaaruteqarluni pisussaaffeqarpoq.

Taamaattorli taamatut pingaarnertut malittarisassamiit nikingassutit pilersinnaasarpud. Aningaasaliissut tassaasinnaavoq ingerlatap aalajangersimasup ingerlanneqarnissaanut imaluunniit siunertap aalajangersimasup naammassiniarneqarnissaanut takussutaasoq. Assersuutigalugu nunap sajunnerata kingorna ajunaarnermik eqqugaasunut ikiuinissamut katersinernut tapertaasussatut aningaasaliissutit aningaasat aalajangersimasut aningaasartuutigineqarnissaat pillugu aalajangiinertut isigineqarsinnaappud, taamatullu pisuni sipaaruteqarnissap anguneqaannarnissaanut ikilisaasoqartariaqarnani. Taamaattorli aningaasaliissutini siunertaq naatsorsuutigisamiit aningaasat annikinnerusut isumagineqarsinnaasut takuneqarsinnaappat nalinginnaasumik sipaarnissamut pisussaaffeqarneq pillugu pingaarnertut tunngaveqarneq tamatuma allanngortinngilaa.

Tamatuma saniatigut aningaasat akilerneqarnissaannut attuumassuteqannngitsumiit nammineq piunasaqaateqarsinnaaneranik aningaasat tamarmiusut immikkoortinneqarsimasut atorneqarnissaannut pisussaaffeqarsinnaaneq. Tamanna assersuutigalugu pisinnaavoq ajunngitsumik isumaqarluni isumaqatigiisummik isumaqatigiisuteqarsimaneq. Aallaaviatigulli aningaasaliissutit immikkut soqutigisaqarfigineqanngillat, tassalu avataaneersut namminneq aalajangiinertik malillugu atornissaannut piunasaqarsinnaanngillat. Assersuutigalugu namminersorlutik oqartussanit pigineqartup illup aserfallatsaaliorneqarneranut aningaasaliissutit illumik atuisumut, sanasumut, suliassamik tunineqartussatut eqqarsaatigineqartumut, illup saniliinut allanulluunniit pisinnaatitaaffiliinngimmata. Paarlattuanilli atia taallugu aalajangersimasumut tiguisussamut

aalajangersimasumik aningaasartalerlugit tapiissutit aningaasaliissutaasimatillugit tiguisusaaq pineqartoq aningaasanut aningaasaliissutigineqarsimasunut pisinnaatitaaffeqassaaq.

## 26.2. Pissaanermik killormut saatitsineq piviusorsiornerlu

Aningaasanut inatsimmi aningaasaliissutit malillugit aningaasanik atuinermi attuumassuteqanngitsut eqqarsaatigalugit aalajangiinernut tunngaviussannginnerat *pingaaruteqarpoq*. Naammassisaqarnissamut aningaasaliissutit iluaqutaanissai siunertarineranut naleqqiullugu piviusorsiorneq inatsisitigullu eqqarsaatigisassat tunuliaqutaralugit pisortani oqartussat taamaallaat iliuseqassasut pissaanermik killormut saatitsinermik ajoqersuut malillugu aalajangersarneqarpoq.

Eqqarsaatigisassat attuumassuteqanngitsut assersuutigalugu tassaasinnaapput inuit soqutigisaat imaluunniit politikikkut inuttulluunniit salliutitsinerit, aningaasaliissutini naatsorsuutigisanik tunngaveqanngitsut. Siunertat tamarmik missingersuutinit imaluunniit inatsisinit attuumassuteqartuniit takuneqarsinnaasoq siunertaq naapertussagaat qulakkeerneqassaaq, aningaasanillu aqutsineq aningaasaqarnikkut akisussaassuseqarnerup saniatigut aamma ingerlatsinermi pitsaasumik ileqqoqarnermut naapertuutissalluni.

Pisortani aningaasat eqqortumik aamma inatsisit naapertorlugit atorneqarnissaannut innuttaasut tatiginninnerannut tamanna iluaqutaassaaq.

## 26.3. Ukiumi qaammatini kingullerni naleqqutinngitsumik atuinerup pitsaaliornissaa

Akisussaassuseqartumik aningaasanik aqutsineq qulakkeerniarlugu "benzinamik ikuallaasarnertut" taaneqartartup pinngitsoortinnissaa pisariaqarluinnarpoq, aningaasaliissutit tamakkerlugit atorneqarnissaat siunertaralugu ukiumi qaammatini kingullerni naleqqutinngitsumik aningaasanik annertuumik immikkoortut atuisarlutik. Taamatut periuseqarneq pitsaasumik aningaasatigut aqutsinermut *naapertuutinngilaq* tassungalum missingersuutit naatsorsuutillu pillugit inatsimmi qitiutinneqartunut ileqqaarnissaaq sunniuteqarluarnissarlu pillugit tunngavigineqartunut akerliulluni.

Pisortani immikkoortut taamaattumik atuinertik ukioq naallugu imatut pilersaarusiussavaat aningaasartuutit pisariaqanngitsut pinngitsoortissallugit, atuinerlu pisariaqartitsinerit piviusut naapertorlugit ingerlanneqarluni. Ukiup naanerani aningaasat atorneqanngitsoortut annaaneqartutut isigineqassanngillat, kisiannili akisussaassuseqartumik aningaasatigut aqutsinertut takussutissaallutik.

Nunatta karsiata naatsorsuutaanik kukkunersiuineri naatsorsuutigineqarpoq pissuseq taanna annertuumik isiginiarneqassasoq.

## 26.4. Akisussaaneq nakkutiginninnerlu

Pisortat immikkoortuini aqutsisut aningaasaqarnermullu akisussaasut immikkoortumi uani kiisalu malittarisassani il.il. allani tunngavigineqartut naapertorlugit missingersuutit aningaasaliissutillu aqunneqarnissaasa qulakkeernissaannut immikkut akisussaapput. Pineqartut atuinermut ingerlaavartumik nakkutiginnissapput nikingassutillu missingersuutini pilersaarutaasut piffissaaq eqqorlugu eqqortumillu suliarisarnissaannut qulakkeerinnittassapput.

Naalackersuisut nakkutilliisartullu attuumassuteqartut taamaattumik pitsaasumik aningaasatigut aqutsinermut tunngaviit eqqortinneqarnerinik nakkutilliissapput. Tunngavinnik taakkunanga suleriaatsit suulluunniit akerliusut kinguneqartitsisinnaapput, tassunga ilanngullugu nassuiaasoqarnissaa pineqaatissiisinnaanerlu pillugit piumasqaat.

## 27. Immikkoortunut pilersaarutit

Immikkoortunut pilersaarutit pillugit Namminersorlutik Oqartussat nalunaarutaat nr. 49, 6. juni 2025-meersoq Namminersorlutik Oqartussanut kommuninullu suliassa qarfinnut pingaarnerpaanut immikkoortunut pilersaarummik suliaqarnissamik pisussaaffiliipput.

Immikkoortunut pilersaarutit tassungalu immikkoortunut pilersaarutitut nassuiaatit atasut sivikinnerpaamik sapaatip akunnerinik arfineq-pingasunik piffissaqartitsilluni tamanut tusarniutigineqassapput. Naalackersuisut immikkoortunut pilersaarutaat immikkoortunullu pilersaarutitut nassuiaataat tusarniaanerup kingorna Naalackersuisunut saqqummiunneqassapput, kommunalbestyrelsillu immikkoortunut pilersaarutaat immikkoortunullu pilersaarutitut nassuiaataat tusarniaanerup kingorna kommunalbestyrelsimut akuerisannorlugit saqqummiullugit.

Naalackersuisuni akuersissuteqarnerit periusissianut immikkoortunut pilersaarutit tassungalu immikkoortunut pilersaarummut nassuiaatit imarisaat atasut pillugit tunngaviumik tapersuisoqarnissaanut oqariartuutaapput, kisiannili aningaasaliissutitut imaluunniit atugassiissutit tigussaasut allat akuersissutiginerattut isikkoqarnatik.

Namminersorlutik Oqartussat immikkoortunut makkununga immikkoortunut pilersaarutininik minnerpaamik suliaqassapput:

- 1 Takornariaqarneq
- 2) Aalisarneq (tassalu aqutsinermut pilersaarut Aalisarneq pillugu Inatsisartut inatsisaanni § 16-imi taaneqartutut)
- 3) Inuusutissanik tunisassiorneq nunalerinerlu
- 4) Angallanneq, tassunga ilanngullugit umiarsualiviit, mittarfii aamma ilaasunik usinillu assartuinerit
5. Ineqarneq
- 6 Nukissiorneq
7. Iermik pilersuineq
- 8) Aatsitassat
- Ilinniartitaanermut tunngasut, tassunga ilanngullugit ilinniartut ineqarfii
- 10) Peqqinneq
- 11) Utoqqarnut tunngasut
- Inuuniarnikkut atugarliortut, tassunga ilanngullugit ulloq unnuarlu paaqqinnittarfii meeqqat angerlarsimaffiattut innarluutilinnullu paaqqinnittarfittut ittut
- 13) Kulturikkut kingornussat illersornissaat.

Naalackersuisoqarfiit oqartussaaffinnut akisussaasut immikkoortunut pilersaarusiortussaapput. Oqartussaaffinnut agguataarisarneq atuuttoq naapertorlugu oqartussaaffitsigut akisussaanaissaq immikkoortut arlallit akornanni avinneqassagaluarpat aamma Naalackersuisut allatut

aalajangiisimassanngippata naalackersuisoqarfiit ataasiakkaat nammineq oqartussaaffitsigut suliaasaqarfimmini immikkoortunut pilersaarutinut akisussaannermik tigusissapput.

Kommunit taamaasillutik minnerpaamik immikkoortunut makkununga immikkoortunut pilersaarummik suliaqassapput:

1. Ineqarneq
- 2.2 Eqqassalerineq
- 3 Atualersimanngitsunut suliaasaqarfik
- 4) Meeqqat atuarfiinut suliaasaqarfik
- 5) Utoqqarnut suliaasaqarfik
- 6) Inuuniarnikkut atugarliortut, taakkununga ilanngullugit ineqarnissamut neqeroorutit innarluutillillu.
- 7) Inuussutissarsiutinik takornariaqarnermillu ineriartortitsineq

Immikkoortunut pilersaarutit aamma immikkoortunut pilersaarutit pillugit nassuiaatit akuerineqarsimasut akuerineqarneriniit kingorna kingusinnerpaamik sapaatit akunneri arfineq pingasut qaangiutsinnagit Naalackersuisut akuerisaanni nittartakkami tamanut saqqummiunneqassapput. Immikkoortunut pilersaarummut akisussaasup immikkoortumut pilersaarut, immikkoortumut pilersaarut pillugu nassuiaat, paasissutissat titartakkallu immikkoortumi pilersaarummi saqqummiunneqarsimasut tamanut saqqummiunneqarnissaat siunertaralugu Aningaasaqarnermut Naalackersuisoqarfimmut nassitissavai.

Minnerpaamik ukiut qulikkaarlugit immikkoortunut pilersaarutinik nutartikkanik suliaqartoqartassasoq imaluunniit sulinikkut, illutatigut, aningaasaqarnermut il.il. massakkut immikkoortunut pilersaarummut piumasarineqartut malunnartumik allanngorneranni immikkoortunut pilersaarutit pillugit nalunaarut malinneqassaaq.

Aningaasaqarnermut Naalackersuisoqarfik immikkoortunut pilersaarutit tassungalu immikkoortunut pilersaarutit pillugit nassuiaatit atasut kiisalu tamatumunnga malitseqartitsisarnissat suliarisarnissaannut ilitsersuummik suliaqassaaq, taakkunanilu ilaatinneqarput Namminersorlutik Oqartussat kommunillu immikkoortunut pilersaarutaannik sulineq, soorlu tamakku akornanni ataqatigiissaarinissaq pisariaqartinneqartoq.

Soorlu siulianiittuni takuneqarsinnaasoq nalunaarut naapertorlugi suliaasaqarfiit Namminersorlutik Oqartussat kommunillu immikkoortunut pilersaarummik suliaqarfigisassaat arlallit nassaassaapput. Tamanna tamatumunnga akisussaasuniit pineqartuniit soqutiginaatilimmik piffissarlu eqqorlugi ataqatigiissaarisarnissanut sakkortunerusunik piumasaqarfiuvoq.

## 28. EU-mik suleqateqarneq aamma PFM pillugu iliuussissatut pilersaarut

Ukiuni qulikkaani arlalinni niuernikkut suliniutigullu Europa Kommissionimik Namminersorlutik Oqartussat assigiinngitsunik isumaqatigiissuteqartarsimapput. Isumaqatigiissutit pingasunik kisitsisitalinnik millioninik aningaasanik ukiumut Namminersorlutik Oqartussanut qulakkeeripput,

aningaasanut inatsisini ukiumut annertuumik isertinneqartut peqatigisaanillu inuiaqatigiit ineriartornerinut annertuumik pingaaruteqarlutik. Tassunga atasumik Namminersorlutik Oqartussani naalackersuisoqarfiit ingerlatanik arlalinnik naammassisaqartarput, ukiukkaarumik Europa Kommissionimut nalunaarusiortoqartarluni.

#### Peqatigiinnissamik isumaqatigiissutit 2006-2027

Kalaallit Nunaanni Namminersorlutik Oqartussat Europa-Kommissionimik periusissiatigut peqatigiinnissamik 2006-imili isumaqatigiissuteqartarsimapput. Isumaqatigiissutit kingulliit piffissamut 2021-2027-mut atuuttuupput tassaniillutillu suliniutit arlallit immikkoortut ineriartortinnerinut aningaasarsiornerullu assigiinngisitaartinnissaanut sammisut. 1,7 milliard kr.-ninik aningaasaliissuteqarnermi pisussaaffiit arlallit aamma takkuttussaapput.

#### Aningaasaqarnermik aqutsinissamut iliuusissatut pilersaarut

Peqatigiinnissamik isumaqatigiissut aningaasatigut aqutsinermut iliuusissatut pilersaarummik (matuma kingorna naatumik PMF pillugu iliuusissatut pilersaarummik taaneqartoq) ingerlaavartumik ineriartortinneqartumik sunniutilimmillu atulersinneqartumik qulakkeerinissamut Naalackersuisunut peqqussuteqarpoq, ukiumoortumik aningaasat aningaasaliissutaasut akilernissaannut pingaaruteqartoq. PFM pillugu iliuusissatut pilersaarut tassaavoq atugassamut ilissigaq pilersaarut, pisortat aningaasaannik pingaarnertigut aqutsinissamik pitsanngorsaasoq aamma Kalaallit Nunaata aningaasaqarnikkut piujuartitsinissaanik nukittorsaasoq. PFM pillugu iliuusissatut pilersaarut tassaavoq aningaasaqarnikkut isumalluutinik sunniuteqartumik, tatiginartumik ammasumillu aqutsinermik qulakkeerisoq suleriaaseq, aaqqissuussinerit ingerlatsinerillu annertuut. Pilersaarummut aamma ilaapput pilersaarusiernerit, missingersuusiernerit, naatsorsuuserineq, aningaasaqarnermik nalunaarusiorneq kiisalu pisortat aningaasaannik kukkunersuineq. Aningaasaqarnermut Naalackersuisoq pilersaarummut tassunga akisussaavoq, isumaqatigiissutaasimasut naapertorlugit nutarterneqartartoq.

#### *Siunertaq*

Pisortat aningaasatigut aqutsineranni Naalackersuisut pingaarnertut anguniagaat tassaavoq pisortat sullissinerannut ineriartortitsillunilu suliniutinut naammattumik aningaasaqarnikkut isumalluutinik qulakkeerinissaq. Taassuma aamma peqatigisaanik piginnaanngorsaaneq aamma pisortat aningaasaqarneranni ammasumik pissuseqarneq akisussaassuseqarnerlu annertusillugu. Ataatsimut isigalugu nunami innuttaasunut inuiaqatigiinnullu tamarmiusunut iluaqutaasumik pisortat aningaasaannik pitsaanerumik atuinermik pilersaarut kinguneqassaaq.

PFM pillugu iliuusissatut pilersaarut Namminersorlutik Oqartussani aamma Kalaallit Nunaanni kommunini aningaasaqarnikkut ataqatigiissaarinermilu suliaqartunut atorfilinnut pingaarnertigut saaffiginnippoq.

#### *Naalackersuisut pisussaaffii*

Kalaallit Nunaanni Namminersorlutik Oqartussat tassungalu atasut naalackersuisoqarfiit aqutsisoqarfiillu PFM pillugu iliuusissatut pilersaarutip eqqortinneqarnissaanut ataatsimoorlutik pisussaaffeqarput. Akisussaaffik taanna ataasiinnarmi Aningaasaqarnermut Naalackersuisuniinginnangilaq, kisianni Namminersorlutik Oqartussanut tamarmiusumut ataatsimut suliaassaalluni. Aningaasaqarnermut Naalackersuisoq taamaattoq PFM pillugu iliuusissatut pilersaarummi ataqatigiissaarinermut akisussaavoq. Suliniuteqarfiit PFM pillugu pilersaarummiittut akuttunngitsumik naalackersuisoqarfiit akornanni akisussaaffinnut arlalinnut

tunggasuusarput. Naalackersuisoq pineqartoq aamma suliniuteqarfiusuni pineqarmi siumukartoqarnissaanut akisussaavoq.

### EU-mik isumaqatigiissutit allat

Tamatuma saniatigut Namminersorlutik Oqartussat aamma immikkoortuni aalajangersimasuni allani EU-mik isumaqatigiissuteqarput. Taamatut ittoq ilaatigut Mingutsitsinngitsumik Aningaasarsiornikkut Siuariartornerup tapersersornissaa pillugu isumaqatigiissutaavoq, takuuk Aningaasanut inatsimmi konto pingaarneq 82.30.01.

## 29. Atorfinitsitsinermut suliassaqarfik

Atorfinitsitsinermut suliassaqarfimmut tunggavigineqartut kattuffiit isumaqatigiinniarsinnaatitaasut peqatigalugit kattuffiit isumaqatigiissutaannut arlalinnut ilaapput.<sup>8</sup> Aningaasaqarnermut Sulisoqarnermullu Aqutsisoqarfik (ASA) sulisitsisut isumaqatigiinnartartoraat pisortanilu sulisut tamaasa sinnerlugit isumaqatigiinniartartuulluni. ASA-p aamma nalornisoqartillugu isumaqatigiissutinik nassuiaasartuuvoq. Atorfinitsitsinerit aamma atorfinitsitsineri pissutsinik malittarisassaliorneq aallaaviatigut immikkoortunit kommuninillu ataasiakkaanit isumagineqartarput. Qitiusumik allaffissuaq kiisalu immikkoortut ataaniittut aalajangersimasut eqqarsaatigalugit atuuttoq tassaavoq atorfinitsitsineri isumaqatigiissusiornermut, akissarsiat inissinnerinut akissarsititsinermullu, tapinut, maleruagassanik unioqqutitsinermut tunggasunut, isumaqatigiinnernut soraarsitsinernullu atatillugu immikkoortunut naleqqiullugu sulisutigut aqutsinernik passussineri ASA siunnersuillunilu ikiuuttarpoq. Sulineri isumaqatigiissutit saniatigut tunggavigisat kaajallaasitat arlallit aqutugalugit malittarisassaqaartinneqarput, taakkunannga immikkut eqqaaneqarsinnaalluni:

- Qitiusumik allattoqarfimmi sulisunik aamma suliffeqarfimmi namminersortuutitani il. il. pisortaanernik atorfinitsitsisarneq pillugu kaajallaasitaq<sup>9</sup>
- Namminersorlutik Oqartussat sulisoqarnermut allaffeqarfiani akisussaaffiit piginnaasallu pillugit kaajallaasitaq,<sup>10</sup>
- Atorfinnik nakkutilliinerit pillugit kaajallaasitaq.<sup>11</sup>
- Inatsisinut pingaarutilinnut, peqatigisaanik atorfinitsitsinermut tunggasunik malittarisassaliortunut ilaatigut ilaapput tjenestemandit pillugit inatsisit arlallit, Suliffinni avatangiisit pillugit inatsit, Ernineri inatsit aamma Sulinngiffeqarnermi inatsit.

Pingaarlunnarpoq immikkoortuni sulisunut akisussaasut aqutsisut qulaani allassimasunik kaajallaasitanik immikkut ilisimasaqarnissaat.

Tamatuma saniatigut annertuumik alaatsinaanneqartussaq tassaavoq immikkut atorfinitsitsinissaq, soraarsitsinissaq aamma maleruagassanik unioqqutitsineri pineqaatissiinerit pilersinneri, tassunga ilanngullugu sulisunik nikisitsinermik aalajangiisoqarnissaa sioqqullugu ASA-mit siunnersorneqarnissamut pisussaaffeqarmata.

<sup>8</sup> [Isumaqatigiissut – Aningaasaqarnermut Akileraartarnermullu Aqutsisoqarfik \(asa.gl\)](#)

<sup>9</sup> [Kaajallaasitaq 27\\_09\\_2017-imeersoq \(nalunaarutit.gl\)](#)

<sup>10</sup> [Namminersorlutik Oqartussat sulisoqarnermut allaffeqarfiani akisussaaffiit piginnaasallu pillugit kaajallaasitaq 8. april 2020-imeersoq.pdf \(asa.gl\)](#)

<sup>11</sup> [Atorfinnik nakkutilliinerit pillugit kaajallaasitaq 30. december 2020-imeersoq.pdf \(asa.gl\)](#)

Aammattaaq alaatsinaanneqassaaq pisortatut nutaatut atorfinnik pilersitsinerup, aallaaviatigut akissaatini 36-mi taannalu qaangerlugu atorfiit, piumasarineqartumik akuerineqarnissaa pissarsiarineqassammat, tak. Atorfinnik nakkutilliinerit pillugit kaajallaasitaq qaqugukkulluunniit atuuttoq, maannakkut kaajallaasitaq 30. december 2020-imeersoq.

### 29.1. Ataasiartumik akissarsisitsisarneq

Ataasiartumik akissarsisitsisarnermi Kalaallit Nunaanni Namminersorlutik Oqartussani atorfilinnut ataasiartumik akissarsisitsineq pillugu kaajallaasitaq malinneqassaaq.<sup>12</sup> Ataasiartumik akissarsisitsisarneq sulisunut saaffiginnippoq annerpaamillu 20.000,-inik annertussuseqarsinnaalluni, tamanna ima paasineqassalluni sulisumut aalajangersimasumut ukiumut ataatsimut aningaasat annertussusaat. Tigusisut amerlassusaat immikkoortumi sulisorisat 10 %-iannik qaangiisariaqanngilaq. Pisortat taamaallaat qaqutigoortumik ataasiartumik akissarsisitsinneqarsinnaapput kaajallaasitami immikkut suleriaaseq allanneqarsimasoq aqcutigalugu. Ataasiartumik akissarsisitsisarneq pillugu aalajangiinerit tigusisup atsiernerata kingorna intranettimi (Nanuaraq) *nalunaarutigineqassapput*.

Immikkut alaatsinaanneqassaaq atorfeqartup suliffigisaani naalackersuisoqarfik *nammineq iliuseqarnikkut* pisariaqanngitsumillu kinguarsaasoqarnani ataasiartumik akissarsisitsisarnermik intranettimi nalunaaruteqarneq qulakkeerneqassammat. Taamaaqataanik tamanna suliffeqarfinnut namminersortitanut atuuppoq.

Ataasiartumik akissarsisitsisarneq pillugu kaajallaasitamut atuuttumut ilitersuusiortoqarsimavoq. Taanna intranettimi sulisunit pisortanillu nassaarineqarsinnaavoq. Sulinermi isumaqatigiissut ataaseq maannakkut ataasiarluni akissarsisitsineq pillugu immikkut aalajangersagaqarpoq, tassa Maskinmesterit isumaqatigiissutaat.

## 30. Immikkoortorisanik kiisalu kommuninik inatsisitigut aalajangersarneqanngitsumik nakkutilliineq

Immikkoortunut allanut kiisalu kommuninut atatillugu naalackersuisoqarfiit arlallit nakkutilliinermi suliassanik assigiinngitsunik isumagisaqarput. Nakkutilliisussaataaneq tassaasinnaavoq inatsisinit aalajangersarneqarsimasoq imaluunniit inatsisinit aalajangersarneqarsimanngitsoq. Inatsisitigut aalajangersarneqarsimasoq nakkutilliineq assersuutigalugu tassaasinnaavoq siumoortumik kingornatigullu aningaasartuutunik nakkutilliineq pillugu MNI (missingersuutit naatsorsuutillu pillugit inatsit) §§ 25-33-mi peqqussutaasut Aningaasaqarnermut Naalackersuisoqarfup suliassai. Inatsisitigut aalajangersarneqarsimasoq nakkutilliinerit itisilerniarlugit immikkoortuni aalajangersimasuni inatsisinit innersuussisoqarpoq. Immikkoortumi tassani inatsisitigut aalajangersagaanngitsut nakkutilliinernut tunuliaqutaasut itisileriffigineqarput, tassaasinnaasut inatsisilerinermut aningaasaqarnermullu tunngasuusinnaasut.

Nammineq oqartussaaffigisamiittunik suliassaqarfinnik aqutsinermik aningaasaqarnikkut inatsisilerinikkullu ilaatigut nakkutilliinissamut naalackersuisoqarfiit ataasiakkaat pisussaaffeqarput

---

<sup>12</sup> Maannakkut [Kaajallaasitaq 29\\_03\\_2023-imeersoq \(nalunaarutig.gl\)](#)

(akisussaaffigisami nakkutilliineq). Tamanna aamma kommuninit ingerlanneqartumut ingerlatsiviit ilaannut naleqqiullugu atuuppoq, naak taakku naalackersuisoqarfiup ataaniingikkaluartut, soorlu aamma tamanna atuuttoq, naak naalackersuisoqarfik inatsisitigut immikkut aqutsinissamut sakkussanik sakkulersorneqarsimagaluartoq.

Inatsisitigut aalajangersarneqarsimangitsumik immikkoortumi nakkutilliinerup siullermik kinguneraa suliaasaqarfimmi pineqartumi inatsisit qanoq aqunneqarnissai pillugit naalackersuisoqarfiup ilisimatitsinissaa. Paasineqarpat inatsit atuuttoq naleqqukkunnaarsimasoq pisut naapertorlugit inatsisitigut erseqqissaanissamut naalackersuisoqarfik suliniuteqartariaqarpoq, pisariaqassappallu inatsisip allanngortinneratigut.

Inatsit eqqortinneqanngitsoq arlaatigut naalackersuisoqarfik ilisimasaqalerpat imaluunniit taassuminnga aqutsineq inatsisip tunuani siunniussanut akerliusumik ineriartulerpat nalinginnaasumik suleriaaseq pillugu paasissutissanik imaqartunik nalinginnaasunik ilitersuutunik nassiussisoqassaaq aamma malittarisassat isumaannik siunertaanillu naalackersuisoqarfiup isiginninnera pisuni arlalinni equngalersimasunut iluarsisinnaasarput. Tassunga atatillugu aamma pisortat karsiinut ajortumik sunniuteqartunik aningaasaqarnikkut pissutsinik alaatsinaattoqarsinnaavoq.

Aalajangiineq immikkuullarilluinnartoq - naalackersuisoqarfiup isumaa malillugu inatsisinut akerliusoq - naalackersuisoqarfimmiit ilisimaneqalerpat naalackersuisoqarfiup suliamut tunngatillugu oqaaseqaateqarnermigut assersuutigalugu kommunimut imaluunniit oqartussaaffimmut allamut inatsisinut qanoq isumaqarnini ilisimatitsissutigisinnaavaa, suliamilu qanoq ingerlaqqittoqassanersoq pillugu ilisimatitsissummik qinnuiginnilluni. Kommunip suliamut isummani aalajangiuisimassappagu naalackersuisoqarfiup suliaq Kommuninut Nakkutilliisoqarfimmut nalunaarutigissavaa.

Inatsisitigut aalajangersarneqarsimangitsumik immikkoortumi nakkutilliineq inatsisinik tunngaveqartumik nakkutilliinertut iluseqarsinnaavoq. Tamatuma ilaatigut kingunerisaanik aalajangiinerni nalinginnaasuni imaluunniit suliani aalajangersimasuni inatsisit atuuttut eqqortinneqarsimanersut paasisaqarfiginiarlugit nakkutilliisut pituttuisuunngitsumik oqaaseqaateqarsinnaatitaapput.

Erseqqissarneqassaaq inatsisinik inatsisitigut aalajangersarneqarsimangitsumik immikkoortumi nakkutilliineq qaffasinnerusumut naammagittaalliuuteqarnissamik aaqqissuussinnermut naleqqiullugu allatut aaqqiinnerummat. Tamanna isumaqarpoq atugassiissutip misissorneqartup pingaarnertigut naammagittaalliorsinnaanermut periarfissat allatullu aaqqissuussinerit aqutugalugit misissuiffiginissaani unioqqutitsisoqarsimanginneranut apeqqut misissorneqassasoq, tassalu nakkutilliinissaq inatsisitigut aalajangigaanngitsoq atorneqalersinnagu.

Inatsisitigut aalajangersarneqarsimangitsumik immikkoortumi nakkutilliinermut ilaapput naalackersuisoqarfiup oqartussaaffigisaata iluani malittarisassat kiisalu pisortani inatsisini malittarisassat nalinginnaasut assersuutigalugu sulianik suliarinninnermi inatsimmi malittarisassat eqqortinneqarnersut.

Suliamik piviusumik suliarinninnissamut naalackersuisoqarfik akisussaasoq suliarinnilersinnagu erseqqissumik inatsimmik unioqqutitsisoqarsimanersoq nalinginnaasumik erseqqinnerusumik

oqaatigiuminaattarpoq. Tassani apeqqutaasarpog inatsimmik unioqqutitsisoqarsinnaaneramik paasissutissat pigineqartut qanoq tikkuussinersut, aamma inatsisinik unioqqutitsineq taanna pissutsinut pingaaruteqarnerusunut tunngasuunersoq. Paasissutissat taakku innuttaasumik saaffiginnissutaasuniiginnangillat, kisianni aamma tusagassioortuni paasissutissaniillutik, Inatsisartunit apeqqutiniillutik il.il. naalackersuisoqarfiup allatigut pigisaanut paasissutissanut assersuullugit.

Pisumi pineqartumi ilumut unioqqutitsisoqarsimanersoq pillugu missingiineramik suliaqartoqartariaqarpoq. Soorpiangitsumik unioqqutitsisoqarsimanissaa ilimanaateqarsimanngippat naalackersuisoqarfik suliamik sukumiinerusumik misissuinissamut pissusaaffeqarpoq. Taamatut erseqqinnerusumik misissuinermut atasumik naalackersuisoqarfik assersuutigalugu kommuniniit paasissutissanik erseqqinnerusunik (aamma tassani suliami paasissutissanut attuumassuteqartunik) pissarsiniarnissamut pisinnaatitaallunilu pissusaaffeqarpoq.

Nakkutilliisussaatitaaneq pisut ilaanni oqartussat allat oqartussaaffiini atasunik malittarissat ilaasinnaasarpot, taamaattumik misissuinermi naalackersuisoqarfimmit ingerlanneqartumi oqartussat allat tusarniarneqarnissaat pisariaqalersinnaalluni, tassunga ilanngullugit naalackersuisoqarfiit. Tamanna isumaqarpoq naalackersuisoqarfik ataqatigiinnerni aalajangersimasuni oqartussat sullissiviillu ataaniittut kiisalu kommunit inatsimmik eqqortumik sunniuteqartumillu aqutsinissaasa qulakkeernissaa, nakkutilliinissaq pillugu inatsimmi aalajangersimasumik piumasqaateqanngikkaluarpalluunniit.

Pissusaaffik taanna tunngaviatigut makkuninnga kinguneqarpoq:

- Nakkutilliineq: Taassuminnga atulersitsinissamik atuutsitsinissamillu akisussaasunik oqartussanit inatsisit eqqortumik malinneqarnerisut naalackersuisoqarfik ingerlaavartumik malinnaassaaq. Pisut naapertorlugit tamatuma kingunerisinnaavaa misissuinerit, akuttunngitsumik nalunaarusioortarnerit, alakkaasarnerit naliliinerillu.
- Ilitsersuineq tapersersuinerlu: Inatsit naapertorlugu suliap suliarinissaanut taakku pisariaqartunik isumalluuteqarnerisut paasissutissanillu peqarnerisut qulakkeerniarlugit oqartussanut attuumassuteqartunut naalackersuisoqarfik ilitsersuillunilu tapersersuisussaavoq.
- Akuliunneq: Inatsisinik aqutsinermi kukkusoqarsimasoq amigaateqartorluunniit naalackersuisoqarfimmit paasineqarpat akuliunnissamut pissusaaffeqarput. Pisut naapertorlugit tamanna pisinnaavoq malittarisassanik oqaaseqarnikkut, ilitsersuuteqarnikkut, peqqusinikkut imaluunniit allatigut iluarsiiilluni iliuuseqarnikkut.
- Akisussaassuseqarneq: Inatsisinik aqutsinermut oqartussat ataaniittut akisussaanerinit inissinnissaannut periutsit sapinngisamik naalackersuisoqarfimmit qulakkeerniarneqassapput. Tassunga ilaavoq naammagittaalliutit passunnissaannut erseqqissunik suleriaaseqarneq aamma kukkunerit sumiginnaanerilluunniit pillugit nalunaaruteqartarnissat.

Inatsisitigut aalajangersarneqarsimanngitsumik immikkoortumi nakkutilliineq taamaalilluni inatsisit qanoq aqunneqarnerinik ataavartumik sunniuteqartumillu nakkutilliinerup qulakkeernissaanut pingaarnertigut siunertaqarpoq, ajornartorsiutaasinnaasullu suusinnaanerisa sukkasuumik paasineqarnissaannut iluarsineqarnissaannullu, aalajangersimasumik inatsisitigut piumasqaateqanngikkaluarpalluunniit.

### 31. Missingersuusiormut malittarisassanut inatsisit tunngaviusut taakkunangaanniillu immikkut akuersissuteqartarneq

Missingersuusiormut malittarisassat missingersuusiorneq naatsorsuuserinerlu pillugit inatsimmik tunngaveqarput. Tamatuma saniatigut malittarisassaq pineqartoq inatsisini, nalunaarutini kaajallaasitanilu tullinguuttuniittuni immikkut aalajangersakkanik tunngaveqarluni sanaajuvoq, taakkunungalu paasissutissat allat pisariaqartinneqarpat innersuussisoqassaaq.

- Ukiumoortumik aningaasaqarnermut ilassutissatullu aningaasaliissutininut inatsisit taakkununga oqaasertaliussat ilanngunneqartut.
- Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat allannguutinik ilalik.
- Aningaasanut inatsisip sannaa allaffissornikullu aningaasanut inatsisip ingerlanneqartarnera pillugu Namminersorlutik Oqartussat nalunaarutaat.
- Namminersorlutik Oqartussat suliffeqarfutaasa namminersortitat naatsorsuusiortarnerat pillugu Namminersorlutik Oqartussat nalunaarutaat.
- Kommunit aamma Namminersorlutik Oqartussat naatsorsuutaat pillugit Namminersorlutik Oqartussat nalunaarutaat.
- Naatsorsuuserineq pillugu najoqqutassiaq, ASA-mi DCR-imit suliarineqartoq.

Missingersuusiortarnermut najoqqutassani malittarisassanik suleriaatsinillu allassimasuniit immikkut akuersissuteqartarnerit taamaallaat immikkut akuersissuteqarnissamut kinaassusersiunngitsumik inatsisillu naapertorlugit eqqarsaatiginnittoqarpat taamaallaallu Aningaasaqarnermut Naalakkersuisoqarfimmik siumoortumik oqaloqateqareernikkut pisinnaapput, pisariaqarpallu tamanna pillugu apeqqut Aningaasaqarnermut Naalakkersuisumut, tamatumani Naalakkersuisunut saqqummiutissallugu maleruagassanit immikkut akuersissutininut §22, imm. 3, Naalakkersuisut Suleriaasiat pillugu Nalunaarummi qaqugukkulluunniit atuuttoq malillugu nalunaarutini aalajangersakkaniit immikkut akuersinerit pillugit allatigut aalajangersakkat naapertorlugit.

### 32. Malittarisassanut ilitsersuutinullu innersuinerit

- Kommunit Namminersorlutillu Oqartussat missingersuutaat naatsorsuu-taallu pillugit Inatsisartut Inatsisaat allannguutitalik.
- Aningaasanut inatsisip aaqqissugaanera aamma allaffissornikkut aningaasanut inatsisip suliarineqarnerata ingerlasarnera pillugit Namminersorlutik Oqartussat nalunaarutaat nr. 44, 27 november 2020-meersoq.
- Immikkoortumut pilersaarutit pillugit Namminersorlutik Oqartussat nalunaarutaat nr. 49, 6 juni 2025-meersoq.